

طائفة من حوائی

۱۲۰



محرری

خمس لواحق تحریرات قلمی - سر مسودی ردوسی

ابوالمظفر دج

استانبول

مکتبہ انجمن احیاء آثار اسلامیہ

طبعیہ مشائیہ

۱۳۲۷

Trablus gorp ahvâli

طَبِيبُ نَزَارِ جَوَالِي

یکی دنیا



مؤلفی

خمس لوامی تحریرات قلمی سر مسودی ردوسی

ابوالمظفر رجب

Ebulmuyaffer Recel

استانبول

تَحْمِيلُ الْحَسَنِ بْنِ عَلِيٍّ

طَبِيبُ مَسَامِي مَكِّي

۱۳۲۷

C

❧ افادۀ مخصوصه ❧

بروانۀ شمع وجدانی اولدوغم متصرف دو قوتور رشید
 بکک حق عاجزانه مده کی حسن اعتماد لری اثری اوله رق، خمسہ
 تعیین ودعوت بویورلدیغم زمان، احوال وعاداتی، استعداد و مزایای
 شمعی به قدر افکار عمومیه ده بک مهم قلمش وداها دو غریبی
 موقعنک اوزاقلغندن ووسائط ارتباطیه نک ندرتسندن دولای
 معکوساً شهرت المش اولان « طرابلس غرب » حقه ده کی مشهودات
 و تبعاعی حاوی بر اثر جک میدانہ گه تیر مکملکم ، هوس و حسن
 نیتمه واقف بولونان بعض رفقام طرفندن رجا ایدلمش ایدی .
 آفریقانک ایلک دفعه ارله رق (مصراطه) طور اغانه
 چیقدیغم کون ، حقیقه ، عالم ایچنده باشقه برعالمه کیرمش ایدم ؛
 ردوسک ، ساقزک ، مدللینک کشیف و سایه ساز اشجارینه مقابل
 برهنه ساق خورمالر و هنوز آیرلدیغم شامت ماسوایه معادل
 مدید برصمت و سکون دروننده قالدیم طرز حیاتک شوصورتله
 بوسبتون تغیری ، بدایه روحی صیقمغه ، قلم بیقمغه باشلامش
 ایدیه ده ، کیتدجکه آلیشدیغم کبی ، بوتجرددن بک خوشلاندیم .
 چونکه ، اوقاتم هر درلو مشاغیل زانده دن آزاده ، اهلینک

احتیاج همتی ده فوق العاده اولدوغندن، وظیفه رسمییه مک ساعات معینه سی خارجنده اختلاس ایده بیلدیکم آوانی تصویر حسابات و تفسیر مشهوراته حصر ایتدم .

فی الواقع ملک و ملکت احتیاجات حاضره سنی ا کلا یوب انظار حمیه وضع ایتک نه بویوک ، نه طاتلی بر مشغولیتدر ! مع مافیہ ، عجز می اعترافدن باشقه بر مزیت اولدینی ایچین ینہ نیتیم کتاب شکنده نشر ایتک دکل ایدی . لکن ، خدمت ملیه هوسنک کیتدکجه تشددی فکرمی تماماً ده کیشدیردی . بر مدت دوشوندم ، کندی کنده محجوبیت اخطارنده بولوندم ، بر درلو اقاع ایده مدم .

نهایت ، معنوی بر قوه مجبره نك مغلوبی اولونجه ، مسوداتمک اوته سنی بر یسنی دوزه لتوب باصدیر مق جرئتده مضطر قالدیم . معلومدرکه ، بر شیشه حکم ایدئزدن مقدم مقصد آرانیر . قارئین کرام حضراتی ده بونقطه نظر دن تدقیق بو نورور لر سه خطالرمی حسن املله اورته رک ، وطنه خدمت ایتک ایسته ین برگنجک شوق و غیرتی قیرمز لر .

اداره سابقه نك سیسال مصائبی آلتنده ازیلوب ، قوه مرکزیه نك انقطاعندن ناشی مرحوم رجب پاشا کی ارباب حمیتک و لاسیا بارلاق فکری اشرف جلیله الاوصافک جسارت و غیرت فدا کارانه سی یاردمیه موجودیتی محافظه ایده بیلن بو ولایت جسیمه ، اذکر لی و لایامتزدن بری و بلکه ده برنجیسیدر .

هله ، ازمنه اخیره ده کسب ایندیکی اهمیت سیاسی جهتیله دخی
مرهم مشروطیته پک زیاده مفتقر در.

اوت ، « طرابلس غرب » نیجه اسرار تاریخی بی جامع ،
بونجه مظنه کرامک انوار روحیه سیله لامع مقدس بریورد مزدر .
فینکه لیلرک ، قدیم رومالیرک ترقیات محیره سنی چشم انتباه
وانصافه آلیرساق آکلارزکه ، بوواسع ، منبت یرلر اجداد مزک
قیمتلی یادکارلرنددر .

واقعا کچوک یاشمدنبری بسله دیکم آمال ملییه مساعد بر
محیط بوله بیله حکم امید قویسیله گه دیکم حالده ، شوبش آتی
آی ایچنده مع التأسف (معاملات قرطاسیه دن دولایی)
مجر وح الفؤاد اولمش ایسم ده ، ینه شوق وغیرتمی هیچ برمانع
قیرمغه موفق اوله مدی !

نه چاره ؟! انسان ایچین ملک وملت ی اوغرنده دوشه قالقه
چالیشمق ، باخصوص مبادی مشروطیتده حیاتی بیله کوزدن
چیقارمق مقتضای حمیتدر . — اجداد بسالت بنیاد مزک قانلریله
ایصلانان طور اقلره ترلرمزی دوکدرسه کچوقیدر ؟...


قوجه مان بر ولایتک بدرقه فیض وسعادت دیمک اولان
ذات سائی ولایتناهی — معروضات آتی می لطفاً مطالعه
بویورورلرسه — محیط اداره لرینک سفالت ضرورتندن دولایی
تأثرات عظمی ایچنده قاله جق وخدمات خیریه نعم المطلوب بر
جولانکاه ایچنده بولوندوقلرینی بالاطراف تفرس بویوره جقلردر .
اگر بوکا موفق اولورسم ، کندمی ده بختیار عدایده حکم .
چونکه ، بورالره که لیشم ، اولاد وعیالمی اون — اون بش

کونلک بر یرده براقوبده سفالتک ، عسرت معیشتک اقسام
عدیده سنی اقتحام ایدیشم ، انجاق ، کنجلیکمک مساعده سنی
استراحت وجودیه ایله که چیشدیریمک اساسنه مبتنی ایدی .
نظر مده ؛ وطن ، ملت یولنده سفالت چه کمک محض
عبادتدر . زیرا ، برعثمانلینک حیاتی ، (وطن ، ملت) کلمه لرندن
عبارتدر .

ینه تکرار ایدرم ؛ جرأتیم ؛ اثر تضییق حمیت ، تصویراتم ؛
ترجمان قلوب ملتدر .

خمس ، ۷ تشرین ثانی سنه ۱۳۲۶

تحریرات قلمی سر مسودی ردوسل
ابوالمظفر رجب



طرابلس غرب احوالی

موقع جغرافیسیله مقدار نفوس و مساحه سی — احوال هوایه
و استعدادی — ترقیات سابقه و حاضره سی

مصر الکاسنک غرب بنده ، بنغازی سنجاغنک جنوب
غربیسنده ، صحرای کیرک شمالنده و تونس ایله (طرابلس
و جزائر بیننده کی) شعبان قبیله لرینک شرقنده کائن اولوب قسم
شمالیسی بحر سفیدک « سیدره » کور فزیله محاطدر . (طرابلس)
کلمه سی (Traboulous) طرزنده او قوندوغی زمان « اوچ
شهر » معناسی افهام ایدر . باشنه برده (۱) علا و سیله (طرابلس)
شکلنده تافظ ایدیلدیکی دخی کور و لمشدر .

مالطه طه سنه (۱۹۸) ، ایالیایه (۴۹۵) ، یونانستانه (۶۳۷)
و شمال شرقیسنده ، شرقدن غربیه دوغری اوزانه رق ، اورته ده
حد فاصل تشکیل ایدن کرید جزیره سنه ده (۵۹۴) میل مسافه ده در .
بناء علیه یالکنز شمال ضلعی دکزه معطوف بولونان بومربع الشکل
ولایت ، وضعیت جغرافییه ، مجاورت و مقارنت سیاسیه اعتباریه
فوق العاده حائر اهمیتدر .

بعض کتابلرده (۱۰،۱۰،۰۰۰) نفوس محرر ایسه ده ،

معاملات جاریه و تذبذبات قیودیه بونک عدم صحتی اظهار ایدہ
 کہلیدیکندن و بودفعہ اخذ عسکر معاملہ سنک ولایت مذکورہ
 دخی تسمیل ایدیلہ سی یگیدن تدقیقاتی ایجاب ایلدیکندن کہ چندہ
 لزوم گورولہ جک تحریر قومیسونلری حقندہ مخبرہ سبق ایتمش
 و بو تقدیردہ دوغروسنک یقین زماندہ تحقیقی طبیعی بولنشدر .
 مقدا تقریق ایدلمش اولان بنغازی سنجاغی دہ داخل بولندینی
 حالہ ، مساحتہ سطحیہ سی (۱۰۲۰۰،۰۰۰) کیلومترو مربی
 و یونانستانک (۶۴،۶۷۹) اولدوغنہ گورہ ، یونانستاندن مع
 بنغازی اون سکز یحق دفعہ بویو کدر!...

شوراسنی دہ اونو تاملیدر کہ ، قوۂ نابتہ سنک فوق العادہ لکی
 و موقنک از ہر خصوص ترقیہ استعدادی بومقایسہ عینیہ ی
 قبول ایتمز .

ہواسی یاز موسمندہ اولدقہ صیجاق ، سہاسی دائما بر اقدر .
 فقط ، عوارض طبیعیہ دن دولایی روزکاری تموج ایدن (خمس
 کبی) یرلری بلاد معتدلہ دن فرقی دہ کیلدر . صیجانی طوقونماز .
 انجاق ، عادات محلیہ رعایت لازمدر . اغستوس ماہندن سو کرہ
 سرینک باشلار ایسہدہ ، سورکلی اولمایوب ، تا کانونلرہ قدر
 آرہ صرہدہ حزیرانی اکدیریر صیجاقلرہ تصادف ایدیلیر .
 بونک اہالی بی احیا درجہ سندہ برخدتمی واردر کہ اودہ ، ایلولک
 مبدأندہ صارمغہ یونہ لن خورمالری اولدور مقدر .

کرچہ اصل قیش ، کانون اول و ثانیہ ایسہدہ ، بعضاً
 بواقلمک غربب احوالی کورولور ؛ بوسنہ کی ایلولک حلولی

متعاقب اوچ کون دوام ایتک اوزره لاینتقطع وقالین یغمورلر
یاعمش ، یوللر برر نهر حانی آلمشدر . بودن باشقه هربری
یغورطه دن بویوک اوله رق دوشه ن طولو دانه لری یورکلری
دهشتلندیرمش ، معاذاه اپی دوام ایتسه ایدی ، خورمالرک
کاملأ یره سر یلمسی یوزندن ضرورتک حد غایه یه وارمسی
شبه سز ایدی .

صوؤغنی پک نافذدر؛ بلاد معتدله دن که لئر تحولات هوایه
صره سنده وجودلرینی محافظه ایتزلرسه ، (دیزانتری) خسته لنک
یا قه لامه نه قارشى علاج تدارکی پک مشکدر . (فزان) یولنده کی
چوللر مستقنا اولق شرطیله بوولایتک اراضیمی صوک درجه ده
محصولداردر ، طوبراغی یغوشاق اولغله برابر اکثر نقاطی نیل
مبارکت توزیع ایتدیکی (میل) کبی اینجه وقوم ایله طاشدن
وارسته در . شوقدر وارکه ، یغمورلرک عدم اطرادی ، باب
فیوضاتی طیقاه مقده در . بونی استطراد طریقله علاوه دن مقصد ،
شیمدیکی عطالت زراعیه یی معذور طوتمق ده کیلدر . چونکه ،
وقتیله رومالیرک محیر العقول ترقیاته جولانگاه اولان ودرجه
معموریت سابقه سی ، (لبده) خرابه سنک احتشامیله متظاهر
بولونان بویولرک ساحل بوینده ، دره لر اورته سنده ، هربری
اون بش — یکر میشر دقیقه اوزاقده سدر کورولویورکه ،
خدمتبری ، فضله یغمورلری طور دورمق ، ترلار قورودیغنده
صالوب صولامقدر . بوسدلر ، مرور زمانه ییقلمش وبوزولمش
اولدوغندن الحاله هذه خدمتدن ساقطدر .

تعمیر بحشه کلنجه ؛ اور کوته جک بریکونه متوقف اولغله
برابر ، صورت استعمالی ، ارباب فنونک وجوديله تعیین ایده
بیله جکندن غیر قابلدر .

ایمدی ، اکثر یا اکیلن تخم لک بیله ضیاعی حسیله زراعتک
توسی پاتاس کی محصولات میاهیه نک یتشدر یلسنه غیر تله حصول
پذیر اوله بیلیر . — پاتاس که ، طراباسک طو پراغنده پک برکتی
اولویور . پاتاس که ، نه قدر چوق اولورسه ، فوایدینک نسبت
مبسوطه منه خلل کلیور . پاتاس که ، بو کون مارسیایی زنکیلتیور
مرکز ولایتدن عیرینسک عمران ترقیدن بوسبتون محرومی
سائر ممالک عثمانیه اولان بعدندن . اهایینسک طشریه عدم
رغبتهن ودور سابق زمامدارانندن اکثرینسک انظارنده لاشی
حکمنده طوتوله سندن نشئت ایتشدر : نیجه متصرفلر ، قائم مقاملر ،
مأمورلر یالکز کیسه شیشیرمکه حصر واعتنا ایتش و تحصیلات
زاندارمه لک ، مفرزه لک دست اصافلرینه تودیع ایدیلش
اولدوغندن ، ظلمه اورته سنده صاحبسز حامیسز قالان بیچاره
اهالی صویولمقدن بر آن خالی اوله مامشدر ! اشته بوسبیدن
دولایی نظرلرنده پک غدار کورونن مأمورین حکومت قارشی
عربانک برودت و نفرت مستمر سی و امیدسز بر حیات الیم ایچنده
یوورالانمسی ، بومقدس جزؤ وطنک خاک پاکنی دست طبیعت
براقش ، ترقی شویله طورسون ، دوشن برطاشی یرینه قویمق
هوسی قالماش ، لوا مرکز لری بیله — بعض مؤلفانک توصیفاتی

دلالتیله مفکره لر مزده ترسم ایدن- صحرای کیرلوحه لر نی احساس
ایتمکده بولونمشدر !

بوکون جبل غربی و فزان سنجاقلرینک روح صیقیجی؛ آغلانجی
شکل خرابیلرینه قارشى نسبت قبول ایتیه جک بر مرتبه ده
مترقی اولان خمس لواسنک مرکزی جزائر بحرسفیدک (الحیرلی)
ناحیه سی قدرده دکلدر .

یوقاروده کی ایضاحات مؤسسه نتیجه -نده شوسه لر دن بحث
ایتمکی بک زائد کورورم . فقط ، سائر بعض ولایاته وسیم
بومقیاسده توقفه نظراً ، خطوط برقیه یه اولدجه همت ایدیشدر ،
اوتوز کونده واوله بیلن فزانه وداها سائر محال بعیده یه دکی
تشمیل ایدیلن بوترقی ، جدأ شایان ممنونیت وشکراندر . پوسته
اصولنکده بالعمکس دورغون اولدوغنی علاوه ایدرم که . بونقطه ده ،
تللری تمدید ایدن اللره برقات داها رحمت او قومق اقتضا ایدر .
مثلاً ، موقعاً هجری ، قوه ضابطه سی غیر کافی ویک مهم اولان
(سرت) قضاسنه اکر تلغراف اولماسه یدى ، مربوط الیه ی
بولونان خمس لواسنک اعتباری وموهوم بر قضاسی حکم -نده قالبردی
§ طاغلرنده ، کوموش ، دمیر ، کومور ، کبریت ، متنوع
طوز معدنلری و (لبد) شهرینک آثار عتیقه عیدیه سی
موجوددر . بونک ایچوندركه ، خیلی شعرای عربک منظومه لر یله
مدح و ثنا وعادتا سهایه قدر اعلا ایدیشدر .

لبده خرابه‌سی

لبده ؛ له‌بده (Lebdé) له‌بیده (Lébidé) وله‌بده (Lébedé) که ، باشلوجه اوچ درلو یازیلشدر . فینکه لیلرجه « عمراندن محروم محرا » دیمکدر . لاتین لسانده ایسه لپتیس مانیا (Léptis mania) دیه‌توسیم ایدیلشدر . کرچه تاریخی صورت قطعیده معلوم ده‌کیل ایسه‌ده ، (قارطاجنه) زماننده تأسیس ایدیله‌سی متبادر خاطر در .

نه‌شایان تماشایا برخرابه پرهیت ، نه‌محیرالعقول انقاض پر حکمت !:

خمسک ساحل بویجه دوام ایدن ، طاغری قلاع واسواریه
تزیین ایلین بوشهر عتیق ؛ هربری شیمدیکی او طه‌لر قدر جسیم
طاشلرله انشا ایدیلش مدبدب سربلری ، سکر — اون مترو
طولنده وبر مترو قطرنده یکپاره سستونلری ، قسماً باقی متین
برجلری ، اون — اون بش مترو اوزونلقنده یکریمی — اوتوز
قدمه‌لی مردیونلرک مطمئن کوشکلری ، مقاومتلی ریختیملرله
قوشاتلش فقط ، مرور زمانله طولهرق کول حالی آلمش فی
لیمانی ، تکملات بشریه‌نک قصوای احتواسنی عرض ایدیور .
ناسرار انکیز ساحه عبرت ، نه‌بویوک ، نه‌گه‌نیش بر مکتب
فن و معرفت !:

کیرچسز یابیش بنالرک طاشلری مفتاح صنعتله کلیدلنش .

صانکه ، قیالر اویولمش ، دوزلتمشده سوکره انظار اخلاقی
یا کیلتمق ایچین چیز کیلرله نقش ایدیش ...!

اوتده برستون کوریلور ، یانه وارلدقده ؛ اوتوز —
قرق طاشدن متشکل اولدینی اگلاشیلور ؛ آرمدن عصرلر
که چش ، ییقامامش . بربرینه ربط ایدمک دمیرلرده یوق !
دکز ؛ امواج شدید سنی چاروب طوروپور ، قیمتی آناری
سور وکله یوب چه کمش ، قوینونده صاقلاپور . (رخام) تعبیر
ایدیلن مور طامارلی بیاض ستونلردن طرابلسه . مصره وسائر
محلله کوتورلمش ، کیم بیلیر شیمدی یه قدر داهانه لر آشیریش ؛!
بانیسنک ملک (دقینوس) اولدینی ووفاتندن سوکره
(رومیه) اسمنده کی قادینه انتقال ایتدیکی تاریخلرده مذکور
ایسه ده قطعیت کسب ایدمه مشدر . زیرا ، مؤرخین دیورکه ؛
« (دمشق بن نمرود) (دمشق) ی بنا ایتدکن اوچ سنه
سوکره اوغلنی مغربده برشهرانشا ایتک وظیفه سیله گوندرمش
و بوده لبدی میدانه که تیرمش . . صوبی درت ساعت مسافده
واقع (عین کعام) قویوسندن تحت الارض یوللر واسطه سیله
جلب ایدیش ؛ طاشلری (صوان) معدنه مشابه بر صورتده
متین ، بعضیسی درت ذراع جسامتمده اولدوغی کی چوغی اورت سندن
منتظماً اویولمشدر . مصنوعات بشریه دن عدنده عقل وفکرک
متردد قالدینی بویولار ، مرور وزمانله بوزولمش و شیمدی
یا لکز لبده درمسنه بربرینه یقین ایکی نقطه دن چشمه کی
آقدینی ونبغان ایتدیکی کورولمشدر .

روما وقعه نویسارندن مشهور امیانوس ، موقعا وشكلا
قرطاجنه مشابهتی و فنیكه ایلرك مستحضر اتندن ایدوكنی بعدالیان
آثار قدیمه سنده کی یازیلرك یونان، لاتین ، فنیكه و (۳۷۰) اوچ
یوز یتمش سنه میلادیه سنده تخریب ایدن (بربری) بر قبیله نك
لسانی اوزره بولوندوغنی اتیان ایتشدرد . دیگریدده وجه آتی
اوزره تفصیلات ویرمشدر :

« بوبله افریقای شمالیه نك بویوك شهرلرندن بری ایدی .
قرطاجنه لیلر هجوم ایدنجه ، اهالیسی روم پادشاهیندن استمداد
ایتدی . بوپادشاه عسکريله امداد و دشمنلرینی بر باد ایتمكه برابر
عمرانه معاونت ایلدی . استمداد طیبعیسی ملابسہ سیله مدت
قلیلہ ظرفنده درجه اقصایه واردی . فقط ، (وندال) قبیله سی
روم طرفندن (اندلس) - ویراغندن قوغوله رق بربرستانه هجرت
ایتدیکی وقت سورلرینی ، بنالرینی هدم و تخریب ایتدی .
قبل الهجره قسطنطنیه ایمپراطوری (یوستیانوس یا خودزوستیانوس)
قبیلہ مذکوریه بالهجوم قهر و تضییق و حکومتلرینی الده ایدرك
بونواحمیدن تغریب و بناء علیه هجرتدن (۱۸۸) یوز سکسان سکر
سنه اول لبدہ شهرینی تعمیرله قوماندان (سر جیوس) . مقر
ولایت اتخاذا ایلدی . لکن، الحاله هذه خراب اولوب ، جدید
طرابلس ، بونك انقاضیله بنا ایدلمشدر . »

کویا بوشهرک بانسی اولان ملک صورت نا کهانیده وفات
ایدن ایکی عسکری ایچین مراقلانہ رق، خسته لغنی برای تشخیص،
برینك قلبی یاردیرمش . ایچنده ظهور ایدن قوردك موته سبیت

ویریدیکی آ کلاشیلماغله اجزای موجوده نك هپسندن بوقورده
دو کولش، اولمه مش . بعده شامدن که تیرمش اولدوغی برشیشیه
ملو زیتون یاغندن بر قطره سی اجرای تأثیر ایتدیکندن شامدن
جلب ایتدیککی زیتون اشجارینی (مسلاته) دن (سوسه) یه
وتونسه قدر دیکدیرمش . حاصلی لبده خرابه سی جدآ سیر و تدقیقه
لایق بردارالصناعه در ؛ اورته ده برهیکل یاتیور ، اصلنک هیئت
وحشمتی کوستریور ، بوجسم جامد روحه دیورکه ؛

« ای زائر ! بنی چیکنه یوب ، غافلانه که چمه . چونکه ،
اصلنک هنر و معرفتی ایشته وجودمده تجلی ایدیور . باق !
برطاش سکا یکر می آلتی عصر دن فضله برماضینک حیات اجتما-
عیه سندن ، ترقیات فنیه سندن خبر ویریور ؛ بوراسی شیمدی
بر خرابه ایسه ، و قیله ، کوزلریکی قماش دیره جق بر معموره ایدی .
هر طرفی که ز ! اسلافک غیرتندن ، درجه همتندن عبرت
چین اول ! بزبوراده بیهوده یره اضاعه اوقات ایتدک ؛ نه قادار
محالات وارسه ، هپسنی دائرة امکانه صو قدق .

اوت ، چالیشدق ، همتلر منزله طاغلری کوکندن سوکدک .
محصول مساعیمز اولان شومشعشع سربایلر ایچنده ده صفالر
سوردک .

مزیت انسانییه کئی تحقیر ایدیورسک ! حیرت ، اثر عجذر .
بزده سزک کبی ابنای آدم دن ایدک . مادامکه انسان ایچون کمال
یوقدر ، اعمال فکر ایتسه ک اکلارسک که ، کاله ایرمین اسلافک

بومتروکات سمیعی ، سیکله اعلايه مقتدرسک ؛ فلیس للانسان
الاماسمی ...

فقط ، انصاف ایدیگز ، انصاف ! سزه بونجه آئارنقیسه
براقدن . موزه لریکزی ترین ایده جککز یرده طوپراقلا ایچنده
ترک ایدیورسکزر ! ...

سز طرابلسی دکر سز برشمی ظن ایدیورسکزر ؟ بز
بو طوپراغک فیضندن مستفید اولدق ، سایه سنده بو عمرانه موفق
اولدق . چالیشکز ، چالیشکز !

نه بلیغ ، نه فصیح خطابلر ، نه مؤثر ، نه علوی خطابلر !

*
* *

لبد حقه معلومات کافی استحصالی ضمننده برچوق آئار عربه
مراجعت ایتدم ایسه ده ، تذکاره لایق تفصیلاته ظفریاب اوله
مدم . فقط ، خرابه نک شکل حاضری تدقیقاته الویریشلی اولدوغندن
اکثر جهاتی که زه رک . اولدوچه بر فکر تاریخی ایدینه بیلدم :
بو خرابه نک اصل مرکزی ، شیمدیکی خمس شهرینک
ایچندن ناساحل ناحیه سنه قدر ساحلی اشغال ایدیور ، برباشندن
دیگرینه اوچ ساعتدن فضله سورویور . لیمان و سیرایلری
ومقاومتلی سور و معبدلری خمسک یارم ساعت مسافه سنده
کورونویور . الیوم موجود بولونان ، تخمیناً یدی متروار تقاعنده کی
ستونک اطرافنه دقله باقیله جق اولورسه ؛ غایت بویوک رقیونک
آیاغی اولدوغی آکلایشلیور . بونک ، شهری احاطه ایدن سورک

قبوسی اولهسی بدهته قارشی انسان قرون سالفه نك هیتلی
منظره لرینی ملاحظه انساننده سبابه کزای حیرت اولویور .
لبده نك الك زیاده رومالیر زماننده ترقیاته مظهرتی متفق
علیهدر .

لیمانك (۵۰۰) بش یوز مترو قدر نصف قطرده برداره
داخلنده بولوندوغی . ریختیملرك تشكلاتندن اكلاشیلیمقه
وپالامار باغلامغه مخصوص دلیكلی طاشلار ایوم مشاهده
ایدیلیمکدهدر .

بولیمانك آغزی شماله کشاده ومع هذا ، مدخلنك طولاً
مباحثنی مالبسه سیله تأثیرات هوایه دن آزاددهدر . ریختیمك
بعض نقاطی ، سطح بچردن یدی - سکز مترو ارفاعندهدر .
مذكور پالامار ربطیه لرینك جسامته باقیلیرسه ، سفائنك پك
بویوك مقیاسده اولدوغی شهه سزدر .

مدخلنك صاغ جناحنده - حالا متانتی محافظه ایدن - بر
بنا واردركه ، بونك دشمن مراکبه قارشی یانیش بر موقع
عسکری اولهسی محققددر . چونكه ، دیوارلری بر یچق مترو دن
فضله نخذدهدر .

خمسدن ساحل ناحیه سنه کیدیلر كن شیمدیکی قشله عسکرینك
بر آزاوته سنده ، یول اورته سنده ایکیشر اوچر مترو مر بعهده
تملار مشاهده ایدیلیر . بونلرك اما كن قدیمه تملارندن
عدی قابل اوله میه جغندن سبق ایدن تدقیقات ومقایسات

نتیجه-نده (لبدہ) سکنہ سنک مقبری اولماسندہ شبہ قالماسدہر .
چونکہ ، بوتملرک اون — اون بش خطوہ ایلروسندہ طوپراق
آلیرکن چیقان دیوار دلاتیلہ اوچ مترو عرضندہ وبش مترو
اوزونلغندہ وایکی مترو ارتفاعندہ ربنا میدانہ چیمشدہر .
کوشہسندہ کی دلیکدن ایچروسنہ دوغری عطف نکاہ تجسس
ایدیانجہ ، اوزرینک محکم کمرہ مستور واورتہسندہ اطرافی
یوز اوتوز ساتمترو قدر کنیشلکندہ یوللرلہ قوشاتلش برقبر
کورلمشدہر . نہچارہ کہ ، کیرمک محال اولدیغدن بوقبرک دیگر
اوچ دیواری معاینہ ممکن اولہمامشدہر .

لبدہ نک نواحیسندہ کی ترلارلدہ متنوع یوزوک طاشلری
الیومبولونمقدہدر . بونلرک اکثریسی مستوی ویضی ومحکوکدر .
سکنہ سابقہ نک حکاکلقدہ نہدرجہ ایلرو کیتدیکی بدیہی ایسہدہ
بونہ اصلسزای دقت اولان جہت . اشکال غربہدر . مثلاً ؛
باش وانسان رسملرینک برر یادکار اسلاف اولسی احتمالہ
قریبدر . فقط ، بومیاندہ خروس ، ییلان ، طاوشان وینکچ
کبی اشکالک موجودیتی اعتقادانہ متعلق معلومات ویریور .
یعنی دین مسیحک انتشارندن — کہ اون دوقوز عصر — اول
یایلدہش اولملری اغلیت درجہسندہ بولونویور .

طرابلسك سکنه سالفه سی

طرابلسده ایلك دفعه فینکلیلر وبعده قرون مسیحیه
اوانلنده رومالیلر و متعاقباً جرمان جنسندن اولان وانداللساکن
اولشدر . (۵۳۰) بش یوز اوتوز سنه سنده یونانیلر استیلا
ایدرک بربریلرک تغلبه قدر اوتورمشلدر . بربریلر اساساً
فلسطین نواحیسی اهاالیسنندن ایدی . ملکلرینی (جالوت)
قتل ایتدیکی وقت، مغربه هجرت و برچوق محله ره استیلا و نهب
و غارت ایتدیلر .

فینکلیلرک ، رومالیلرک و وانداللرک نسلندن اثر قلمامش
ایسهده ، لسان بمحشده کوروله جکی اوزره گله نرندن بعضیلرینک
یک متحرف بر صورتده الآن متداول اولدوغی عند التحلیل
اکلاشیلیور .

لسان

طرابلس اهاالیسنک لسانی اصلاً عربجه در. قبیله لر مواع
مختلفه دن ورود و توطن ایتدیکلرندن اصل بربری اولانلرک
کلامنده کی تخائف و غرات اکثریا حل ایدیه میور . مع هذا ،
ملل قدیمه دن موروث کلمات الیوم محافظه اولونویور . شوقدر
وارکه ، کاملاً شیوه عرب اوزره محرفدر .

عربجه ي قواعد عمومیه سیله بعدالتحصیل که انلر صورت
سربستانده کوروشه منزلر. مثلاً بوراده (ج) ی (ز) طرزنده او قورلر
وبر فعلک اوکنه (ما) ادات نفی کلنجه صوکنده مطلقاً (ش)
علاوه ایدرلر : (مازانهش) کبی

(شنو) کیمدر، (آش) نهدر معناسنده قوللانیلیر و بناء علیه
من هو یرنده (شنوهو) ، ماذا مقامنده (اشکن) دیرلر .
بوزمیندهده تفصیلاته حاجت کوروله مدیکندن نمونه اوله رق
برقاچ کله درجیله اکتفا قلنمشدر :

زوز یاخود جوز	=	انین	:	لاتین ایله اسپانیول لساندن
مانجاری	=	یمک	:	روما
قیداش	=	کم	:	اسپانیول
ماذال	=	داها	:	مجهول
بروحا	=	منفرد	:	(بروحه) ایسه عربجه دن
قامز	=	اقعد	:	مجهول
دوغری	=	دوغری	:	ترجه دن
فیسا	=	چابوق	:	عربجه دن
دیما	=	دائما	:	»
بتو	=	دینار	:	مجهول
قارموس	=	تین	:	»
حافظه	=	هفته	:	ترجه لشمش اولان فارسیدن
خوش	=	بیت	:	(خویش) ایسه لسان ایراندن
پوققول	=	بالکل	:	عربجه دن
حاصلی ، طرابلس غرب		لسانی عربجه نك		نوع دیگر ی

و کلماتک بر قسمی بربری و محرف اوله رق اجنیدر. هله (سودان)
 (وادی) ، (با کرمی) ، (طومباقتاوی) ، (برناوی) ،
 (تارکی) و (خامس) لسانلری کلیاً آیریدر. موسویلرک
 بر قسمی عبرانیجه تکلم ایدرلر .

آلات وادوات زراعيه و اصول حراثت - باشلوجه محصولات ارضيه - لكبي سفاهتي

حبوباتي چفت ايله اكر لر . صاپانلرك اكرتيسي عصرلر
صيفه سيدر ! [۱] رى قابارتمقدن ، تخم قابارتمقدن باشقه برخدمتي
اولمديغندن اك چوق برقاريش عمقنده قالان حبوبات نزول
امطار ايله سورمكه باشلادىغنده ، منطقه ايجانجه ، ياز قيش
حرارتي اكسيك اولمايان كونشك تاثيراتيله كسب ييوست ايدن
بوطبقه خفيفه ايجنده بعضاً ياتوقف ايدوب چورويور وياخود
(ييدن) اوله رق قورويور . برده سائر محللرده لا اقل درت
سنده بردخوليه [۲] اصوليله مساماتلانديريلان اراضى يوته جني
صوني تدريجاً تخير طريقيده حبوباتك كوكلرينه ويرديكندن
وبوصورتله ايكي يغموربني اوزاسه بيله محصولاتي بسله ديكندن امك

[۱] صاپانلر ؛ ضلع اسفليسى برقاريشدن فضله ممتد اولق و بو
اوجه اورته باييده بر بابو جك نصف قداميسي قدر خفيف بر غلاف
حديدي كه چيرنك اوزره ضلع اكبري اللى سانيتمترولق مثلكادن عبارتدر .
دوملرله وحتى كه چيلر ايله زرع ايدر لر .

[۲] دخوليه : يازين طوبراق برمترو قدر درينلكنده اولق
اوزره قازيلير . (آيريق) كي مضر كوكلر ميدانه چيجه جفتدن
اوصيچاقده قورور . طوبراغك آلتنه ترتب ايدن مواد نابته سي
شوصورتله ميدانه چيچاركه ، هله اوسنه كي محصولاتى بك بركتلى اولور .
ردوسده زراعت مراقبلرندن برى ، يغمورلرك موسم تناقصى
اولان شىباط ماهنده . برى دخوليه كورمش وديكرى بالكنز

سایه‌سندمه استفاده ایدیلکده اولدوغنی حالده ، بوراده اهمیت ویریلنامسی ، صابان یوزی بیله کورمین وینا برین عاداتا تحجر ایدن آلت طبقه لک یغموری یوته میه رق ، سیل حالنده تلف اولمه‌سنی موجب بولوندوغندن ربو چوق ، نهایت ایکی قازیشلق برر طوبونک ایکی اوچ کون ظرفنده محوینه بادی اولمقده در .

معلومدرکه ، هر درلو سعی بشر معقول و تجارب فنیه نقطه نظرندن مقبول بر اسلوب داخلنده جریان ایتمزه ، هم یهوده بره یورغونلنی و همده مطلوب وجهله انتفاع ایدیلهمامه‌سنی منتج اولور . مثلاً ؛ دوزلتمک ایستهنیلن بردمیری (اکه) و مرمر ایله سورتمک بیننده ، مشقت وانتظام جهتیله پک بویوک فرقلر واردر .

میاہ جاریه نك فقدانندن دولای زمینی - سطح بحره کوره - الویریشلی اولان اراضیده یتشدیریلن سبزوات ، قویو صولریله اسقا ایدیلر . فقط ، حالا اصول عتیقه اوزره چه کیلن صولردن اوقدر واسع مقیاسده استفاده ایدیلهمامکدر . ناصل ایدیلسین ؟ مثلاً ؛ یدی مترو درینلکننده کی قویوک اوزرینه برر طرفی

صابانله سورولمش ایکی تارلایه - عین جنسدن اوللق اوزره - صو ایله مملوء و آغزلی طیفالی برر دستی کومه‌ر . نیشان اواخرنده لدی الما عینه ایکنجیسنک کاملاً بوشاندینی و برنجیسنک ایسه هنوز یازی به قدر طولو بولوندوغنی کورولور .

بو عملیه دنده اکلاشیلورکه ، دخولیه اجرا ایدیلن طوپراقلر ، رطوبتی محافظه ایتمکده و چفت سورمکله اکتمه قیلناقلر ایسه چاپوچق فورودیفندن بوسبیله فائده لری داها آز کورولمکده در .

عمودی و دیگر جهت‌ری مردیون طرزنده و تخمیناً ایکی بوجوق
متروار تغاعنده دیوار لریایش و تپه‌لرینه برر آفاج وصل ایدیلرک ،
اورته‌لرینه اون بش ساتمترو نصف قطرنده مرتکدن مقارملر
آصیلمش .

بو مقارمه بر ایپ که چیریلرک ، اوچنه سکر - اون اوقه
آغیرلغنده (دوه واک صاعلانی که چی دریسندن معمول) بر
قیریه باغلیدر . ایپک دیگر اوجی ده بر اینکک باشنه مربوط
اولوب ، اوتوز درجه بر میلان ایله درینلشن خصوصی بولک
نقطه‌منهاسنه اینک واردیغنده طولان قربه مقارمک قربه که لیر .
مقارمک تحتندینه باشقاجه بر اودون موصول اولدوغندن
بونک اوسته اوطوران قربه کوچک حوضه بوشانیر . بعده
اینک عودت ایدر و قربه ده قویویه اینر . مع مافییه اینکک صاحبی
دخی عین منوال اوزره کیدوب کلمه مجبوردر [۱] .

شوکلفت بش دقیقه دن فضله جه سورر . ایمدی بش دقیقه ده
حد اعظم اعتباریله (۵۰) الی اوقه صوحیقه سه ساعته (۶۰۰)
الئی یوز که کونده (۷۶۰۰) یدی یک آلتی یوز اوقه دن عبارت
قالیر .

حوضلر ، مدت قصیره ده خدمت ایتمک اوزره پک چوروک
یایلیر ؛ دیوارلری ، کوچوک طاشلرک کلیتلی چاور ایله
قاریشدر یلسندن میدانه کلیر . عمقلری ، انجاق (۷۵) یتش بش
ساتمترو ، عرض و طوللری (۵-۶) بش آلتی مترودر . صو

[۱] بوکا (مکیک دولای) دیک ظن ایدرم که موافقدر !

یوللری کورەنک اولدیغندن کلید و او جاقلره طور اراقدن مصنوع آریقلره ایصال ایدیلر .

بونک ایچین ، بردونملک یری اشغال ایدن سبزه وات — حتی کیجه لری بیله چالیشمق شرطیله — ایکی اوچ کشینک سمی متادیسیله حاصل اولور . طوق بشرك فوقنده ، چه فائده که درد معیشت الجاسیله ضروری حکمنده اولان شو ورزش جانکداز امید ترقی یی سوندورن مشکلاتدن معدوددر . هر خصوصده تکملات مستقبلیه یی تأمین ایده جک شیء حالا تعقیب ایدیه جک اصولک درجه استعدادیه توأمدر .

*
**

اهالی به نمونه ترقی :

بوندن (۱۰-۱۵) سنه مقدم (ردوس) آطه سنک قصبه سنده کی بغچه لر «تعبیر محلی ایله : یالکز سبزه وات ایریشدیریلن برلر» قووه و سنبللی وار وشو کی باصیق محللر نده ایدی .
حالبوکه ، بوقیل اراضی اکثریا قوملی و غیر منبت اولدیغندن وازین جمله ، برمترو قازیلنجه آجی صوچقان اراضیده آناچ ایریشدیرمک عدیم الامکان بولندیغندن ، اوقدر استفاده ایدیه مزیدی .
برده مرسین دالارندن اورلمش ، قویونک آغزنده کی چرخه که چیرلمش ایپه مربوط ، طور اراقدن معمول لاووتالره و غایت جسم دکر منلره صوچقارلدیغندن بویه قابا و روز کارلی زمانلرده

توقیفی مشکل دکرمنلر یوزندن نفوسجهده فحیج تافات وقوعبو-
لویوردی . صوکره ، طولومبا میدان چیقارلدی . اولجه
نمونه اولهرق براق کیشی طرفدن کتیرلدی ، رغبت عمومیه یی
قازاندی .

ایشته شیمدی قویولری اوتوز - قرق مترو عمقنده اولان
ووقیله یالکز جوبات زرعه مخصص بولونان ترلالر بررکستان
حالی آلمشدر ؛

واپور ، موقع مخصوصه دمرلدیکنده انسان (آمنی ته آتر)
طرزنده کی بوشهر دلنشینده ملت (غرب) روزگارینک هبوب
متمادیسيله دونن بیکلرجه طولومبا دکرمنلری قارشینده حیران
قالیور . مع هذا ، اون - اون بش مترولق قویولرده دمیردن
دولابلر قونمشدرکه ، طرابلسک مزاج هواینسه یاراشان
بونلرکده خدمتی پک بویوکر .

یکی (اینج) قطارنده کی سیلیندیرلر ایکی دفعهده اوچ اوقه دن
فضله صو چیقاریر . دکرمن اساساً خفیف اولدوغندن دقیقهده
- وسطی اولهرق - اوتوز دفعه دورایدركه ، لدی الحساب
ساعتهده (۲۷۰۰) ایکی بیک یدی یوز ، اون ایکی ساعتهدهده
(۳۲۴۰۰) اوتوز ایکی بیک درت یوز اوقه ایدر .

شوقدر وارکه ، لاووتالی دولاب ایله دکرمنلی طولومبا
هریرک استعدادینه توقف ایدر . بونک ایچین ، طرابلسه اک
زیاده الویرمچک ، دولاب وسیار دکرمنلی طولومبالردر .

*
**

طرابلسك هوا وصوينك ، كيميا مٹابہ سندھ کی طور اغنك
استعداد فوق الغايه سنی تقدیر ایچین ، محصولاتی کورمك كفايت
ایدر : سبزواتن ؛ هله طوماتر ، بامیا ، بطلیجان ، قباق ویتمش -
سکسان اوقه لق قرمزی قباق

میوه لردن ؛ قاربوز ، اوزوم ، قایسی ، انجیر ، آیوا ،
شفتالی ، نار ، قاوون و آرمود پك مکملدر .

قاربوز لردن اون - اون بش اوقه لق قسمی غایت خوش
اولدوغی کی (غل آوی) نامی ویریلن بیضی الشكل ، بیشیل
قاوونلرك حلاوتی شایسته تذکاردر .

خورمالرك باشلوجه انواعی بروجہ آتیدر :

- | | | |
|------|----------------|-------------------------|
| ۱ — | فزائی | آچیق قرمزی ، بیضی الشكل |
| ۲ — | حلاوی | » ، » ، » |
| ۳ — | لمسی | » ، » ، انجہ اوزون |
| ۴ — | هره | » ، » ، اوزون |
| ۵ — | ام فیتی | » ، » ، » |
| ۶ — | خزاری | » ، » ، بیضی الشكل |
| ۷ — | ظابونی | » ، » ، » |
| ۸ — | عامی | » ، » ، اوزون |
| ۹ — | سوادى | سیاه ، بیضی الشكل |
| ۱۰ — | قلب سردوق صاری | مٹاک ، |
| ۱۱ — | بکراری | آچیق قرمزی ، بیضی الشكل |

عربانك غداى يكانهسى، خورمادر؛ موسمنده قوروتوب
 باصديريرلر و برسنه كاملهده بونكه دفع ضرورت ايدرلر! سودك
 مبدوليتى زمانسندهده آيران ايله برابر يرلر [۱] احتياجات بو
 مركززده ايكن همان اون بش سنه دنبرى تعمم ايدن وكتدجه
 فائض مركب حسابى كې آرتان لكې [۲] عسرتى خورما

[۱] آيران؛ آناطوليسده ياپدقلىرى كې يغورندن دهكلدر.
 سودى ايكي كوچوك قربه ايچنه قويوب آصارلر و اوچلرينه برر ايپ
 باغلايهرق ساعترجه چالقالارلر. سود بومنوال اوزره قويولوب برآر
 اكثير. معافيه، لندددر.

[۲] لكې؛ لېكى طرزنده دخی زمانزددر. كويا اصلى «بكا
 لايق اولدى وياخود يارادى» معناسته كلن (لاق ي) ايش. رنكى
 بياض و عين مقدارده صو ايله قاريشديرلش سوده بكرز. صورت
 استحسانه كلنجه؛ حجام نامنده كى متخصصلر طرفندن خورما آغاچلرينك
 داللى كسلوب تپهسى آچيلير. آغاچك مابه الحياتى اولان دم نبائيسى
 مذكور ياره دن صيرار. آلتنه آصيلان اون - اون ايكي قيه حچمنده كى
 دىتى اون ايكي ساعت طرفنده طولار. صباحلين طائلى وېك لندددر.
 فقط، چابوق تخمض اينديكندن (بوزا) طعمنده برعشرته منقلب اولوركه،
 قوه سكرهسى مؤنردر. اكر طول مدت لكې استحصال ايدبايرسه،
 آفاج قورور. مدت معينه سنك حلولى متعاقب براقيليرسه سوره رك
 حيات نازه بولور.

جمله تحقيقاته كوره: سنه ده تخمچم ايديلن بيكارجه آغاچك بشده
 ايكيى مطقا قورويور، واقعا انسان شو عمليه ي چشم انصافه اله جق
 اولورسه بر جنات قدر تأثير ايدر. اماغربدركه، خسته لاشمش،
 اختيار لاشمش بر خورمالك لكبيى فقط، صورت معتدلا نهده
 آلتيرسه، بالاخره يكلشور. معافيه، بويولده مستفيد اولانلر اندرر.
 چونكه آز طمع جوق زيان كه تيرير!

محصولی تقلیل ایلمکده در . بوسبیه مبنی ، وقيله ولايت مجلسی اداره سنجه ، تحجیم ایديله جك بهر آغاچ ایچین (۱۵۷) یوزاللی یدی عروش رسم النمنه قرار ویریلش و بورسم فوائد عمومیه ايله لدی المقایسه آغاچ صاحبك صفرالید قاله جفنی تصریح ایتدیکی حالده « المرأ حریص بممانع » مدلولنجه ینه رغبت منقطع اولماش و بالعکس آرتتمقده بولونمشدر !

لکبی مبتلا لری برر عبرت مجسمه در ؛ قرق سکنر ساعت آچ قالمش اولسه لر بيله تسأل طریقله اللرینه که چه جك بش - اون پاره ايله همان میخانه یه قوشارلر . میخانه لرده کی لکیلر ، مطلقا اون وسائر مواد متخمضه ايله مغشوشدر .

خورمادن رافی ده استحصال ایدرلر . غر دوسی حیلله لی اسپرتو درجه سنده یوکسک اولدیغندن (یوخا) عبیر ایدیلن بویچکی برنوع سم قاتلدر .

معلومدرکه ، سفاهت یا جنت و یا خود فرط جهالتدن که لیر . بزبون نقطه ده کی محاکمه من نتیجه سنده هرایکی سنی ده موجود بولویورز . چونکه ، بویچاره لری بدایه عشرته سوق ایدن ؛ جهالت مطلقه ، دهشتلی بریوقمزاق و پریشانلغه رغماً اتحار طرزنده انهماك ایتدیرن ده ، جنت کؤلیه در . افراد ملندن بری کندینه مالک اولمازسه ، حق وصایت اوملتک قوه عمومیه سی دیمک اولان حکومتیه راجعدر .

فی الحقیقه ، نصیحت دیکله یه جك قدر عقلی قالمایان بروطنداشمزی

کوروئجه ، اغماض ایتمهز ، نه شفقت انسانیه ونه ده محبت
ملیه یه یاقیشیر .

واقعا ، قانون اساسی نظرنده هرکس حرردر . فقط ، غیر
اختیاری اولان براتخاره ، موجب سوء عبرت ومنبع انواع
سیأت احواله حکومتک مداخله ایتمهسی سلامت عمومیه خادم
وظائف مقدسه دندر .

پک اعلا اکلاشیلیورکه ، تجریم نقدی مشر اوله میور .
آغاچلر تلف ایدیور ، عشرت یوزندن سرسریلرک عددی
آرتیور ، سرسریلر چوغالنجه ، خرسزاق کبی جرائم تزايد
ایدیور . شوخالده حکومت وظائف مرتبه سنی ایفایله میور .
قانون ، تعقیم اجراءات ایچین ده کیل ، ملتک سعادتتی تأمین ،
سفالتک ، ضرورتک اساسنی محو ایتک ایچون وضع بیورلمشدر .
زمان قانونه ده کیل ، قانون زمانه تابعدر . بناء علیه ، سفاهت
وسفالت معروضه نك باشقه برتدیرایله اوکنی المغه قانون مساعده
ایتمیورسه ، مقام جلیل ولایت اسباب نظامیه سنی استحصاله
بذل مروت بویورملیدر .

خمس لواسنك احوال عموميه و اصول اداريه سی

« اعتذار ؛ بردارہی مرکزندن اعتباراً توصیف ایتک ،
 « قواعد کلیہ دن ایسہ دہ ، مبدأ سیاحتیم خمس لواسی اولدوغی ،
 « ایچین بورادن باشلامنی مناسب تلقی ایتدم ،

بنغازی حدودندن باشلایہ رق ، مرکز ولايتك صاغ
 جناخذہ کی (جفارہ) ناحیہ سنہ قدر تخمیناً (۳۰) اوتوز کونلک
 بر ساحلی اشغال ایدن خمس لوای جسیمنک احوال عمومیه
 و مزایای معطلہ فطریہ سندن لایقہ بحت ایتک آیلرجه و بلکہ دہ
 سنہ لرجه طولاشمغہ ، تدقیقات عمیقہ اجرا ایلکہ متوققدر .
 اکثر ولاياتمزدن بوبوک اولدوغی کی سیاست دخی غایت اہمیتاید .
 (قوغہلق) تعبیر ایدیلن و اکثر یا صولاق یرلردہ کومہ
 کومہ میدانہ کلن ، اوجلری سیوری و عاداتا تیغہ بکزمین اوتک
 جنس نازکی اولمق اوزرہ (خلفہ) چیقار . مرکز لوادہ (درت)
 وظلین قضامنندہ بر فابریقہ سی وارد . عربان صباحلری دوہ لرینک
 اوررینہ موضوع شبکہ [۱] لر ایچندہ کتیروب ید واحدہ
 ساتارلر . بہر یوکدہ الہ کچمن پارہنک مقداری چہ کیلن زحمتہ

[۱] شبکہنک خلفہ ایہ طولو اولدوغی حالندہ کی وضعیتی ، مرسین
 دالارندن یاپلش فقط یاصدیق کی قابل الانخا طاقو کومسنہ بکزر .
 مرلیکی اون ساتمترو مرہندہ و بالقی آغی اور کوسندہ در .

قطعاً دکر ؛ ایکی اوچ کونلک یرلرده ال ایله یولوق ، صوکره
دومه یوکتوب کتیرمک یدی ، سکز کونلک برامکه محتاجدره
آلتی یدی سنه مقدم یارم وبر ساعتک مسافهلرده پک مبذول
ایتمش . داتما یولوق ، کوکلرینی حوایتدیکندن سنه دن سنه به
اوزاقلق آرتیورمش .

شیمدی یالکز بونکله اداره معیشت ایدنلر عجباً نهایت
تقلی ممکن اولمایان بر موقعه واردقلرنده نه حاله کیره جکدر ؟ ؛
الرنده اراضی یوق ، اولسه ده غیر مطرد یا غمور لرله مقدراتی
صینامغه مساعد واردات سائرلری یوق ، دیکر لرینک اراضیسنده
کونده لکله چالیشیق امکانی ده یوق ! هرتمه مول قارین طوقه
چالیشیر بر سوری خدمتچی ایدتمش ، ضرورت اطراف قوشا تمش !
اساساً بو ولایتک ثروت عمومیه سی پک عجیدر ؛ الله
ایسته دکلرینی موجب حیرت بر صورتده زنبکین ، متباقیلرینی ده
کرداب فقر و فاقه نیک تاقیرینه القایتمش . سببی نه در تدقیق
ایده لم : باخصوص خمس لوانسک اخراجات ، ادخالات و تجارتی
داخلیدر [۱] . بر مملکتک باب ثروتی ، دیمک اولان لیمان
واسکله سی مفقود ، خارجه اختلاطی محدود ، مجرای اخراجات
مسدود اولورسه ، فقرانک طوتوله جفی دام سفالت ، اغیانک
نیجه احتکاریدر .

پچاره فقیر ، زرع زمانی کهلمش ، اکه جک تخمی ، آله جق

[۱] . مصراطه قضای مستقنا طوتولاییلر ایسه ده ، آتیا ایضاحات

مؤسسه سی ویریه جکدر .

پارہ سی یوق. ایکی لیر اقیمتده کی اهرامنی موقع هجر یسنده صاته جق؛
زبونکشانه و متحدانه استغالرہ معروض. وقت که چور؛ چوق
دوشونسه ، عائله سی بوسبوتون آج قاله جق . فقط ظالم درت
مجیدیه ده اصرار ایدیور ، بر آغز قوللانان دیکر لری ایسه
(قصداً) اوچ مجیدیه دن بحث ایدیور . نه چاره ، باشقه ده
آله جق چیقمیور ..

ایشته ایکی لیرالق برمال سکسان غر و شه کیتدی! اه احسان
ایدرسه ، موسم حصادده آنبارینه آرپه دوکوله جک ، لکن
شیمدی الدہ اووجوده نه وارسه توکندی ...

ئو حالیدر؛ یاغ ایستر، طوز ایستر ، هرشی ایستر. بکله مک
اولماز ؛ بقاله بویون اکیلی ، اوچ قات فیئاله ویرمه سی آلملی !
عجبابویله دهشتلی بربحران معیشت قابل تنظیم واصلاحیدر؛
اوت ، هرامیدی محو اولمش ، موازنه بیتیه سی بوزولمش برحیات
تجلی ایتدی .

فقرانک مبتلا اولدوغی بوداء عضالک نتیجه سنده بر اثر ترقی
کوروله بیلیرمی ؟ هیهات !! ..

زراعت بانقہ سی اقراضانده بولونویورمش . بونی ده تحلیل ایدم :
هرقیله نک شیخ و هیئت اختیاریه سی زمان اقراضده حکومته
کلپور ، فقرانک نامنه اوله رق کفالت قویه ایله بعد الاستقراض
طور به لرہ طول دورولان پارہ لرہ مظفر آعودت ایدیور . (مغلوب
کیم ؟) . مثلاً ؛ زید حسابنه (۵۰۰) بش یوز غروش آلمش ،
یارسی ویریلسه نه بویوک انصاف ! تحصیلات میعاد ی حلول

ایدیور، مستقرض صقیشدیریلیور، اخبارنامه کسیاهركدوهسی
ضبطایدیلیور. کرچه انجاق (۱۰۰) یوزغروش آلمش اولدوغنی
اثباته مهیا. فقط، قید مع فائض بش یوز کسورایسته یور. سند
صاغلام؛ دوه الدن کیدیور، بعدالتزیل (۱۰۰) یوز غروش
قدر برشی آرتیور.

زید آله جقلیمی چیقیور؟

خیر، داهاحساب بیتمدی؛ خانجی مصر فی تامدرت مجیدیه.
دیمک اولویورکه، برمجید قالیور. زواللی زید، صاغ النده
بومجید اولدوغنی حالده، اکسهنی قاشیهرق مترددانه ادیملکه
کیدییور!

واه بیچاره واه! بونکده دولابی قیریلدی ایواه!...

چونکه، دوهسی آلدی، ضرورتنه آگاه اولان سلمجیلر
لاشه آرایان قارغملر کی اطرافنی صارمش، آچلق سائقه سیله
کوندن کونه نه ووشانیور. نهایت، چولوغنی، چوجوغنی
براقوب قاجیور. چوجوقلر سوقاغه دوکولویور، دینجیلکه
باشلا یور.

حق الانصاف دوشونه لم، بو آتشک صوکی عمرانمیدر؟

شیمدی یه قدر طرابلسده عسکرلک جاری اولسه ایدی،
اهالی کوزینی آچار، ازیمه منک چاره لرینی دوشونه بیایردی.
فقط، دوغدوغنی محیطدن خارجه چیقمامش، کندی کویندن
باشقه یربیلیمور، هیچ برشی بیلیمور.

اون بش کونده بردر سعادتن کرید وبنغازی طریقیه کلن

ایتالیا واپوری خمس لوانسک یالکز مصراطه سنه اوغزار .
بوده ، هوانک مساعده فوق العاده سنه منوطدر . لوا مرکزی
ایسه خلفه فابریقه لرینک دودوکلریله متسلی اولور !
لیمانسز مملکت ، روحسز جسد کیدر .

نفس خمس

خمس مرکزی ، محدث برشهردر . غایت هوادار اولغله
برابر اپی راطبدر . باشلوجه (شرقی ، غربی ، قبلی و بحری)
نامرله درت جهندن اسر . فورطنه لی زمانلرده توزک هوا
ایله قاریشمه سی یوزندن اورته لنی مرمره دکزینک کشف
سینسی آ کدیریر درجه ده برظلام شدید قاپلار .

ساحل نامی ویریلن و خمس ایله ظلتین قضاسی بیننده تقریباً
یدی ساعت قطرنده برمحیطندن عبارت بولونان ناحیه ، مرکز
لویه مربوطدر . مدیرک وظیفه سی ، منحصرأ انضباط
و تحصیلاتی تأمین و ایفادر . خمسی دوغوران بونا حیه در؛ مجلس
اداره لوا و بلدیة اعضالری و بلدیة رئیس و اغنیانک همان هپسی
ساحل سکنه سندنر .

ساحل ؛ کرامات کثیره و مآثر شهیره نک صاحبی (سیدی
مفتاح) حضرتلرینک قبر منیرلریله مشرفدر . و قتیله مخفی
ایکن (سیدی عبدالسلام الاسمر) حضرتلری طرفندن اظهار
بویورلمشدر . شویله که ؛ را کب اولدوقلری آتک ایاغی اورایه
ماصدیقنده یردن چیقان معنوی برصد اذلالتیله « قازیکر . چونکه
بوراده قبرولی وار ! » اخطارنده بولونمشلر و نیته کیم ، آچوب
بولمشلردر . ساحللیلر غایت حرمت و ملازمت ایدرلر و امثالیه
برابر بوکا « شیخک آتی چیقاردی » دیرلر ایسه ده کرامت هر
حاله را کب کرامت مصاحبکدر .

خمسده موجود وېك محدود اولان اېښه دن برقاچې مقدمه
 مدينېتي كوسترمكده فقط ، اولانجه مړيتې ده بوندن عبارت
 قالمقده در ؛ اون بش ، يكرمې دكانك برقسې خالي ، برقسې
 قهوه (تعميرديكرله سفاخته خانه ، وديكرلري ده بش پاره لوق برشيئي
 قرق پاره يه ساتان فرستجیلرك آرامكاهيدر . قوجه مان برلوانك
 مركززي اولدوغی حالد ، مع التأسف ، منتظم قصابخانه سی ،
 چارشو كلمه سنك معنای مطلقنه دال بر موقعی یوقدر ؛ جمعه
 وپازار ايرتسی كونلرنده قشله عسكری اتصالنده کی - اطرافي
 ديواره چوريلش محله - بازار قورولور؛ هرکس برقاچ كونلك
 سيزه وات و مالزمه ساثره سنی كال تهالكله آليز . ات بولنورسه
 اوجوز بهالی ديميه رك نه اعلا ، يوقسه ؛ يمحورطه يه مراجعت
 ضروريدر .

دكزي غايت انكين و متلاطم اولديني اچين ، هر کون
 بولونامازسه ده ، بالغه مبذولدر دينه بيلير . اكرتيسي مرجان
 و اوجوزدر . سيزه وات بغچه لري پك آز ، يتشيديردكاري ؛
 (قصب) تعبير ايديلن كوچوك طاري و (صفصفه) دينلن
 يونجه اوتيدر . خورمالردن غيري اشجاري مفقوددر .
 ساحل ناحيه سی ايسه ، كاملاً مختلف الاجناس خورمالرله
 مزين اولدوغی کي اشجار کونا کونی وبالخصوص يشيللکری
 شایان تماشادر . اهالیسی اکثریتله مکرم ومسافر پرورددر . شو
 قدر وارکه ، قبائلنك چوغی نفوسده تفوق ومنافست ايله
 بربرينه صوؤقدر . بونك ده منشای ، ایشسرلك ومحلی حکومتده کی

بعض طرفگیرانه یواسزلقدر . دوغریسی شو حال اسف اشتال ،
اشراف محترمه نك نجابت و سماحتی ، کیاست و شجاعتیله قابل
تألیف اوله میور !

بر بردن انتقام اخدی ضمنده حکومت قیوسنده یورولمق ،
ایشی کوچی براقوبده اوغراشمق حقیقه بر صاحب وقع ووقاره
یا قیشدیر یله ماز .

جناب حقل موجودیته ، تکفل بو یوردینی عدالتله مقابل
اوج آماق هوسنی بسله مک متدین بر اسلام ایچین پک یا کلش
بر حرکتدر . — دنیاده عفوایله معامله ایتک قدر لذتی بر معادله
اجتماعیه تصور ایدیله من .

حدتک اعصابه ویردیکی اثر تزلزل سوقيانندن باشقه برشی
اولمایان (انتقام) نتیجه اعتباریله موفقیت ده کیل ، بالعکس
انهزامدر ؛ بوکون درت دیوار آره سنده ، انواع سفالت ایچنده
کوره که محکوم اولان برزو الینک دقیقه طرفنده کی خطاسیله
چکدیکی آلام واکداری دوشونوله جک اولورسه ، بو یولده کی
حرکتک شجاعتمدن ده کیل ، جهالتدن ایلوو کلدیکی پک اعلا
اکلاشیلیر ؛ آتی برجرت ، وطنداشمرک قانی دوکدوریور ،
انسان قاتل اولوبور ، محبسدرده چوریور ، اولاد وعیالی
سورونیور ، بونجه موصوملرک امیداستقبالی سونیور . والحاصل
انتقام قدر شدید برصرصر فلاکت انجام اوله ماز .

فقرانک مسلکنه کلنجه ، بویجت سورکلی قهقهه لره
شایسته در . دیه بیلیرم که ، حقلی حقسن هر شکایت وسیله سیله

حکومتك درجه انتباهنى صنامق ایسترلر! ... مثلاً ، درت
ساعتك بریدن مرکبه سبزوات یوكله توب بازاره كهلمش ،
شوصورتله یدنده بش غروش طوبلانمش ، سوقاقده برنج
غزویسنك اوزرینه اوتوره رق ، اوكنه (حضرت نوح)
زمانندن قالمه دیویت ، وقلم یرینه ده اوجی سیوری قامش قویمش
عرضحالچینك نزدینه قوشار . درت ماه مقدم دیگر قیله نك
افرادندن برینك صرف ایتدیكى محل ناموس سوزدن دولانی
مطالعه قانونیه سنی صورار (؟!) عرضحالچی بالطبع پاره قوبارمق
طرفاداری اولدوغندن وار قوتیله جسارتلندیریر . همان پاره سنك
بشده ایکیسیله پول آلوب كه تیریر ، براوقدرده عرضحالچی به
ویریر .

مندرجاتی ، رؤیاده کی كابوسدن شكایت کی اولان بو استدعا
— عائدتی جهتیله — محكمه به حواله ایدیلنجه ، كمال مأیوسیتله
ومتباقی قرق پاره لق بركار ایله کویینه عودت ایدر ، بونك
فكرنجه ، حكومت اكر التزام عدالت ایتسه ایدی ، مشتكا
علیمی همان كه تیرتوب حبس ایده جكدی . نه واهی افكار !!

(خلفه) فابریقه لری ، متفنن عملیه به محتاج اولدوغندن
بوسایه ده اجنبیلر کیسه لری طولدور مقده ومع التأسف فقرای
محلیه ایکی واك نهایت بش غروش یومیه ایله طلوعدن غروبه
قدر چالیشمق وبربریه قطعاً کوروشمه مك وهیچ دیکلنمماك
یولنده طوق بشرک خارجنده برقید اسارته تابعدر .
آه بواسطه داد شكم ، نه دهشتلی بر مصدر دردوالمدر !

انسانك حریت شخصیه سنی غضب ایتدیریر . هر درلو مشاق
ومزاحمه قاتلان دیریر ...

خسده بر مکتب رشدی ایله ایکی مکتب ابتدائی واردر ،
بری ذکور و دیکری انا نه مخصوصدر . فقط ، هیچ بری
رغبت عمومی یی قازانه مامشدر . زیرا بنالرك طرز انشالی
بك عادى ، احتشام معارفدن عادى اولمغله برابر شیمدی یه قدر
حکومت برکونا اثر تشویق وترغیب کوستر مامشدر ! مع هذا ،
مکاتب رشديه نك وجودندن استفاده ایده بيلمك ایچین ، مرکز
ومالحقاتده کی ابتدائی مکتبلرك طرز مطلوبه افراغی درجه
وجوده در . حالبوکه ، دائره مشروطیته داخل اوله لی ایکی
سنه که چدیکی ومعارفك هر درلو احتیاج آمزه مرجع اولدوغی
زبانزد بولوندوغی حالده ، هنوز حکومتدن همت کوروله مامسنه
قارشى لسان ملته اضافتله بویوك بر تأسف ایتمکدن کندمی
آله میورم .

مقام ولایت جلیله دن نمونه چقتلککری حقنده مرجعه یازیلیور ،
» بوکا لزوم یوقدر . اولامعارفی یولنه قویهلم ، دیه غزتله
تنقید ایدیور . بر آزانصاف ایدلم ، بوملت ، بو وطن نمره سی
کورولمین لاف و کذاف ایله می ترقی ایدرجک ؟

*
* *

خسته خانه یه نقل کلام ایدیلنجه : حقیقه بویوك ومظنن
بر صورتده انشا ایدیلن بوبنا ، نه قدر سزای تقدیر ایسه
اونسبتده ارباب حمیتی مجروح الفؤاد ایدیور :

ایکی یوز مترو ضلعندہ مربع بر محیطک ایچندہ در ، بر بردن
آری اولہرق ، باشلوچہ اوچ جسیم دائرہ منقسمدر کہ بونلردن
بری کویا مامورین طیہیہ ، دیکری علل ساریہ واوچنجیسی دہ
امراض عادیہ مصابیرینہ منحصر در . وقتیلہ قویو ، حوض یابلس
وسوبسو چیچکلر میدانہ کہ تیرلش واورتہیہ روحفزا بر قریہ
یابلس ایسہدہ افسوس کہ ، غیرتسز ، مخرب ، قانسز اللر ہپسنی
متروک بر حالہ بر اقمشدر .

شہسزدر کہ ، دنیادہ ہرامک ، ہرمصرف بر منفعت تأمین
مقصودلہ اختیار ایدیلر . نتیجہدہ فائدہ سی عقیم قالان بر اثر
ایسہ تأسفی داعیدر . اساساً خمس ، بوقدر کففتلی برخستہ خانہیہ
محتاج دکیل ایدی . چونکہ ، (کمالات ایلہ کالات) اولہمیہ جفندن
وعلی الخصوص متبادیاً اوتورہ جق بر ہکیمی بیلہ بولونہ مدیغندن
یالکز خستہ لری طولدر مقدن نہ چیقار ؟ ؛ بری مہلک چیان
چیقارمش ، خستہ خانہیہ التجا ایتش . ہکیم بعدالمعاینہ یاروب
علاج قویمش . اقسام اولویور ، ملحقاتدن — ایکی کوندہ
واریلہ میان — برینہ مقتول معاینہ سی ایچین کیدیور . درت
بش کون بکیکیور . صارغی بی آچوب قاپاتان بولونمیور ، تداوی
بالعکس تہلکہ بی آرتیریور . ایمدی بو مدبب بنادن ملت
نہ فائدہ کورویور ؟

بر ستاویہ بکز تیرسہک ظن ایدرم کہ ، خطا ایتش اولمز ؛
طیشارودن باقیلیرسہ ، مکمل بر تداویخانہ ، ایچنہ کیریلیرسہ ،
بیروح برہیکل کبی ساکتانہ !

حکومت قوناغنگ اتصانده اولدجه واسع برجامع شریف
واردر . حقیقه یرنده ومکمل برصورتده انشا ایدلش ایکن
مناره سی یارم اوله رق براقلمشدر !

(خلفه) فابریقه لرینک شمالنه مصادف ساحلده برده بلدیہ
کوشکی موجود اولوب اپی اہتمام ایله وجوده کلن بو بنای
دلآ را دخی کهنہ لنش ، ییقیلماغه یوز طوتمشدر . بوده بعض
ارباب ہمتک احتیاجات حاضرہ نی تقدیر ایدہ مامسندن منبعث
بر زیاندر . واقعا عمرانہ خدمت ایدیش . فقط ، نہیہ یارایہ جفی
دوشونولہ مامش . کیم بیلیر قاج یوز لیرا برہوا اولمش کیتمش ؟
حکومت قوناغیلہ بلدیہ وسائر دوائرک اینہسی پکدہ عادی
دہ کیل ایسہدہ ، افراد ملتی محو ایتیمکدن باشقہ برخدمت
کورمین جبسخانہ اسکین قلبلری بیلہ رقتہ کہ تیرہ جک دہشتلی
برمیقروب سرکیسیدر ؛ ہوا آماز ، شدت حرارتدن دورولماز .
ازدحامی حد غایہدہ ، نظافتدن عاری برکرداب پراضطرا بدر .
وقوعات مرضیہ یہ نظرآ ؛ برایکی آباق توقیف نتیجہ سندہ کی
تورم ، اعدام ایلہ محکومیت درجہ سندہ در !

مناجات وجدانیہ :

« ای مشروطہ پوران ملت ، ای زمامداران حکومت ! »
« سزہ بوزہرلی مغارہ نی (قہقہہ) زندانی نہ تشبیہ ایدہ رک »
« عرض ایلورم ؛ بوظلامخانہ مقتل آسا ، بودور استبداد »
« ظلمکاهی ، تخلیہ وابطال دہ کیل ایادی حریت ایلہ ہدم »

« واستیصال ایدلیدر ؛ نیجه برائت ایتش معصوملری مقبر »
 « شهادته کوندریور ، ملتی تأدیب ده کیل تسمیم ایدیور . »
 « ایچنده یاتانلر ، بزم کی انسان وعینی طوپراق اولادیدر ، »
 « نیجه اولیانک ده احفادیدر . قانون اشکنجه بی قالدیرمش . »
 « بوراده ایسه ، اک خفیف برجزا ، میقروبلر ایله اولدورمک »
 « شکلی آلمشدر . »

« مرحمت ایدیگز . چونکه ، جناب حق محکمه کبراده »
 « یاقه لر مزه صاریله جق اولان بو معصوملرک حساسی البته »
 « صورده جقدر . سلامتسز سعادت اولماز ، احما ایله احیاده »
 « بریرده بولوشماز . »

« ایشته رحکومت لواکه ، مشروطیتی تأسیس صورتیله »
 « تأمین سعادت چالیشیور . ایشته عین بنانک آلتنده برعمان »
 « بی امن که ، قرداشلر منی قره طوپراقلره سوق ایدیور . »
 « بو استرحاماتم نیجه بروطفه اساسیه در . زیرا هر فرد ابنای »
 « نوعی دوشونمکه مکلفدر . »

خمس لواسی ؛ مصراطه ، ظلتین ، مسلاته وسرت نامیله
 درت قضا و طاورغه ایله ساحل اسمنده ایکی ناحیه یه نظارت
 ایدر . یوقاروده عرض ایدیلدیکی وجهله هیئت عمومیه سنی
 دولاشمق ایچین کله جک طشره لی یی واپور ، طرابلسدن مقدم
 مصراطه چیقاره جغندن ، مصراطه دن اعتباراً کشت و کذار
 صورتیله تدقیقاته کیریشه لم :

مصر اطه قضای

واپور بر میل مسافده صورت مترددانده دمی رلر . اولدجه
مقاومتلی صندال لر واسطه سیله یاقلا شیر . ساحل ، قوملق و دکر
اوتلریله غیر منتظم اولدوغندن ، صندالک بوردوسنه کلن « یالکز
قیصه کوملکلی ! » عربلردن ایکسی قوللریغی بربرینه
قاوشدیرمق ، ارقه سی بوش بر قولتوق وضعیتی آنجه ، یولجی
اوزرینه اوتورور ، ایصلا نمامق ایچینده ممکن اولدوغی قدر
قیویریلیر و یا خود صو ایچنده کی اسکی بر آراهیه آتلا یه رق
چیقاریلیر [۱] . عین موقعده درت اوطه لی و تحتانی برینا موجود
اولوب ، بو مکملک اداره سندن باشقه اثر عمران کوروله من .
سمرلری صمانله طولدورلمش چو والردن عبارت بولونان مرکبلره
ویا خود دیکر ایکی تکرلکلی ، استری طوپال ، سائق لاقید ،
تاریخ اعمالی اونوتولمش فایطونه (؟) را کبآ و آره صرمده . برای
استراحت) ماشیا مصر اطه نک مرکزینه واریلیر . بویرکده
عمراندن محرومیتی ، سوقاقلره سه ریلش فقرانک قیصیق و مؤثر
صدالره استمداد و استرحاماتی یورکلری داغلامغه باشلار .
فقط ، اهلینک بر قسیمی تجارتله مألوف و شمائل مدینه ایله
موصوف اولدوغندن ترقیه یونله سی حکومتک بدرقه لغزه متوق قدر .
قائم مقام اسبق بهجت بکلک همت دشوار براندا زانه سیله
[۱] دیمک اولویورکه ، مصر اطه نک ریختیمی جانل و تکرلکلی
اولاق اوزره ایکی سیستمده در !

میدانه که لن حکومت قوناعی و دواثر رسمیه ، مصر اطه نك
مرکز معموری اتخاذا یدیلش ایسه ده و اسفا که ، بوغیرته
اخلافک فعالیتی تقابل ایتماشدر .

قضا ایچون یکانه مدار افتخار اولان بو بنای مکملک
اوکنده کی طریقک بونجه اتصالنده بر خالی عرصه واردر که ،
دائما چیکندیکی و - یول اوزرنده بولوندوغی جهتله - زراعت
صورتیله ده استفاده ایدیه مدیکی ایچین ، بلدیہ بفعجسی و مکتب
کبی مؤسسات خیریه لایق کورلش ایسه ده ، اموال وقفیه دن
اوله سی و وظیفه دارانک تعصب کوسترمه سی ، افکار حسنه
حکومتی ابطال ایدم کلمکده در .

فسبحان الله ! انسان اولدکن صوکره نامک پایدار اوله سی
و خیر ایله یاد ایدیه سی ضمننده بر مالی وقف ایدر . بوتبرع
بر امر حسن ایسه ، لدی الاقتضا منافع عمومیه سه سد مانع تشکیل
ایدیه سی ، مقصد اصلی ایله قابل تألیف اولمایان خطا لر دندر .
ایکنجه نقطه دن محاکمه ایدم ؛ وقفک حکمت اساسیه سی
خرایته خدمت اولسه ایدی ، شرع شریفک قبول ایتیه جکی
بدیهی ایدی .

انسان ناصل تأسف ایتمز که ، هر درلو تشبثات وطنپرورانه یی
مطلقا یا بر عناد و یا خود شوق و غیرت قیریجی سورونجه لر طور -
دوریور . ملت ترقی ایتک ایسته یور ، حکومت اموری ایسه
غیر مؤتلف اللرده دونیور !

واقعا استقبال بزمدر ، ترقی ایتک زمانزددر . لکن ،

فرستك بردقيقه سنی بيله كه چير مك زيانمزد در ؛ « بو عرصه يا ايجار
زمينه ربط ايديلسين . يا خود قانون اساسی موجب نه بدلی بلديه دن
ويريلسين ... » ديه استيدان ايديليور ، ملت ، ارباب غير
كسيسه معاونتی آچيور . جواب بيله كه ليور . بيلم كه حواله
ايديلن دائره مك رجا چكجه سنده می قاليور !

مصرطه مركزی شيمدكي منطقه ده بحق ترقی ايدم بيلير می ؟
بوسواله كسدير مه جواب ويرو بده اعتراضاته معروض قالمده دنسه
بروجه زیر ايضاحات و مطالعات سرد ايتك داهامنا سبدر :

بوقضا ؛ الحاله هذه برنجی صنف اولغله برابر ، طور اغنك
قوتی محيطك وسعتی وباخصوص موقعك مناسبت طبیعی می
جوهريه نهايت مركز لوا اولمه می هان محقق کي ر . انجاق ،
معموره می وقتيله اسكه اتخاذ ايديلن (قصر احمد) ساحلنه ايکی
بوچوق ساعت اوزاقده اولدوغندن وبارينه جق ليانی مفقود ،
محاذير بحريه می موجود بولندوغندن اون بش کونده براوغرايان
واپور ، جزئی تلاطمندن بيله قورقه رق کچمکده وبوکا بناء
اشیای تجاريه براميت وسلامت مطرده تحتده سوق وجلب
ايديله مامکده در . ايشته بوسيله درکه ، مناسبت خارجيه می
موافقت هواثيه متوقف اولان اهالی ساحله رغبت ايتماکده
وامثاله مرجح ، همه من کل الوجوه کشاده بولونان بويله درکلی
برقضا كمرک اداره سندن باشقه بر بنا کوستر مامکده در .

اساساً ليان - جامع اولدوغی معانی کثيره سندن استنباط
ايديلن خلاصه اعتباريله - باب ثروت اطلاقه ستايسته اولدوغنه

نظراً . مصراطه مسدود بر خزینہ فیض فطرت دیمکدر .
 که چنده وقوعبولان استعمال اوزرینہ که ان جوانامهده ، یازلق
 وقیشلق اولهرق ایکی لیمان تأسیسه لزوم کوسترلش ایسهده
 بوفکری ترویج اهالی نی خانه بردوشلقدن قورتاره میهجنی کبی
 هم ایکی باشلی مصارفی داعی وهمده صعوباتی مؤیدر .

آرتق سربست سویلهم ، مصراطه شیمدیکی وضعیتی اعتباریله
 تقیض ایده مز . چونکه ، نهولرینک ساحلدن بوقدر اوزاقلنی
 داخلی برملکت شکله صوقویور . اگر لیمان یاپیلیر ، کمرک
 اداره سنک اطرافنه پیدر پی خانه لر انشایدیلیرسه اوزمان شیمدیکی
 ایصسزلق مندفع واهالی ده مواردن منتفع اولور .

اهالیسی ؛ غیور ، جسور و اکثریسی اصیل ووقوردور .
 فقراسی ده چوقدر . منسوجاتی ، از جمله غایت طایاقلی وملون
 سجاده وکیلیمیری مشهوردر . خورما وسائر میوه لری هم
 مبذول وهمده تقیضدر . هفته ده اوچ دفعه بازار قورولور ؛
 صالی ونچشنبه کونلری ؛ مرکز قضایه ایکی بوچوق ساعت
 مسافهده کائن (یدر) قبیله جسیمه سنده وپازار کونی ده ،
 مرکز قضاده شیمدی بورادن ظلتین قضاسنه کیدن یولی تعقیب
 ایده لم :

بش ساعت تباعدن صوکره (قوم جلّود) زاویه سنه
 تصادف ایدیلیر . تلغراف خطی ایله سورهن دوز یولک اوچ
 بوچوق ساعت اوتیه سنده برده (امشفا) [۱] خانی واردر که ،
 [۱] شفا خانه کیردیکم وقت ، غایت ضعیف ، عصر خورده ،

ظلتين قضااسنك مركزينه انجاق بر بوجوق ساعلته۔ فسامق
قالمش اولور . ايكي موقف بينده وفقط قوم جلودك بر ساعت
قربنده ويول اوزرنده برقويو واردر .

ظلتين قضاى

اولدو قجه باصيق ، هواسى اكرتيا مضيقدر . ساحله يازم
ساعت اوزاقده اولدوغندن وليماني ده كوچوك وغير منتظم
بولدوغندن تجارت بحريهسى آزدر . بونك ايچين ليماني اصلاح
ويوت جديده ايله تزيين متصوردر .

بازار ؛ بازار و پنجشنبه كونلري ؛ حكومت قونايي پيشگاهنده ،
صالى كونى ده ؛ يازم ساعت قربنده واقع (فواتير) قيمه سنده
تشكل ايدر . بوراده (مرقوم) تعبير اولونان ، دوه تويندن
معمول غايت طايانقلى خالى ايله ، عبا ، اهرام و حصير ياپارلر .
ميوه و سبزواتى واز جمله ؛ خورما ، آيو ، ليمون و شفتاليسى
مشهوردر . اهاليسى مياننده زنكين و فكري تشبته مالك ذوات
وارددر . تأسف ايديليركه ، زبرينى چكه مينلر بك چوققدر .

پژمرده برزنجى كورددم . اطوار و مشواري نظر دقتى بك زياده
جلب ايتدى ؛ او كنده . پوسكوللري كنديسندن برچاظه ، قولرنده
و باشنده ايه ديزيلوب ييلانقاي ساريلىش سپاه طاشلر وجهه سنده ده
بش سانسيمترو قطرنده برتخته و بونك اوزرنده ايكي مثلثدن مشكل
برايه ييلدز وار ايدى . سلامزه ، كلامزه غايت قلندرانه مقابله ده
بولدوغى ايچين بوصاف الون وجود غرايت نموده يافلاشدم . صراق
بويا ، تجملات عجيبه سنك اسبابنى صوردم . هيچ مأمول ايتديكم
برجواب آلدېغمدن بو اختيار گذشته بهارى بردرلو اونونه ميه جتم .
مكربوكلفترلى ايجاب ايتديرن (نظر) مش . مان اه محافظه ايتسين!

هله عربانك جسارت عربده كارانه سی حكومتی دایما یور مقدمه در.
وقوعات هیچ بروقت اكسیك اولماز وا اكثریسنك طرزی
عقل و وجدانه صیغماز .

برجیعة انتقام :

فاعتبروا یا اولی الابصار !

بوندن سکز ماه مقدم برقاج کیشی ، قیسه لرندن ایکی
کونلك مسافه ده یومیه ایله اجرای حراثت ایدرکن ایچلرندن
بری خسته لانیر . یکر می درت ساعتدن فضله بر زمان ظرفنده
اورایه قریب چادرده ساکن اولانلرله برابر تداو یسنه
غیرت ایدیلدیکی حالده نهایت تسلیم روح ایدر . فرداسی جنازه
دومیه یوکتیلهرک ابونینک زردینه که تیریلیر . مسافه نك بعدی
وموسمك حرارتی ملاپسه سیله ایچه نفسخ ایتمه سندن اختیار
برفقیهك نوصیه سنه امتثالاً تیم ایتدیرلدکن صوکره مراسم
دینیه ایله تکفین و تدفین ایدیلیر . آرهدن برقاج کون که چهره
ینه ظلتین اها لیسندن بش آلتی شخصك اتفاقا تحتند محلی
حکومته کلهن بر مخبر ، متوفانك مقتولاً اخفا فلندیغنی انبا
ایدنجه در حال فتح قبر عملیه سی ایفا اولنور .

فی الواقع کفی قان ایله بولاشیق وباشی ایله بویونی قما کی
بر آلت واسطه سیله مجروح بولونور . بونك اوزرینه تحقیقاته
لدی الابتدار ، برعائله نك همان کافه افرادی یمین ایله تأمین
شهادت ایتدیکندن متوفانك یوقاروده مذکور ارقداش لری

تحت توقيفه آئير . مسئله نك لوا استنطاق دائر منجه اوزون
اوزادی تعميق ايديله سی ثمره سی اوله رق حقيقت شو صورتله
ميدانه چيقار :

بر جزا دولاييسيله فرصت آرايان شاهدلر کيجه لين قبری
آچهرق اولوي يارم لاش وبلا آخره بر طاق کسهرک کفتی
قائيله بولامش !!!

اوراق هيئت اتهاميه دن کله رک مخبر کاذب لر حقه ده اخذ
وگرفت مذکره سی صدور ايتمشدر . (الحق يعلو ولا يعلى عليه)

*
* *

مرکز رلايته تابع اورفله قضاسی ، ظلمتين ، مصراطه ،
سرت قضا لرياه طاورغه ناحيه سنک اورته سنده ونفوسنه نسبه
اراضيسي که نيش اولدوغی ايچين ، هر سنه ، باخصوص ظلمتين
اهالي سندين بر قسمی مذکور اورفله طوپراغنده زراعت ايدرلر .
بوندن استمدال ايديليور که ، ظلمتين ، نفوس موجوده سنی
اعاشيه کافی ده کيلدر .

بوراده (باتق دی روما) نك شعبه سی موجود اولوب ،
حکومتک تدابير جديده سی ثمره سيله خطوه ترقياتی اوقدر سريع
آته مامقده ايسه ده ، بوکي خصوصده الک برنجی تدبير زراعت
بالقه سنک عين غيرتی کوستر مکه چاليشمه سيدر .

اعارف بالله عبدالسلام الاسمر الفيتوري حضرتلری

عالم معنده بهره دار ، هر یرده محترم وشهرتشعار ، رئيس

العارفين . ينبوع اليقين ؛ صاحب الكرامات ، على المقامات ،
شريف العلماء ، عالم الشرفاء ، قطب اكبر ، كبريت الاحمر [۱]
(سيدنا عبد السلام الاسمر) حضرت تلمري سلاله طاهره پيغمبريدندر .
اولياي اقطابك اكبري ، زاهد ، فاضل و عارف بالله ايدى .
طريقت شاذليه دن حقايق قدسيه نك مجعئ اولان استاد فضيلت
نهاد محمد ظافر حضرت تلمري بروجہ آتی بويورمشدر :

« يوزايكي اهل طريقتدن واجل مشايخدن ايدى . (طريقت »
« عروسيه) زماننده اشتہار و اعجب العجائب اظهار ايتدى .
« اقطاب العارفيندن معدود و دست عرفاننده بر جوق طلبه »
« موجود ايدى . فيض كبير ، سرواخي شهر ، مأمور و حتى »
« امير نظرندہ ذوالاحترام ايدى . مقامى كريم ، حالى دہ »
« الله عظيم الشانہ مربوط ايدى . صديقلر کي مقامات يقين »
« ايجره نائل عن التمكين اولدى ... »

عارف بالله تعالى (سيدى عمر بن حجا [۲]) حضرت تلمري
ايسه بوضورتله بويورمشدر .

« (سيدى عبد السلام) رضى الله تعالى عنه حضرت تلمري
« اولاقرا آن كريمي قرائت وبعده (الشيخ عبدالرحمن الوسلاتي)
« و (الشيخ زروق) دن تحصيل علوم ايلدى . تفقه ايدنجه »

[۱] کبريت احمر ، ياقوت و آلتون ايجنده نادرآ تصادف ايديلير
برماده در .

[۲] تربۀ سعادتلمري خمس مرکزنده غایت محترم و بنامدر .

« (الشیخ الدکالی [۳]) یہ توجہلہ اقباس تصوف ایتدی .
 « جناب حق جملہ سنی جگہ فیضندہ مستغرق بوپورسون !
 (سیدی عبدالسلام) حضر تلمری زیردہ کی سوزلیہ دخی
 ابراز علویت بیورمشدر .

« جناب حک ماہ الانعامندن دولای موتہ قدر حرمت
 « ایتدیکم شیخمزدکالینک حلقہ سندن هیچ بروقت ایرنام ؛ اوندن
 « علم توحیددہ (المختصر) ، (الرسالہ) ومقدمہ الامام الاشعری (ینی)
 « اوقودم رحمہ اللہ »

طرابلس اہالیسنجہ متواتراً اعتماد ایدیلدیکنہ کورہ ؛
 (یزلین ظلتین) یدی کبار الصالحیندن خالی دہ کیلدر . اونلر
 ملابس وصنایع جہتیلہ عوام ہیئتندہ فقط ، شریعت غرای
 محمدی منہاج استقامتدہ درلر . هر کیم بوبلدہ لرك اہلنہ سوء فکر
 بسلرسہ ، جناب قادر مطلق حضر تلمری بر مصیبت ویریر .
 چونکہ ، کرامات کثیرہ وخوارق عادات شہرہ فی حائر در .

(قواتیر) و (عمارہ) قریہ لری بینندہ (ماجر) خرابہ سی
 وارد در . کرچہ اوقدر کہ نیش دہ کیل ایسہدہ ، اہمیتلہ انشا
 ایدلمش اولان ایکی اوچ قاتلی ابنہ سندن بعضیسی ایوم قابل
 سکنا بر حالہ در . بو عبرت صحنہ سی بین الاہالی نظر دقتدن

[۳] سیدی عبدالسلام الاسمر حضر تلمری (عریقت العروسیہ) بی
 استاذ وملادی وجناب حقہ وسیلہ تقریبی اولان ومسائلنہ قضاسی
 داخلندہ کی (زغفران) موقعندہ مدفون بولونان (الشیخ سیدی
 عبدالواحد عرف الدکالی) حضر تلمردن تلقی بوپورمشلدر در .

دور طو توملدینی ایچین اک بیسوک بد دعالری (خانہ سی ماجرہ
دونسون) سوزیدر .

ظلتیدن مسلاتہ کیتمک ایچین اتخاذا ایدیلن طریقلرک
ایشلکی ، الی ساعت مسافده کاٹن ساحل ناحیه سی و بورادن
ایکی ساعت سورن خمس مرکزندن صوکره (بریه) یولیدر .
ساحل ناحیه سنک ایچنده کی یوللر ، کاملاً دینه جک درجه ده
قارموس هندی (مصر اینجیری) آغاچلریله محاطدر . خمدن
غرب جنوبییه دوغری الی ساعتک بریول قطع ایدیلنجه ،
مسلاتہ یه واریلیر . مع هذا ، بو طریق بوسبوتون باشقه برمنظره
عرض ایتدیکنندن شایسته توصیفدر :

*
**

دست طبیعتک شاعرانه تابلولری

مصر اطه دن خمسہ قدر دوز بر اووودن عبارت اولان
یرلر ، باشلوچه خورما اشجاریلہ بزمش ایکن ، بوراده ،
آنجاق بش اون دانه کوروله بیلیر ؛ درملر ، تپلر ، اوزوم
وساثر میوه اشجارینی حاوی بغچلر و سیما اولو و ملتفت الساق
زیتون آغاچلری روحی تنشیط ایدر . فقط نه چاره که ، شو
علویت فطریه یی رقیاته جولانکاه قیله جق صو یوقدر .

کوچوک ، کوچوک یاوروجقلر صاری توبلی قوزولری
اوکلرینه قاتمش ؛ یاماجلرده اوتلاتیور ، عائلهلر بغچلرله
سهریش ؛ اوزوم ، اینجیر ، شفتالی ... طویلایور ، نارلر
قیزارمغه یونهلمش ؛ داللری زمینه عرض شکران ایدیور .

ککلیکلر ، اووه یکلر آغاچلرده ، حتی یوللرده صیچراشور .
 عرباندن بری زمرد آسا ککیک چالیرلیله طونامش
 تپهجهکه یاصلامش : عاشقانه ترنماتیلله ، احتمالکه ، معصوم برقلی
 (مخبره هواشیه) ایله رقت و مرحمته دعوت ایدیور .
 آره صره تصادف ایدیلان دوه لرك اوزرینه صورت لاقیدانه ده
 اوتورمش اولان صاحبلری درین بر اویشوقلغه دالمش ؛ دماغلرینی
 یورمیان نظرلرله باقیور ، متواضعانه سلاملر ویریور .
 تپهجهکلرک مواقع مناسبه سنه چادیرلر قورولمش ، جای [۱]
 صفالری سورولویور .

[۱] جای ؛ طرابلس امالیسنک ثروت عمومیه سنی بلع ایدن اسباب
 سفاهت و سفالتدن برنجیدر . بکینک سفاهتی ایسه یالکیز تداول
 ثروتدن باشقه برتاثیر کویسته رض . چونکه ، محصولات داخلیه مزدندر .
 استیلاک ایدیلن جای . کاملاً یشیلدر ، مع عائله کچینمکدن پک
 عاجز و حتی تسله مجبور اولانلریله مطلقاً استعمال ایدرلر ؛ هرکسک
 تشکدن معمول امزیکلی ابریکی واردر . بونی صو ایله طولدیبره رق
 طوپراق منفالده قایناقیرلر . یتمش بش - سکسان درهملک چایدان ایچنه
 یشیل و قینه به بکزر مغشوش چایدن خیلی مقدارده قویدقدن صوکره ،
 الی درهم راده سنده شکر اضافه ایدرلر . صوایله لبالب املا ایدیلن
 مذکور چایدان بش اون دقیقه قایناق . بوصورتله چای منقوعی میدانه
 کلنجه بو یوکیه راق قدحلری ایله ایچیلیر . سراقلرلر ایکنجی دوره یی
 متعاقب نانه چایی یاپارلر . کرچه اوچ دفعه ایچمک مشروط ایسه ده
 کیفه پایان اوله میه جفندن حساب طوتوله میه جق جمعیتله جوق کره
 تصادف ایدیلشدر .

طعمی غایت آجی ، و بوروشدیریمچی و یکمز کبی طاتیلدر . ایله
 دفعه طاتانلر برقدحی بیله اکماله موفق اوله میه جقلری کبی شدتلی

اوخ نه طاتلی حیات ، نه ساکن ، نه آسوده یرلر !
 « فقط » :

ایشته انسان گورگوسنده ، حسنده ، حسنده یا کیلیور ؛
 بالعکس ، محبت ایله عدم امنیت ، حلم ایله حدت ، صافیت ایله
 شیطنت عین زمانده اجرای حکم اییدیور : ارقه سنه اقتدارندن
 فضله یوک آنان بریچاره قارداشک ، حتی افراد قبیله سندن
 برینک فعل جذاقتدن دولای نفسی محافظه یه مجبور قالیور ،
 مطلقاً تنگی ده حامل اوله جق . بو حال ، یعنی قان انتقامی جداً
 اهمیتلیدر . ایلروده اسبابیله ایضاح ایدیله حکدر .
 اک صوک چیقیلان طاغک ارقه سی نفس قضادر ؛

بر انقباضه طوتولورلر . جای ایله برابر (قاقاویا) . تعبیر دیگرله
 (قاقاوا) یعنی یرفستینی یرلر . والحاصل : جای ، شکر وقاوقاو
 صرفیاتی دهشتلی یگونلر تشکیل ایتکده ، یوماً فیوماً آرتقه در !
 بوده اون اون بش سنه لک برلیه در . رسومات قیدینه نظر ؛
 اون بش سنه مقدم طرامسه ییلده اللی اوقه راده سنده جای کلیرکن .
 صوک سنه لرده اینانلیه جق درجه یه وارمشد .
 هله شکر استهلاکاتی پک چوقدر . کویا اوستریا فابریقه سندن
 کلن برمکتوبده ؛ (طرابلسده دیوارله شکر می قوالانیلیور ؟) دیه
 مزاحی برسؤال واقع اولش ایمش ...

مسلاته قضاسی

زمینی یوکسک وساحلدن اوج بحق ساعت اوزاقده اولان
 بوقضانك شرقده واقع تخمیناً ۷۰-۸۰ مترو ارتفاعده، دامی،
 ۱۵۰-۲۰۰ مترو قطرند کی تپه نك اوزرنده اسکی برقلعه موجوددر.
 بر مثلث متساوی الاضلاع شکلنده وهر دیواری یوز مترو
 قدر طولدهدر. شایان تدقیق یازیلری و(ستاتو) لری کورونمبور
 وپك ساده طور و یورسده طرز انشاسی اولدوچه منتظم و متیندر.
 طاشلری کیرچ وخراسان یله امتزاج ایتدیرلمش واقسام کثیره سنی
 شیمیدی به قدر محافظه ایشدر. — شرق ضلعنك انقاضنه
 و وضعیت حاضر سنه باقیلیرسه، بوقلعه نك اکالنه موفق اولونه
 مدینی اکلاشیلور.

شرق جنوبی به ناظر زاویه سنده درت مترو عرضنده،
 اون ایکی مترو طولنده بر بنا هنوز باقیسدر. اوزرنده کی محکم
 کمرک یا لکز قپو جهتی بر آزی قلمشدر. طولاً شرقه متوجه
 اوله سندن ناشی ماستر دینه بیلیر. فقط، عسکر قوغوشی اولمق
 احتمالی ده وارد خاطر درر. قلعه نك قضاسا مرکزینه ناظر قسم
 خارجی سنده صهرنجلر موجود اولوب، الآن صولرینی بیه
 اضاعه ایتمامکدهدر.

مسلاته، عمراندن پك محرومدر. یوللری طولامباج

و مناسبتر اولمغه برابر من خرفاتك جمعيدر؛ هر كس كوبره سنى
بر او طه دن عبارت بولونان خانه سنده صاقلار ، قسماً ده قپوسنك
اوكنه ييغار . يغمورك تزلولدن مقدم ترلارمه قالديريبلان
بوييسلكلرك بالطبع تاميله رفعى قابل اوله ميه جغندن ، يوللرك
اورته لرينه ياپلش اولان صهرنجلر ، بارانك حين تزلولده ،
نظافته خدمت ايدر ! مع هذا ، احتياجات عموميه صهرنجلره
منحصر اولدوغندن بومياه متراكمه اهانك معده سنده تصفى
ايدر !!...

انسان بوقيل احوال اليه حيرت صره سنده استبداده
لغت او قومقدن كندى آله ميور . صهرنجلر معاينه ايديلسه
- چونكه ربع عصر دن فضله بر زماندن برى تميزلنديكلرنندن -
ياري يه قدر مواد متنوعه مترسبه ايله عملو واقسام متباقيه لر ينك ده
صارى و متعفن برچركا بدن عبارت بولوندوغنى چشم خشيته
كورولور ! هله هولرك - بش آلتيسى مستثنا اولمق اوزره -
عموماً تحتانى وباصيق و پك چوغنك نعمت آفتابدن محروميتي
پك مدهشدر .

بيچاره اهالى كه چنده هر درلوفدا كاراڭى كوزه آلهرق ، حكومتدن
بر (آرتزين) اوسته سى ايسته مش ايسه ده ، مشر بر جوابه
ظفرياب اولونه مامشدر . فى الواقع ، عوارض طبيعيه نك تشكلاتى
تأمين موفقيته خادم كبي كورونويور . لكن ، حصول امل ،
تسريع عمل ايله قائم اولدوغندن بوده استقبالك يد اميد
نوازشكارينه ترك و تقويض بويورولدى !...

بیلم که بواسطه استقبال ، بونجه مؤجلاتی نه وقت ونه سورتله
یا به جق ؟ بیلم که ، مالا و بدنا چالیشمق ، حکومته بار اولماق
ایسته ین اهالی به بدرقه لقا اتمکله حکومته یورغو نلقمی طاری
اوله جق ؟

*
**

حکومتله تماس ایدن اشراف میاننده پک ذکی وکار آشنالر
واردر . لکن ، نه اولوردی ، مزایاده مساواتی کوزتمک عادت اللهی
جاری اولسه ایدی ...

حمل تعیر ایدیلن ، بش آلتی مترو طولنده ، اوچ بوچوق
درد مترو عرضنده ، دوه تویندن معمول ، بویاسی اصیل ،
غایت طایانقلی یاغیلریله اهرامی حقیقه سزای رغبتدر .
صویندن قورقانلر ، ایکی ساعت مسافده کائن (زعفران)
قویوسندن جلب ایدرلر . — بوصو ؛ خفیف وضرر سزدر .
اراضیسی صالح اولدوغی حالده ، آتاج ایریشدیروب ، محصولی
بکله مک ، اکیله جک تخمیری ده (ییل مساعده ایتزسه) غائب
ایتمک تخمیللری اولمایان افراد قبائلک چوغی ساحل ناحیه سنده
حرانت و تجارت ایدرلر .

بربرده که ، ضرورت حکمفرمادر ، اویردرکه ، الله طوپراق
یرینه آلتون یارتمشدر ؛ ایشله توب جوهرندن مستفید اولمق ،
حکومتک تصاحب مشفقانه نه محتاجدر . یوقسه غنجه نهال
فیض وعدوامهال ایله انکشاف ایتز ، سببیز ایش ایتز ...
یرآلتنده کی اولری عجییدر ؛ هربری ایکی مترو عرضنده ،

بش بوجوق التي مترو طولنده ، ايكي مترويه قريب ارتفاعنده اولوق
واوزرلری طولانی کمرلرله مستور بولونمق اوزره طولاً ملاصق
اوچ اوطه دن متشکلدر . بربرینه که چیلک ایچین ، تحتاً
اوچ مترو کەنیشلکندە واورته بویلی برانسانی قامبور لایمیه جق
درجده (نصف دائروی) کمرلر موجود اولدوغندن عمومی
براطه صایلیر . بونک اطراف اربعه سی طاش و طوپراقدن
عبارت بولوندوغندن معابدعتیقیه مشاهدیر . یرک رطوتی ،
کونشک دم نظارتی سرینلکه مداردر . بویر نولری
باخصوص (بزین) [۱] اکلنه یارایشلیدر . ایشته اهالی بی

[۱] بزین ؛ درین کبی اوقونور . عربلر نژدنده فوق العاده
اهمیتله تلقی ایدیلن بویک ، کسب ایشدیکي رغبت و کلفتدن دولانی
شایان تعریف و توصیفدر :

مسلانیه کتدیکم زمان ، اثر مهمانبروری اولوق اوزره ، متن
کتیابده مذکور یرته ولردن برینه دعوت ایدیلیم ؛ موسم ، یاز
اورته سی اولوق ملبسه سیله ، اوکونکی صیجاق پک صفتیلی ایدی .
مخرفات و چرکابی طار سواقلردن مرور نیجه سنده ، اطراف
اربعه سی بریق مترو ارتفاعنده دیوارلرله چوریلش مستطیل الشکل
بر آلولیه کیردک . کونش ، قبة سمانک تیه سندن بین پیشیریچی آتشرینی
صاجیور ، تردن کوزلر منایسوردی . هیچ برطر فنده اوطه یوق .
بالکز قیونک قارشیسندن برکه نیچه جوقور وار ایدی . نهو صاحبی
جوقوره چاغیردی ، ایندک . ایکی بیق مترو عمقنده اولان بوخفره نك
صاغنده برقیو نظره چارمقله دارالامان کبی بربرهنی اوموزلایه رق
کیردک . اورته ده کی مکرك آلتنده بو بونکه بر حصیر ، اوسقنده دوه
نوبندن معمول بریانی ، بر بوجوق مترو فطرندە دائره تشکیلی صورتیه
هربری اوتوزسانیمه ترو فطرندە (بز دیرمه به بکزر) شیلر وار ایدی .

بویولده خانه لرا نشاسنه اجبار ایدن حرارت صیفك درجه سی جزئی
تأمل ایله اكلاشیلیر . مسلاته ؛ ماضینك اسرار انکیز اثارینی
حاوی بر فضا در ؛ یوقاروده عرض ایدیلن قلعه دن ماعداحکومت
قوناغك اتصالده کی قیشله نك اوکنده تحت الطریق کمر لره مستور

آلنان اشارته امتثالاً الی رفیقله برابر اطرافنی احاطه و صریح نشین
اولدق . (بزین) لدنه طامش و آلبشمش اولان رفیقلرم . یالکیز
کوملك و طوندن عبارت قالدقن صوکره قوللرینی دیرسکلرینه قادار
صیوادیلر . بالطبع بنده بونلره اویغی مجبوریتنده بولوندم . آرهدن
اون دقیقه کچمه قیونك طیشنده غلبه لکلی کورولتولر . محتاج تحقیق
تلاشلر باش کوستردی ؛ (براده) دینیلن - اسکی زمانك تحته دن
یابله فس قالدلرینه مشابه صوایله عملو قابلر ایچنده - ایکیشر بوجوق
اوقه اق باردافلر اطرافزه دیزیلدی . بزکال تهالکله منتظر ایکن کورکسی
کره رک بروضیت عالیجنابانه ایله کیره ن صاحب المیت اوکمرده کی
دائرة نك مرکزینه الشمس واون بش سانیتمترو قطر وعمقده تحته دن
معمول قاوانا قویدی . اوزری حصیردن یاپلش . مخروطی قاپاقله
مستور اولدوغی جهتلرینه دروننده کی اكلاشیله مدی . نهایت آچیلدی ؛
پیلدیکم . اوآنه قدر کورمدیکم بوهیتلی نك قارشیسنده اولانجه
اشتهام قایاندی .

بوقاوانامك اورته سنده تمام قرق سانیتمترو قطرنده . بلکه
اوتوز سانیتمترو ارتفاعنده خوردن یاپلش منتظم برقبه و تپه سنده
چناق دیننك عینی اولقی اوزره پنبه برصو ایله طولدرولش کوچوک
چوقور مشاهد ایدیلدی . مان درت اوقه دن فضله اولان بوخوردک
ایچی - بنجه - مطلقاً باشقه شیلره طولو ایدی . مکرده کیلمش . قبه نك
دامانی دائراً مادارقیزارلش کیکی ائله قوشالش اولدوغدن اول
بونلره طالدق . لکن . اصول بلده فی اوفوتمالی . کیکلر کمرلکدن
صوکره قبه نك اطرافنه صوقوله جق ، ایلکیلرک باشلری زارزور

قدیم خانہ لر الیوم باقیدر۔ — اختیارلرک روایتہ نظر آ بواسکی
کمرلر وقتیلہ مطالعہ خانہ ایمش ..؟

بوقضا ، شیمدی یہ قدر تعقیب ایدیلن طریقک نقطہ
متناسندہ اولدوغی جہتلہ ، لوانک دیکر محللرینی دولاشمق

یدہرک آچیلدقدن صوکرہ تریاکی ناریکلهسی کی بوتون نفسله صورو لهجق!
عملیات بتدیکی زمان کیکلر چیقاریلوب قبل تاریخی انسانلرک اسلحہ
تدافیهسی کی احتیاطاً سلاح مقاصد اوکله صیرالانهجق!

آرتق بیلیم ، بوندہ کی مقصد نادیدہ (بزین) طعناک حین
اکلندہ عربده چیقمهسی احتمالہ منیمیدر ..؟

هرکس طوردی . نظرلر صورتکارہ دوندی . حضرت ضیوف
برور صاغنده حاضر بولونان ایکی اوقهلق دستی بی دوکونجه کندمی
صوباصمش برتربه اوکندہ ظن ایتدم . بوصوپنبه وبارلاق ایدی .

ارسلان یورکلی ، اشتهاری سورکلی رقیقلرم کندیلرینی غائب
ایدهرک ، حیرت افزا برفعالیتہ قویولدیلر . هرکس قبهدن برآوو خلق
قوباروب ، قاواناک ایچ کنارینه یاپیشدیردی . بعده هب برآغزندن
بسملاچکروک ، مذکور صوابله یوغورمغه ، مینجیقلامغه باشلادی .

بنده کیریشمک ایستدم . فقط ، صوصیحق وباخصوص سهل مختف
درجه سنده برمهاریه متوقف اولدوغندن چکیلمکه مجبور اولدم . اون
دقیقه سورن بومشغولیتک صوکی هپسندن دهشتیدر .

بش بارمک آرسنه بویوکجه یورطه قدر خلیطه آلنهجق . کوز
حذاسنه که تیریله جک ، بوصورتله اولوق شکلی آلان آوو جک
مفصل جهتی آغزه کله جکندن ، معدیه به قدر یول آچق شرطیلہ - نارکله
چکیمی کی - نفس واسطه سیله جلب ایدیلن بوخور طوغریدن طوغری به
معدیه یولانهجق !

بوی تعلم ارزوسیلہ یایمق ایستدم . نه ممکن : اساساً صویک
فرمزیلنی بوبردن . پارلانلی یاغدن اولدوغی ایچین ککرمک شدتله
بیرمالاههسی ملاسه سیله بوغولمه رمق قالدی .

ایچون مصراطهیه عودت مناسبدر . چونکه ، مصراطه لوا
سواحلنک اورته سنده در . کورولن یرلردن ماعدا طاورغه
ناحیه سیله سرت قضاسی قالیورکه ، بونلر صاغ جناحی تشکیل ایدر .

طاورغه ناحیه سی

مصراطه دن الی ساعتده واریله بیلن بونا حیه نك اراضیسی

ا کلاشیلدی که ، (بزین) بنم ییه جکم شی ده کیل . لکن ، آغزم
طوتوشدی ، کوزلم قان چناغه دوندی . نك جنگاورلری ایسه
طویق یلمیور . براده لر بوشانوب بوشانوب طولدورولور ، (فتری)
تعبیر ایدیلن بزدیرمه یه صاریلدم . جدأ خوشمه کیتدی . متعده المراکز
دائرة لردن مشکل بوتامک صافی یاغ ایله پدشمش ، کوره ک ولدیدور .
ایشته بونکله دفع جوع ایده بیلدم .

بارم ساعتدن زیاده امتداد ایدن شو مشغولیت تعب آوری اون
اوقه لقی بر قارپوز تعقیب ایتدی ؛ معده لرده کیرج سوندورولورجه سنه
قابوغنک بیله صیریلدیفنه انسان نه قدر کولسه سزادر . بنی نخطر ایتکجه
حالا متعیر براقان نقطه ؛ سفره دن قالقار قالقماز هر برینک طاش
طوپراق دیمه رک و داها دوغریسی تفریقده مقتدر اوله میه رق اوتیه
بری به ییقیلوب مستانه سربله سی ، صو ایچمک مقصدیله ابقینه ، ابقینه
قالقارلرنده (ساقه غشی ایله) کمرله اورولان قفالرینک اوزانیرکن
تکرار دیواره چارپه سیدر .

فرق سکز ساعت اجرای حکم ایدن (بزین) ، (سیدالاطعمه)
عنوان دیشانی قازانمش ونجه لر ی ابدی براویقویه طالایر مش اولمغه
قارئین کرامه وهله معده لردن مضطرب اولانلره توصیه ایدرم ! هر حالده
لاحانا ترشیدنه فائقدر ...

« بیچاره مأمورلرک بوراده کی شو معیشت متموله سنی اولیای »
« امورک انتظار انصافنه عرض ایلرم .

واسع و باصیقدر. اکثر جهاتندن صوتبان ایتدیکی و بوضورتله
چامورلی کوللر میدانله کلهبکی ایچین هواسی مختل و صتمه لیدر.
بو بالچیقلمده (دیسی) دینلن ساز اوتلری کلیتله چیقیدغندن
اهالیسی حصیر اعمال و مصراطهده فروخت ایدرلر. طاورغه نك
منسوجاتی یالکز بودر. خورمادن باشقه اشجاری یوقدر.
مع هذا، اقسام متنوعه سی مبذول و مشهوردر. اراضیسنك
نقوسی نسبتندن فضله لنی ملاسه سیله هم حدود بولونان قضاا
اهالیسی کلوبا کدرلر. بوراسی ده عمراندن محروم اولمغله برابر
شریه صالح صوینك معدومیتندن ناشی صحتی کوزه تنرمصراطهده
که تیرتیرلر. روایتله نظر آسسیوری سینکی اوقدر بول و نافذرکه
قالین ناموسیله لری دهلوب که چه لرلر.

مرکز ناحیه نك برساتلق دیگر بریره نقلی مقرر ایسهده
هنوز موفق اولونه مامشدر.

مصراطهده طاورغیه و بورادن بش کونلك مسافهده کائن
سرتله قدر اولان یوللر کاملاً قوم و احجار و اشجاردن مبرا
و غایت مستویدر.

اهالیسی - لوا ایچنده مستثنا اوله رق - عموماً زنجیر.
هپسی چتین وحشین، بعض متغلینی بدیندر. معارف داها
ایلك خطوه سنی بیله اتمامش اولدیغندن عرض ایتدیکم اوصاف
فطریهیه منضم جهالت، اکثریای معنا غیا نلری تولید ایتمکدهدر.
بو خود پسند دیپلوماتلر آووقائق طاسلامق ایستلر سده،
موقیتلرینه اك بویوك مانع، تصویرات افسانه کارانه لرنده کی
وضوع ملعنندر.

مصر اظه ایله طاورغه وسرت بیننده کی طرق ، اضلاع اعتبار
ایدیاسه ، مصر اظه قریب برزاویه منفرجه ده واقعدر. مصر-
اطه دن دوغریدن دوغری یه سرته کیدیاسه بالطبع بر خط
مستقیم طوتولمش اوله جغندن درت کونده واریلیر .

سرت قضاسی

حرف اولك ضم وكسریله ایکی درلو اوقونور . (سرت کیر) ك ایچنده ، مصراطه ایله بنغازی ییئنده کی طریقك اوزرنده واقعدر . سرت ؛ جزؤ شرقیسنه (جون الکبریت) تسمیه ایدیلن (سرت کیر) ك ساحته اطلاق ایدیلیر . مؤرخیندن (بکری) دیورکه ؛

- « سرت عتیق ساحل بحردهدر . طوپراق قلعه ایله محصور »
 « وایچنده جامع ، حمام و بعض سوقاقلر واردر . قبی ، بحری »
 « و اوچنجیسی دکره کشاده اوچ قپوسی موجوددر . »
 « خورمالری ، بستانلری ، (صوینی طائلی) قویولری و متعدد »
 « صهرنجلری حاویدر . ایچنده کهچی ذبح ایدرلر ، آتی پك »
 « لذیندر . اهالیسی اخلاق جهتیله اخبث ناسدر [۱] ، معامله لری »
 « جدآ فنادر . فیأنلر یینلرنده تقریر ایدلمشدر . »
 « برسفینه لیمانلرینه دمیرله دیکی زمان مثلاً ؛ ایچنده زیتون »
 « یاغی وارسه واشد احتیاجلری اولسه ، قریه لرینی هوا ایله »
 « شیشیره لك آغز لرینی باغلار و دکانلرینه طولدورولور . اصحاب »
 « سفینه اهالینك استغسانه ذهابله ، ارتق بورایه قدر گلش »
 « بولندوقلری ایچین ، محنكرلك تقدیر ایدم جكلری فیأنلرله »
 [۱] بو توصیف ماضیه عائددر .

« صائمغه مجبور اولورلر . دنانت طبعلندن ناشی بولره »
 « (عیدقرلی) دیرلرکه ، قنادلییه اوران طیرصغیره نسبتدر ؛ »
 « هواده شاهین کبی اولور ، برکوزلیه صویه ، دیکرلیه سمایه »
 « باقار . بربالق کورسه ، اوق کبی اینر وجو هواده بر طیر »
 « مجروح بولسه ، جاننه تصد ایدر . »
 « لسانلری عربی ده کیلدر . طورلری طرابلس اهالیسیله »
 « متخالفدر . »

سرت جدید ، ایکی ساعت اوزاقده بولونان بوخرابه؛ پک
 مکمل فقط ، محتاج تعلیم برلیمانه مالکدر . انقاض موجوده
 میانده ابنیه نك بعضی قسماً محافظه وضعیت ایده بیامشدر .
 تاریخ و یردیکی معلومات عجیبیه اطلاعدن سوکره انسان ،
 تعبیق فکر ایده جک اولورسه ، بو ولایتی خونین دراملرک
 برخنه پرخشیتی کبی کورور . نه هجوملر ، نه انقلابلر ، نه تکمللر ،
 نه انحطاطلر توالی ایتمش !

اک صوک کلن اقوام ، باشقه باشقه محللردن کلدیکلری
 جهتله شیمدی اخلاق وعادات نقطه سندن پک بویوک اختلافاته
 تصادف ایدیایور . معافییه ، وقتیه نه عالی همت انسانلر وار
 ایمش ؛ اثرلری اخلاقی حیرت ایچنده براقیور ؛ مثلاً سرتک
 برقاج کونلک اوتهنده ، اولاد ابو سیف قبیله سی قبنده
 (قرزه) بنالری کورولویور . نولرندن برقمی علی حالهم
 طورییور . دیوارلری عین سور ، مقفلری (رخام) طاشلریله
 مستور . یالکز اوله رق کیزمکدن توحش ایدیلیور .

او اولو دیوارلرک اوزرنده کی هیبتلی ، شجاع محکوکات
وجودلری اورپرتیور ؛ برقابی طاش خارب قلنجی چه کش ؛
دشمنی بوغازلایور ، بریتجی قوش ایختس ؛ پنجه سیله بر قوزونک
جکرنی سوکیور ، بر چقمچی دوه سیله ارضنی سوریور ، انده کی
قامچی نی صانکه متادیا اوریور . مع مافیه ، اخلاق بوزوقانی
چشم عبرته چارپیور ، بر شهوت پرست دوه اوزرنده ارتکاب
فعل شجاع ایدیور . ایشته بوکساد اخلاق مترقی بر ماتی
بایریور .

خرابه لریک شکل اعمالی برده کیل ؛ هیدنده کی چ مشاهده
ایدیور . دیمک اولویور که ، بو مناظر محشمه برر انقلاب
حقیقه ییور .

اصل غیری شودر که ، سکنه سابقه کاملاً طاع باشلری
یدحاکمیتارینه آلمشور ، شیمدی ایسه بالعکس اتکلرنده اوتوریلور .
بوده اسکی اصول حربک ایجاباتندن اولویور .

شیمدیکی (سرت) ده ساحلده در . هواسی ، صونی کوزلدور .
کرک مرکز لواندن و کرکسه سائر قضالردن بعید بر نقطه ده
بولونمسی مایله سیله متزویانه بر حیات که چین اهایلی و هله ،
متفرق و بر برینه کونلرجه ، هفته لریجه اوزای بایه لرده اوطوران
قبائلی طبیعتک سوفیاته نایع ، قوه مفکره لریک معارف و مدنیتله
تربیه لیمسی شویله طورسون ، مدنی بروجهه بیله کور مامش
اوله لرینه مبنی شواعدار اساسیه استقامت و حسن معیشتلرینه
مانندور .

نافزان سنجاغنىڭ حدودىنە قىدر اوزانان بوگەنىش قىضا ،
اشجارىدن عارى كىيدر . سىكنە ى كاملا راعى اولدىغىدن دوه
وموئىشى چوقدر . اراضىسى بهار يىتىدىرمەكە پاك الوريشلى
اولدىغى ايجىن ، يغمورلوك نزوله ابىدارىدن صوكرە اطراف ،
زمرىد آسا برىشكە كىرركە ، انسان ، شومناظر طبعىيەنىڭ
قارشىسىندە جوشان قالير :

الواح شاعرانە :

يشىلدىكلار ايجنە سورىلار صالغىش ؛ قوزوجقلىك مىشى خىفنى ،
اناجقلىرىنىڭ ارضاع لطيفى ؛ بحر سىغىدىك دالغەلى زىمانلىرى
واندىك شىققتى احساس ايدر . دوهلر افقە دوغرى يايلىش ؛
اوضاع لايدانەلرى روحو باشقە برىصفا بىخش ايلر . آرەدن
براىكى ماە كەچەر ؛ اودوز اووونىڭ قىسما مىزروعات ايلە تىزىن
ايتىدىكى كورولور . باد لطيف اسەر ؛ خفیف برىتموج حاصل
اولور . نەبويوك الطاف سىبجانىە ! برىقىزجىز سورىنىڭ اورتەسىنە
اوتورمىش ، مضرونەسىنى چالپور . قوزولر اطرافنى قوشاتمىش
دىكلەيور ؛ برىعالم معصومىت روحنواز نغمەلرلە امتزاج ايدىيور .
نەدلفرىب برىسعادت حىياتىە ! (فقط ايواه !) :

بويلە برىلەب واحسان اوزرىندەدە ضرورت اجرأى حكومت
ايدىيور . چونىكە ، سىياسى امىللار ملتى اكسەسىندىن كىرىيور ؛
سىلمەجىيلر ، مختىكلرلر فقرأى ازىيور . ايشتە بومناسىبتلە ؛

بانق دی روما حقنده بره طالعه

درت بش سنه مقدم ایتالیا دولتی طرفندن طرابلس غربده
تأسیس و (بانق دی روما) نامی اعطا ایدلش اولان بوبانقه نك
خط حرکتی ، بر حرب اقتصادیدر ؛ روللرینك اك مهمنی
- ساحل اولمق و كوز اردنده بولمق ملائمه سیله - سرت قضاسنده
اجرا ایتكده دره . مسلكی ، سهولت فوق العاده ابرازی صورتیله
فقرانی استقراضه ترغیب و مدت معینه سنك حلوانده استمالك
اراضی به موفقیتدر (؟) . یوقاروده عرض ایدلدیكى اوزره ،
عربلر باشلوجه یشیل چای وشكره منهك بولندوغندن ،
بو قبیل اشیای خمیسه نك قیمت حقیقه سنی بیلمین ، بوگونكى
کیفه ابدی بر سفالتی پیرو ایتكدن اصلا چكینمین عربانه بر قاچ
مثل فیأناه صاته رق بر (سخای سمی) ایله سنده ربط ایتكدن
صوكره چاریقمنز براققدر .

زراعت بانقه سنك شعبه لری ایسه ، یالکیز مرکز لوا
ومصر اطهده بولندوغندن و بونلرك دور سابقده كی كیدیشی فائده
یرینه مضرت تولید ایتدیکسندن (بانق دی روما) نك رواج
مقاصدینه قارشى هیچ بر خدمتلى كوروولما مشدر .
ظاهراً انسانیته ، باطناً سیاست كی برفكر شیطانیته خدمت
ایدن بویادكار دور جوار ، اوچ درت وطن خائنك - نخی

مع التأسف مظهر صحابت و سهولتی اولمقدمه در !
اسماً و جسماً طرا بسلیارک معلوم و منفوری اولان بوخونه نی
تصریح ایتک کوکلمه جه تلویث صحائف دیمکدر . یالکیز بر قاج
جمله ایله اولسون تخفیف حرارت ایدیم :

« ای یومقدس طوبراغک اوزرنده طوغوب بویوین ، »
« نان ونعمتیله بسلن . ای بوشانی بیراغک آلتنده حیمتسزلکله »
« لکله ن ، ناموسسز لقله شهرتلنن آچاقلر ، آهمقلر ! انسان ، »
« انسان ایسه وطنی سور . سزکه ، بومزیتدن عاری ، پک »
« عادی خان بی دینسکیز ، سزکه ، وطنک بغرینه خنجر »
« احتراضنی صابلامق ایسته یئلره مینسکیز . امین اولمکیزکه »
« سزی بو وطن مخر بلکیله حیوانلریله قبول ایتیز . انشاء »
« سیف عدالتله خون آلود ، مال و منالکیزله محو و نابود »
« اولورسکیز !... »

ایتالیا حکومتک اقصادی املی ، طرابلس غربک اقسام
مهمه سنی بانکه سی تفوض ایتدکدن و اهالیسنک جلب قلوبنه
موفقیتدن صوکره منوی ضمیرینی اظهار کچی بر فکر و اهیدن
عبارتدر .

حالبوکه ، یکی ایجاد ایدیلن بو پولتیقه طرابلسده سوکمز . چونکه ،
یکی ترکیا هنوز تکملات اداریه سنی استحصال ایدمه ماش ایسه ده ،
ملک و ملاتی محوه چالیشمش اولان حیمتسز ، وجدانسنز ظلمه یی
استیصاله ساعی اولدوغندن بوکون هر کس ممنوندر . علی الخصوص
وقتیله حکومتک سوء تدبیری ، اهالیسنک تمایلات دورنا

اندیشانه‌سی یوزندن فرانسه حکومتک ید اشتغالنه که چهن
تونسک شدتلی بر استبداد مخنه‌سی کسینه‌رک ، اودرایه مخصوص
قانونده - مجازات و حقوق جهتیله - بریرلی و فرانسه‌رک تفریق
ایدیه‌سندن ناشی ترک وطنه مجبوراً هجرت ایدن زواللیله ،
نظزلری اوکنده بر نمونه عبرتدر .

اوت ، طرابلس اهالیسی خلافت معظمه‌نک رابطه دینیه‌سی
اویله تشویقات اجانب ایله قوپارده‌جق قدر سبکمز ده کیلدر .
انجاق ، بومطالعائی قارشیلایان بر نقصان وارکه اوده ، احوال
عالمدن بی‌بهره قالمش عربانک مسئله‌ی تقدیردن عاجز بولونمیه‌سیدر .
معلومدرکه ، معارف ایله ترین ایتش بر فقدان سلامت دائمه
بکله‌نیله‌مز . اکر بو وطنپرور جنجکاور اهالی شیمیدی‌یه قدر
بوسایه‌ده‌اویندیرلمش اولسه‌یدی دیه بیاییم‌که ، امن و آسایش
اسویچره ایله مسابقه ایده بیلیدی . بواسطه‌ادی حائر برملت
ایچنده‌ده هیچ بر مقصد سیامی باش کوستردمزیدی . عربلر محضاً
عدالت و نصفنک عاشق و متحسریدر حکومته اولان اطاعتلری
جداً شایان تقدیردر ؛

خمس لواسی بن‌غازی حدودنده مرکز ولایته مضاف
(جفاره) ناحیه‌سه دکین یوز ساعتک بر طولی وحد وسطی
اعتباریله اوتوز ساعتک عرضی تحتوبدر . نفوس عمومیه‌سی
(۲۰۰) ایکوز بیکدن ده فضله اولسه کرکدر . موجود قوه
ضابطه‌لدی التقسیم ؛ (۴) بیک کشتی‌یه برژاندارمه و (۳۰)
بیک نفوسه‌ده برپولیس اصابت ایدیور . شویش اتی آی
ظرفنده‌کی وقوعات ایسه نسبه‌کان لم یکن حکمنده قالیور .

حسب البشریه یکرمی اوتوز شـخصک مجادله سی وقوعبولسه ؛
برژاندارمه نفرینک مداخاله سی ، ایکی قبیله بربرینه کیرسه ؛ عسکر
بوروسی کفایت ایدیور .

چونکه ، هرکس برحکومت مشروطه نك قوه اجرائیه سی
قارشینده بولوندوغنی درک ایدیور .

ایمدی بوذکی اهلینک قوه مفکرده سی برده معارفه تمیه ،
اخلاق صافیه لری عملیات عادلانه ایله تربیه ایدلسه ، حکومته
دفع ضرورت وجاب ثروته خادم همملر کوستریلسه عجبا اسایش
وقوه اتحادیه دینه جک قالیرمی ؟

صدد خارجنده کورولن شوسوزلری یازمقده کی مقصدم ؛
اتحادجیلینسی اخلاص قابل اولمایان بو اهالی صادقه سی اخلاص
وبناء علیه اختلال فکری قره سیاحت تشبی قدر بوشدر .
مع هذا ، بوقیل نأثره سیاسیه بی اهلینک حمیت فطریه سنه اعتماداً
ابصارا تنباهدن دورطوتمق دخی برحکومتک وظائف متودعه سیله
ناقابل تألیف اولدوغنه کوره برجهندن ده ، زراعت بانکه سنک
شعباتی تکثیر طریقله بومؤسسۀ مضره نك انطفا سنه سی
وغیرت ایتملیر .

ایتالیا حکومتی برده ، تعمیم لسان مقصدیه مکتبلر آچمشدر .
افکار عمومییه تلقین صافیت واثبات انسانیت اینچین هکیملر
بولوندوریور ، مجاناً اجرای صنعت ایتسدریور ، علاجلر
صرف ایدیور . ایتالیا لی دوستلرمزک بو بایده کی مهمات عالی
جذابانه لرینه تشکر ایتمکه برابر شو جمله لری آورده لسان
استغراب ایلرز :

صوکنجی عصرک مدنیت لکھلری ؛

مدنیتہ خدمت ایتک ایستہینلر ، صاغ قولی سونکولایوب ،
 صول قولک سیویاجہسنی تداوی یہ یلتیرسہ بوکا (کوزویامق)
 دیرلر ؛ کزید اغتشاشی اوزرینسہ یدمداخلہلرینی اوزاتان دول
 اربعدن بری دە ایتالادیر . اوقت حکومت عثمانیہ یہ بلدیردیکلری
 پروضرامده ؛ نفوس تلفاتنه میدان ویرمامک ، عصاتی تشکیل
 وتریبہ ایتک کبی صرف مدنیتہ لایق برمعاملہده بولونہ جقلرینی
 بیان وتأمین ایتشلر ایدی . جانبوکہ ، مسامحت سائردهن قطع
 نظر ، خنکار جامع شریفنک ایچندہ مالک الملائک والسموات اولان
 جناب حقہ التجا ایتش بونجہ مخدرات اسلامیہ نی قلیجندن
 کہچیرن جانوارلرک اولکی اشاعات کاذبہ سی تمامیلہ تحقق ایتش
 ایکن کزیدک بوکونکی شکل الینی کوز اوکنہ کہتیرہلم .
 حکومت عثمانیہ ، اجزای متممہ سندن اولان برآطہ نی
 شیمدی بحق اصلاحہ کافی برقوت مکتسب اولدوغی حالده
 نہ ایچون حالا حکومت متمدنه بونلرہ قوۃ الظہر اولمقندن واز
 کہچیور ؟؟ ...

حقک مغلولملرہ رجوعی مقتضای مدنیت وانسانیت ایسہ ،
 جنازہلرک اورتہ سندن امیکلہ یہ ، امیکلہ یہ والدمہ لرینک ، نعشی
 سزوب ، مہ لرندن سوت یرینہ قانئہ من یاورو جقلری صوکرہ
 پارچہ پارچہ ایتک طرزندہ سباعہ بیلہ یاقیشمایان مظالمی ارتکاب
 ایدن صیرتلا نلرک یوز آلمہسنی تولید ایدن معاملاتہ مدنیت شخص
 موہومنک دامنی لکھدار ایتمکدن باشقہ برمعنی ویریلہ بیلیرمی؟! ...

بناء علیه ، کرید مظالمه قارشی مساعده کارانه طاور اتمق
طراباسده ایسه اوخسایه رق یاره صارمق الدانیله جق روللردن
ده کیلدر ...

خلاصه کلام؛ ایتالیا نك سنه لرجه ایتدیکی تجارب نتیجه سنده کی
امید خفیفنی ده تبدل اداره بوسبوتون قلع وقع ایتمشدر .

*
*

شیمدی ینه سرت قضاسنك بقیه احوالندن بئث ایدلم :
حکومت ظالمه نك ا زیاذه ازدیکی سرت اهایسیدر . چونكه
موقعی مرکز ولایت ولوادن وكافه تقیضاتندن بعید وآزاده در .
دیو عقور استبدادك عونہ سنندن اولمق اوزره ، و قتيله ،
تورده ن ویدینه بیچاره اهاینك موجودیتی تسلیم ایدیلن (۰۰۰)
دره بکیلیکنندن دهادهشتلی بر اصول اداره تأسیس ایدرهك
(اوفور و جیلر) کبی روحانی بر صفت دخی طاقینه رق ، بوتون
عشاثری قبضه تسخیرینه آلمش وسفره شیطنتی آچهرق ،
هریکی کلن مأموری انعام واطعام نتیجه سنده طوعاً و کرهاً
کندیسنه رام وبوسایده اغتنام ایتمشدر ! بونی ده قیصه کسهرك ،
بووطنه کوتو نظر لرله باقانلرك جزاسنی دست عدالت الهی یه
براقلم كه ، (واه عزیز ذوانتقام) در .

سرت قضاسی ، قوه قدسیه ایله اداره ایدیلر بریردر . محیطی
غایت واسع اولدوغی ایچین نیجه قبائل نظر ضابطه دن خار جدر .
اولا ؛ معارفك اورایه قطعاً یا ناشامش اولمسی ، ثانیاً ؛
بقیه مفسدینك تشویقات انتقام جویانه سی یوزندن اره صره

منازعات وقوعه کلمکده و هم حدود اولمسی ملاپسه سیله ،
مصر اهالی سیله مغاصبه ده بولوتقمده در . - حکومتی اکثریا
یوران ؛ خسنون و فرجان قبیله لریدر .
بوزمینده کی تفصیلاته الحاق ایدیلجک داها بعض معلومات
وارسده مناسبتی حسیله ؛ احوال روحیه بختنه تمایق ایتدم .

فزان سنجاغی

بعض تخطرات مدهشه

دور سابقده افکار ملتى ترهیب ایدن بو صحرای کبیر شعبه سی
نیجه اولاد و وطنک شهادت مناری، بونجه ابوینک قبرگاه آدوزاری
اولمشیدی .

(فزان) دینسیدیکی زمان توپلر اودر پریر ، مظلوملرک حال
سغانی تخطر ایدیلیردی . مرکز ولایتدن اوتوز کونده واريله
بیان بولوی دهشت اختوانک یولی برهنه دهشت نموند .
غیر مسکون اولمغه برابر ، کلاملا دینهجک درجده قومسال
و تصادف ایدیلان یوجه تپلرک چوغی سیادر .

خودکامانه بر سلطنتک ، سلطنتک ده کیل اضمه خللاک تاج
ونختی بزاد ایدن فراغسه نک قربانی اولمق اوزره ، قافله قافله
سوف ایدیلن وطنداشلر من ، زبونکشانه حیل و دسائس اوردن سنده
سویولور ، کینی اشککنجه لرله خراب اولوردی . مزیشاری
شقاوتدن ، فطرتلری ملعتدن عبارت بولونان اواستبداد صادقلری
ایشه بواوتوز کونلک یولک هر طرفی مظلوملرک ، معصوملرک
کوز یاشلریله صولامشدر ؛

فزان برضی ایسه ، یولی بنسدر اذادر ، بو کون اچیلان
یارلرک قشری یارین سز کولور . ارباب حیت استبداده غارشی یمین

سداقت ایچین دو کولور، بواوغورده اولمک مباح؛ قاتل غازی عد
اولونوردی؛ کندیلرندن حساب سورماز، اکسیک کتیردیگیز،
کریسی نرهده دین بولونمازدی .

استانبولده دوغمش، ناموسلی برعائله ایچنده ناز واستغالرله
بویومش، صوکرده سنه لرجه مکتبلرده اوقویه رق، کسب
نزاکت ایتش بروطن یاوریسینک بویله اشاغیسندن چیقان
حرارت، یوقاریسندن اینن آتش قدر مؤثر قوم اووه سنهده
اژدرلر اورتیسنده سفیل و سرگردان و علی الخصوص اوجانکدار
ضربلر آلتنده نالان اولدوغنی کورمک ده کیل دوشونماک بیله
انسانی ترهیب ایدر .

بیچاره شکار اعتساف؛ آجلمقدن تاب وتوانی توکنمش،
یرتیق کوملک ایله طوندن باشقه کیه جکی، قوردلی زیتون
دانه لرله کوفلی پکسمتدن غیری بیسه جکی قلماش، اشیانه
سعادتتی خاطر لایوب (آه) چکیور، فقط، شوتفکراتنده
اولسون سربست بر اقیلمیه رق، انکیزیسیون اشکنجه لری
ایچنده بوغوق، نازک، جانخراش ندالره آنه سندن استمداد
ایدیور. حالبوکه، بوکان شفقت ده، چکر پازمه سنک آتش
افتراقه طایانه میهرق، دوشکه دوشمش، قان قوصویور، باباسی
دیوانه لر کی چیرپنیور، قارداش لری کیجه کوندوز آغلایور!
ایشته ناموسلی برعائله نك سعادتق مبدل فلاکت اولدی .
برجاسوس ده بوسایه ده احسانه قوندی!
فزان؛ برمنفای عدمدی!

فران ؛ کرچه بر عثمان هلاکدی ، فقط حقیقتده ، شهدای
حریت ایچین باب ارمدی .

فران ؛ بر مستقل بی اماندی !

فران ؛ کرچه بر زندان فلاکتدی ، فقط لاشک ، مہبط
فیض یزداندی .

فران ؛ بر خطرہ آتش استبداد ، بر خنہ انوار شہادتدر .
فران ؛ بر لوحہ فریاد واستمداد ، بر معرکہ ذل وسعادتدر .
حاصلی ، وطنک بر کوشہ اقدسیدر . چونکہ ، مجاہدین حریتک
مدفنی ، مغدورین استبدادک مسکن پرشیونی ایدی . ملتہ آجیلان
یارلر از نوملار ، اودہشتلی یارلر اونوتوملار ...

تقسیمات ملکیتہ وزراعت و ثروتی

فران سنجاغخک مرکز (مرزوق) در . معموردهسی
(کویا) ، دیوارلری قسماً منہدم وآلچاق یاپیدہ برقلعہ ایلہ
محاطدر . مرزوقک زمینی باصیق وسواسو بطاقلق اولدوغندن
صتمہسی مشہور ایدی . مذکور سورک اطراف و قتیلہ دائراً
مادارطیبی بالچیققلرہ محصور ایکن ، برقچسنہمقدم طولدورلمش
ویاتشدیرمق ایچین اوزرنده آت یاریشلری یاپدیریلہرق ، بعدہ
خورمالشجاریلہ تقویہ ایدلشدیرکہ ، بوصورتہ خمتمہلق بردرجہیہ
قدر تخفف ایتشدیر . مرزوق ، عمراندن محروم اولوب ، شکل
حاضری حیرای کبیری اکدیرر . الک معمور اولمہسی ونمونہ
ترقی اتحاد ایدیلہسی لازم کلن حکومت قوناعی بیلہ ؛ طاملری

باصیق ، مرثك و تحته یرینه خورما ساق و غصونی استعمال
ایدینش ، دیوارلری طوپراقدن ضریب المنظر برینادر . بیوت
سأرہسی ایسه؛ قاراللق مغاره لردن ، زنجیرلی قبولرک براوقه لق
منخنی دمیر انتخار لرله آچیلیر قوجه مان کلیدلرندن باشقه برشی
عرض ایتمز .

طوپراغی - مع ملاحقات - قوم ایله مخلوط ایسه ده پک
محصولدادر . ترلارہ صرہ ایله دیکلماش اولان خورما
آغاجلرینک آره سینه بغدادی ، طاری و یونجه اکیلیر . فزانه
هیچ یاغور دوشمدیکندن هرکون صباحین قویولردن چکیان
صولرله اسقا ایدیلیر . شوصورتله سنده اوچ دفعه محصول
آلیر . حبوباتی پک برکتلی اولور ایسه ده ، محل آخره نقلی قابل
اولدیغندن بالطبع استفاده ایدیله میور . برایکی مترو قازیلانجه
صو چیقدیغندن ورورکارده برسیاقده اسدیکندن طولومبالی
دکر مناره نه قدر اویریشلیدر ! ...

سوکنه قضاسنده اسمی مجهول بر صومبعی واردر . رومالیرک
انی استفاده ایتدیکلری بوصو بالاخره نظر اهیتمدن دوشمش
و که چندہ (۳۰۰) اوچ یوزلیرا قدر صرفیلہ حال مابقنه ارجاعی
تقرر ایشلیدر . - کویا اون التی خاصه دن مرکب اولدوغی
عندانتحایل اکلایشلماش .

اداره سابقه ده حامیسز یا شایان عسکر قرداشلر من - قیشلہ ده
قرغان قایناتلیدیغندن - یاغ یرینه دوه اشکمبه سنک کمنارندن
چیقان هضم وطعمی آغیر زار ایله تغذی ایدردی . شمدی

ایسه ، حکومتک فداکارانی شایسته شکراندر .
 اها ایسی طرابلس مرکزندن که تیردیگری حوایج ضروریه
 ایله تجارت ایدرلر و (غات) طریقله سودانه کیدوب فیل
 دیشی که تیرلر .

ملحقانی : سوکنه ، شاطی و غات قضالریله سین ، ودای
 عتبه ، زله ، قطرون ، وادی شرقی ، وادی غربی ، حفره ،
 شرقیه وجانت ناحیه لیدر .

فزانک ثروتی غریبدر ؛ ایچنه جسارت ایدیلوبده کیریله مین
 خراب خانه لرده استیف ایدلش چواللرک فیل دیشی کبی قیمتی
 اشیا ایله ملو اولدوغی کورولورکه ، صاحبک مسکنت و مذلتیه
 قطعاً قابل توفیق اوله ماز . فقط بو ثروت اشخاص محدوده یه
 منحصر اولوب ، حکم سورن ضرورتدر :

نیجه ارککلر واردرکه درد معیشت اورته سنده عاجز بچیز
 قاله رق زوجه سنه « بن کیدیورم ، سنده باشکک چاره سنه
 باق ! » دیوب بش الی چوجوغنی ده ترک ایله هجرت ایلشدر .
 بوکا مبنی فزان اها ایلسندن بک چوغی اطرافه طاغله شد .

مرکز لوا ، طرابلسدن اعتباراً شومندوفر یابلینجه ، یعنی
 آرمده کی قوم دریاسنک حیلواتی مندفع اولینجه هیچ بر وقت
 ترقی ایده من . منزویانه که چهن بر حیات ، دائره وحشتی آشه ماز .
 محیط مدنیت و تجارت کیرمک ، اختلاط و تعلم ایله اولور ؛
 امریقا نه ایدی ، نه اولدی ؟ ...

اخلاق و (ناتور)

بربرده که ، ضرورت حکمفرما در ؛ اخلاق دوزگونانکی
آرامق معقول ده کیلدر . عربانک لبکیه انهمسا کی حدغایه ده
اولدوغی وبربرک مکيفاته تمایلی سفاهتی ، سفاهت ایسه هر درلو
فنانلی ، ولد بولندوغی اجلدن فزانک (عربان حقنده) سیئات
مؤسفه سی وارسته تذکاردر . اقلیمک شدت حرارتندن منبعث
قوه شهوانیه ، ذکور و انائی تحت تشویقده بولوندوریور ...
نکاح ، کلفندن پک آزاده اوله رق اجرا ایدیلیر ؛ زوجک
مصرفی ؛ بش اتی غرو شلق بیله زیك ، اوزاون بش غرو شلق
ستره نسائییه وعادی قرمری یاشما قدر . اهالیسی علی الاکثر
عرق اسوده منسوبدر .

زوجک محل آخره عزیمتیه نکاحک عرفاً منفسخ اولمسی
قیدینک وضعی دیناً مردود ، مضرات عدیده سی نامحدوددر .
ازدواج ؛ یالکز تسکین شهوت ایچین ده کیل . اصل ایکی
وجودک باعث بقای نام ونسبتی و ذریت نقطه مندن ، اختیارلغک
وسيله امن وسعادتیدر . موازنه ملت ، ملتی تشکیل ایدن
عائله لک انتظام ورفاهیه قائمدر .

مع مافیه ، بوسوزلر صرف معارفدن بی نصیب اولان
طبقه عائد وبنابرین اشراف محلیه یه عدم شمولی اتیان زانددر .

غرائب هواثیه ، اسرار مدنیه

غریبدرکه ، شدت حرارتیه شهرت کیر اولان فزان ،

دهشت برودتیه دخی بنامدر. مثلاً ؛ کانون نانیده کوندوزلری
 صیجاغک تأثیرات آتشیندن نولر ایچنده بیلہ سرینلہمک غیر
 قابل ایکن کیجهلری صوؤغک فرط نفوذینہ انجاق ، آلولی
 منالرلہ مقاومت ایدیلہ بیلور ، کونشک قارشیسینده هنوز
 قاینامق درجهسنہ کلن سولر غروب شمسدن سوکرہ طونویور.
 دیمک اولویورکہ ، عوارض طبیعیہ سسندہ کی استمداده کونشک
 مقابله سی اولماسہ ، برودتی منطقہ شالیہیہ معادل کلہ جکدر .

طاغلی باشقہ باشقہ منظرلر ، یک چتین یاماچلر عرض
 ایدیور ؛ قوم دریالرینک کوبکندہ مایہ سرچکمش چیلیق
 برجل اسود کورونویور . صانکہ ، هالایا تپہ لرندن
 برقاچندہ کی اورمانلر یاقمش ده ، آتاشک کیدیردیکي لباس ماتملہ
 افلاکہ عرض کدورت ایدیور ، صانکہ ، کابوس استبدادک
 زهرلی طیرناقلریلہ محکوم موت اولان وطنداشلر مزک جکر لرندن
 قوبان دود آهہ تحمل ایدہ میہرک نہ قدر بخت سیاه واریسہ
 سطحنہ طوپلایوب چهرہ قسوت انکیزیلہ حضور رب العالمینہ
 برهنہ سر اولدوغی حالده مناجات دائمہده بولونویور !

سوکرہ برتپہ نک آرقہ سسندہ سراب کی برشی نظرہ چارپیور ،
 چشم حیرت انسانی اوسرابک قوہ جاذبہ سنہ مابع قیلیور .
 چونکہ ، دکزہ حسرت قالینیور . ساعتلرجه کیدایور ،
 حقیقہ بربحیرہ اولدوغی اکلاشیایور .

ایشته بودہ برلوحہ عبرت تشکیل ایدیور ؛ (ماندرہ)
 نامی ویریلن تخمیناً (۵۰۰) بش یوز مترو قعترندہ کی برکول ،

ایصمنز براوونك اورتەسندە در . قیسنندە ایکی اوچ چارداق ،
بوچارداقلرک ایچندە برقاچ نسل آدم اوتوروپور . قبل التاریخی
اولان حیات انسانیه نمونه سنی کورمکله انسان مدنیه برطرفدن
تشکر ، دیگر جهتدن دە تفر ایدیور :

مدنیت ، فی الواقع لازمه انسانیتدر . فقط ، مدنیت دکیدرکه
ماحی بنیان صمیمیتدر . خلقت عالمدنبری وقوعبولان تحولات
متسلله عقل وادراک دورین عبرت چینیه (پانوراما) شکندە
تدقیق ایدیلسه اکلاشیلیورکه ؛

اورمانلر آرسندە احسن تقویم ایله خلق ایدیان انسانلر ،
اب اکبرک فطرتدن اعتباراً بیکلرجه عصرلر طرفندە یالکیز
معیشت ووحوشدن تدافع ایچون آلتلر یاپه رق ، فکر آک بویوک
بر آسودکی ایچندە یاشامشلر . قرون وسطایه یاقلاشدنجه مدنیت
رایجه لری ، حرب وجدال امللرینی اویاندیرمغه باشلامش ؛
اقوام بربرینه صوؤمش ، (انتقا) بلیه سی بشریتک جکرکاهی
قاریمغه قوبولمش !

آرمه برملیت ، برحکومت حسیاتی کیرمش ؛ نمرودلر ،
فرعونلر تورەمش ، استیلا ایتدیکلری بلده لرک انهار طبیعیه سنی
قرمزی سیلرله تقلید کبی سباعک یامدینی آچاقلقلر اختراع
ایتمش ، عجبا بونلر شیمدی اورتەدن قالدیرلمشی ؟
هیئات !

مرفرد ، برحکومتک تحت تابعیتنه کیرمک مجبوریتیه قوای
بشریه محدود خلاصه لره تفریق ایدلمش ، واقعا کوزل بر اصول

قونمش ، حكومت قورقوسيله حقوق برقانونه باغلانمش . فقط ،
بوكون اك مترقى ، اك متمدن طائيدىغمز ملترك اشتغالاتى
تدقيق ايدم جك اولورسهق ، انسانلغه برخشيت ، برعدم امنيت
بخش ايدن سلاجلرله اوغراشدىقلىرى ، انجاق جناب حقك
ملكى اولدوغى حالده ، روى زمينى عادتا شيطنت ايله تملك
هوسنده بولونان نيجه رجال سياسيه نك ، كيميا كرلرك ، ارباب
صنعتك اردولرى محوه بادی القآت وابداعاته دوام ايتديكلرى
كورورز .

مادامكه ، مدنيت عدم امنيتدر . مادامكه ، مدنيتك مابهسا
البقاسى سياستدر ، سياستكه ، مسلم اولان بررفتار شيطنتدر ؛
اويله كول كنارنده آليشدنى معيشته امرا حيات ايدن انسانلر
هر حالده شايان غبطهدر .

كرچه آدمك انسانيتى اخلافه خدمتيله قائم ايسهده ،
اخلافك استقبالى حالك اخلاق وترقياتيله تحت تهديدده بولونويور ؛
زمانمزد ، موازنه دول اراقه خون بشره مانع اولويورسهده
بونك بربرى سلاجله قارشيلايان برقاج قوتلى دولتك تاثيرات
معنويه سندن متولد اولدوغى خاطر دن چيقار ماملير ؛ انكلتره
حكومتى فيلولريله امثالنه كوكس كدرييور ، فرانسه وآلمانيا كى
حكومتلرك فابريقلرلى ده هيچ بروقت بوش طور ميور . طبعيدر كه ،
هر شينك بر نقطه كالى واردر ؛ قصواى مكملته ، يعنى غايه قابليت
وارمق هر دولتك مقدراتنه عائد بر كيفيت اولدوغندن ، ترقيات
دوليه نك منتهاسنده برلشن ايكي اوچ قوتك موازنه عموميه ي

رخنه دارا تهمه سی قابل انکار میدر ؟ بناء علیه ، اور و پانک شیمیدی
تدارکات استقبالیه سی براینکجی اس انقلاب و سائنی تهینه دن
باشقه برشی ده کیلدر .

مدنیت ، دیانت ایله توحید ایدلمینجه ، (تعمیر دیکرله)
مقدراتله اوغراشمق قییلندن اولان افکار واهییه اورته دن
قالقمینجه ، وحشت ، یعنی آسوده لك ایچنده معیشت شهه سز
مرجه حدر .

*
* *

فزنده متنوع طرزده خرابه لر ، اووه لره حاکم قلعه لر
کورونویور . ذاتاً طرابلس ولایتک هرته پی سی اسوار ایله محکم
بولونویور ...

جبل غربی سنجائی

تقیات ملکہ و احوال عمومیہ سی

مرکزی ؛ یفرین ، ملحقاتی ؛ فسالمو ، نالوط وغرامی
قائمہ قماقلریہ صوصن ، کیکلہ ، مزده ، صیمان وزنتان مدیر لکریدر .
طاغلق و دوزک اولق اوزره ؛ غایت منبت و واسع اراضی یہ
مالکدر . تعصب حدغایده اولدوغندن موسویدن غیری ملت
افراد ی بولونماز . علماسی چوقدر . یالکز برقیسله نک افراد
عمومیہ سی (خامسی) مذهبنددر . بونارک لسانلری آیری
و عبادت و عادتلری مذاہب اربعہ یہ مغایردر ...


بنیجیلکہ کثرت انہماک ملابسہ سیلہ آتلری سیمین و مکلف
طاققلرلہ مزینددر . از مقدارده فیل دیشی و اولدقجہ مبذول
و سوروملی مشینلر بولونور . منسوجات متنوعہ سی و از جملہ اہرامی
بولدر . اہالیسی نسبتہ فقیر دہ کیلدر . زراعت و تجارتدن استفادہ
ایدرلر . جدآ چالیشقان و جسوردرلر . (بانق دی روما) نک
پارمنی بوسنجاغہ صوقولہ مامشدر . آقار صوی وارسہدہ .
فائدہ سی کورولہ میور . مشجرہ لری ، ہلہ زیتون ایلہ بزتمش تپہ لری
روح فزادر .

بورادہ عفت و استقامت ، متانت و شجاعت محافظہ موجودیت
ایده بیلمشدر .

خورماسی آزدر . سبزه و آبی او قدر مبذول دیکلدر . مواشیدی
چو قدر .
هواسی غایت صاغلام ، انجاق سرینجه در . نه و لری قسمآ
یرآلتده در .

*
* *

تقسیمات ملکیه و وضعیت جغرافیه اعتباریله خمس لواسنک
سرت قضااسندن - هم حدود بولونان - فزانه واورادن ده جبل
غربییه کیدیلد کدن وکزیلد کدن صوگره مرکز ولایته توجه
اقتضا ایده جکندن شیمدی ده بوندن بحث ایده لم :



طرابلس غربك مع مضافات مركزى

مركزى ولايتك منظره عموميه سى

بوكون انظار زواره بويوك بويوك بنال عرض ايدن بوشهر
شهرك هر نقطه سى - تاريخك ويرديكى معلومات خيجه به نظر آ -
مطلقا انسان قاييله صولانمشدر . هوا سى ، صوي كوزل
وموقعك لطافت و ظرافتى مكملدز .

جبل طرفدن باشلايان (بحين) واديسى شهرك صاغ
جناخدن كه چهره ك دكره منصب اولور . وارداتى اولدجه اهميتلى
وتهلكلى ايسه ده ، مجراسى جدوللاره تقسيم ايدلىكى ايچين
آفت فيضاندى معصونيتى تاامين ايدلمشدر .

بربرينه ملاسقى ايكي ليماى موجود اولوب ، برى ؛ اشيائى
تجاره وديكرى ده ؛ يولچيله مخصوصدر . درت قدر (خلفه)
فابريقه سندن خيلى فقرا كه چينمكده در . واپورلر ليانلره سربست
كيره مز . مع مافيه ، ليانلر مملكتده دينه مز .

اراضيسى دوز ومنبت اولدوغندن زراعت صالحدر .
متين اولان سور قديمى ، استبداد زده لرك ماواسى ايكن
زمان مشروطيتده : (سوق حرى) و (سوق رجب پاشا)
وسائر ناملرله يوللر آچيلمشدر . مبائى عتيقه سى قيمت تاريخيه نى
حائز وداها دونغريسى بوولايت (مكتب عبرت) نامى ويرمك

جائزدر. حتی حکومت قوناغنگ بیله (۹۱۶) سنه سنده استیلا
ایدن اسپانیولر زمانندن قالدینی مرویدر .
قبودان دریا ، مرحوم و مغفورله (طورغود پاشا)
بوراده مدفوندر [۱]. جوامع شریفه و تکایا و زوایای خلی
کیمده در .

طرابلس ؛ وقتیه بر خراب آباد ایدی . حربیه ناظر اسبقی
مرحوم (رجب پاشا) نک والیلکی زماننده اکثر نقاطی
مظهر ترقی اولمش و پیدرپی محشم بنالر انشا ایدیه کلکده
بولونولمشدر .

رجب پاشا ، حقیقه بویوک ، بویوکلی نسبتنده ، مادونه
قارشی کوچوک بر ذات ملکسمات ایدی . یوزندن هیچ برکسه

[۱] طقوز یوز التمش دوت سنه سنده ایدی که ، (طورغود پاشا)
یکچر بلرله کلدرک ، طرابلس غرب والیسی اولدی . بلده لری اعمار ،
استحکاماتی وضع و عدالتی توزیع ایلیدی . هر یری تحت تأمین الدیدن
سوکره ، دونغالریله اسفاره تشیت ایدی . غنائمی ، عسکرک ، ماشان
و تعینانته و دونغانک مصارفنه قارشلیق طوتدی .

(۹۷۱) دوقوز یوز تمش بر سنه سنده اسپانیا و جنوز و مالطه
حکومتی . افریقایه هجوم و بعد الضبط طرد اسلام خصوصنده اتفاق
ایتمکله اسپانیا ، جزائر بلادندن بعض قلاع و سفائن الیه ایدی . بونک
اوزرینه جتتمکان سلطان سلیمان غصبه کلدرک وزیر ثانی (اسفندیار) اوغلی
مصطفی پاشای سردار عنوانیه و (پیاله) پاشا رفاقتیه مالطه یه کوندردی .
طورغود پاشا دخی بونلره بالالتحاق مالطه یه عسکر چیقاریلدی .
ایشته بومحاربه اثاسنده ایدی که ، پاشای مشارالیه واصل رتبه شهادت
اوله رق جسد مبارک لری طرابلسه کتیریلوب دفن ایدیلدی .

ظلم کور مامش ، باخصوص استبدادك شيكه ظلم والمنه طوتولاندر
الطاف وانعاميله پرورده اولمشدر . حریت لسانیه سی ، علویت
السانیه سی تاریخ ملتده آلتون قلملرله مسطور ، ماینه خطاباً :
« سز بو ولایتی صائدیکیزسه ، بن حرب ایتمدن ویریم ! .. »
طرزنده کی متینانه ، وطنپرورانه جوابلری مشهوردر .

رجب پاشا ؛ طرابلسك فاتح ثانیهی اطلاقه سزا ، رجال
دولتدن ایدی .

رجب پاشا ؛ مشروطیتك مؤسسی نام مبعجانه روا ، بر
مشیر دلیر ایدی .

عالم نغارنده لمعه وجدانیه سیله شمسوس بشریهدن معدود
اولان مرحوم مشارالیهك سیف معرزی طرابلسلیرك انظار
افتخارنده بر یادکار پرتونشار اتخاذا ایدلمشدر .

تجارت و ثروت و محصولاتی

تجارت ؛ اسلاملردن صوکره موسویلرک واوچنجی درجهده
اجنبیلرک الندهدر .

خورماسی ، پورتقال ، لیمون ، ایوا ، شقتالی واوزوم کی
میوهلری وسبزواتی میذولدر . بادم محصولی اندردر .

برمکتهب صنایعی وارسهده ، وارداتنک قلتندن ناشی مطلوب
درجهده اثر ثرقی کوستره ممشدر . مع ماقیه ، ارباب حمیت علی قدر

الامكان صرف همت ايلديكى ايچين ينه شاين تقدير منسوجات
وساثره سى كورولويور .

عشرته ، سفاخته انهماك ، ثروت عموميه ني اهلاك ايدييور .
نجابت واصالتى مسلم اولان محترم اشرافك بوخصوصده كى وظيفه
مترتبه سى بحق ايفا ايلديكىكندن ، حركات معروفه ييلدن ييله
آرتيور !

وطنك وباخصوص - شيطان پارمقاريله اپى تور تولمش ايكن
قدرة الله ايله پايدار اولان - بويله دكرلى برولايتك استقباليه
قارشى هنوز بھلى طاورانيليور !

حالبوكه طرابلسك شكل حاضرى اسبقنه نسبتله طور غوندر .
عرب تاريخلى اويله وصف ايدييوركه ، انسان او قودجه عادت
ترقيات ماضيه ني حكايات عجمانه دن عدايتكه مجبور اوليور .
فقط بو برحق سزاق ، انصاف سزاقدر . چونكه ، اسلامك
آثار متروكه سى هر بو جاقده كوزلر مزه چارييور . اويله اسلاف كه
الرنندن كچمن طاشلر بوكون التون قيمتمند صايليور . * طاشى
آلتون يابه جق صنعتدر *

طرابلسده غايت ظريف ايبكى اهراملر ، بطنايه لر اعمال
ايديلير . اشرافك ملبوساته اولان اعتنالى فوق العاده در . هله
نسوانك ملبوسات و تجملاتى پك كلفتلى وزينتيلير . اورته
درجه ده سى بيله اوتوز ايرادن اشاغى يه مال اولماز . عربلك
كنديلرينه مخصوص بولان موده لرى صحت نقطه نظرندن دخى

قطعاً مضر اولمدینی کی مخدرات اسلامیة به يك شایسته در .
 طرابلس ، مقر شرافت و مصدر ظرافت در . زنکینلری
 اومولمایه جق در جهده ثروته مالک و جدّاً طریق ترقیه مالکدر .
 اما نه چاره که ، بو عالیجناب فکرلری بریره طویلا یوب شرکتدر
 تأسیس ایتک وظیفه سی حکومته عائد قالمشدر .

ملاحظات

۱ — نواحی اربعه قضاسی : درت ناحیه نك مضاف الیهی
 اولان بوقضا ؛ طرابلسك شرقتده و ساحله یقین بر نقطه ده در .
 معمور ده کیلدر . خورما و سبزه سی بولدر . آز مقدارده ده مواشیسی
 بولونور . مسافه سی ایکی ساعتدر .

۲ — نرا زور ناحیه سی : طرابلسك غربنده و اوچ ساعت
 قدر قربنده و ساحلده در . مرکزی بر آز معمور جه ایسه ده
 اها ایسی خیمه نشیندر . خورما و سبزواتی مبذولدر .

۳ — زاویه قضاسی : زاترور ناحیه سنك غربنده و اون
 درت ساعت بعدنده در . كذلك معموره سی ساحلده در . اها ایسی
 متمدن و بزه نسبتاً مترقیدر . سبزه سی ، خورماسی ، لیکسی
 وراقیسی مشهوردر . عجیلاتدن بورایه قدر دوام ایدن ساحلده
 طوز چیقار .

۴ — عجیلات قضاسی : زاویه قضا سنك غربنده و اون ایکی
 ساعتلق مسافه نك منتهاسنده در . مرکزی ساحلدن ایکی ساعت
 اوزا قدر . مع مافیه غیر معمور و سکنه سی کوجبه در . خورما

وسبزه سی چوق ایسه ده یالکنز زواره ایله اخذ و اعطا ایدم بیلدیکندن
استفاده محدود در .

۵ — زواره قضاسی : عجیلات قضاسنک غربنده وسکنز
ساعت اوتیه سنده در . ساحله واقع اولوب ، مواشیسسی پک چوقدر .
خانه لری کار قدیم اوزره در . قبائلی متحددر . خورماسی آزددر .
اراضیسی زرعه صالح ، بالق بمورطه سی بولدر . تجارت طرابلس
موسویلرینک یدلرینه براقلمشدر . اهالیسی اویشو چوقدر .
پنیر ، تره یانغی و آیرانی پک نفیسه در . بونک سکنز ساعت غربنده
تونس حدودینه واریلیر . بنابرین موقعاً مهم برقصادر .

۶ — عزیزیه قضاسی : مرکز ولایتدن اون ساعت
اوزاقددر . ترقیه میال ، اهالیسی فعالدر . اراضیسی مستوی
و منبتدر . فقط ، مرکز قضا ، عجیلات کبی ، آبادان ده کیلدر .
خورماسی ، سبزه سی واردر . مواشیسسی ده آزددر .

۷ — غریبان قضاسی : عزیزیه آلتی ساعت اوزاقده در .
شرق جنوبیسنده کاشندر . معموره سی هوا دار ، دلشکار برطاغ
اوستنده در . اهالیسی چالیشقان ، ذکی و برچوغی مأموریتله
متعیبشدر . غریبارور و سخیدر . زیتون ایله اینجیر و سود ایله
یغورت و پنیری چوقدر .

۸ — ترهونه قضاسی : خمس لوانسه ملحق مسلاته قضاسنک
غربنده واقعدر . خراب واولرینک برقسسی تحت الترابدر .
مواشیسندن باشقه شایان تفصیل برحالی یوقدر .

۹ — اورفله قضاسی : غریبان ، ترهونه و خمس ملحقایله

هم حدود برقضای واسعدر . اهالیسی زراعتله متوغل ،
منحصراً زیتونی بولدر .

*
* *

بوولایتك اساساً تقسیمات ملكیهسی پك اویغونسزوكرفت
اولدوغندن قوای مركزیه برمناسبت مكمله تحتسده منتشر
دهكيلدر . مثلاً : اورقله قضاسی ، خمس لواسنك اورتهسنده
ومركز ولایته باقیلیرسه پك قرینده اولدوغی حالده وقتیلله
ازبر برمعامله نتیجهسی اولهرق مركز ولایته ربط ایدلمشدر .

طرابلس غرب اھالیسنگ احوال روحیہ واجتماعیہ سی

بوولایتک اھالیسی : چتین ومتیندر . حلم وحدتک توأم
اولہرق اجرای حکم ایتدیکی بو وجودلر، مدنیت وحرہ غایت
مستعددر . چونکہ ، پک مطیع اولدقلری کبی، مشاق ومزاحمہ
قاتلانیر ار اوغلی اردرلر !

کرچہ ، تصادف ایدیلن بعض وقایع الیمہ مغایر انسانیت
ایسہدہ معارفمنزلکدن منبعث بر خطای غیر اختیاری چشم
انصاف ایلہ کورملیدر . هپسی سلاح بدستدر . سببی ؛ بربرینہ
پک اوزاق اولان قرانک نظر ضابطہ دن مہجور بولونمہ سیدر .
حکومتک مناسبات وحرکات سیاسیه سنی وحقی سائر ممالک
عثمانیہ نک اصول اداره سنی تدقیق وتحقیق ایتزلر . لیکن ، بو
ولایتک احوال عمومیه سندن کونی کونہ معلومات آلمغہ پک
مراقبدرلر .

(بعضیلری) نہ قدر ثروتلری اولورسہ اولسون ، مأموریت
ایچین جان ویریرلر . شہری بیک غرضدن فضیلہ وارداتی
اولانلر بیلہ یوزاللری غروشلقاک عادی بروظیفہ یہ تنزل ایدرلر !
مأموریت هوسی ، برعلت مزمنہ حکمنہ کہچشددر . دور
سابقک بقیہ سیئاتی جملہ سندن اولہرق ، رشوتسز ایش کورلمز

اعتقادی متعمددر . بناءً عليه ، حکومت مشروطه نك نصب
ابتديكي مستقيم مأمورلرک وجداني عاداتا تقدیس ایلرلر . وقع
ووقار اربابی، یار و اغیار اورتہ سئندہ محجوب قانماق مقصدیله
کوجوک بر مظلونیتدن تخلیص کریسان ایچین یوزلرجه ایرا
صرفندن چکنمز لر .

ذکاوت فطریه لری ملایسه سیله ، اکثریسنک بولتیقه
خصوصنده کی مهارت لری فوق العاده در . اقبال پرست اولانلر،
اقبالده بولنانلرک محب ظاهر یسیدر لر . زیرا : فیکر لر نجه اقبالی
اقبال تولید ایدر .

اشرافک اکثریسی حکومتله تماس ایتیموب، عبادت وایشلریله
دمکذار اولور لر ومع التأسف مأمورینه یا قلاشانلر ، اسنادات
نامعقولدن اصلاً احتراز ایتمز لر؛ (فلان بوکون ... لغه تعین
ایدیلدی . ینه ... ایرا دوندی) طرزنده کی منطقسز مغتریات
جداً روح صیقیجی عادات مؤسفه دندر .

مأمورلرک علی الاکثر یرلیردن اولمه سی سلامت اداره یه
منافیدر . باخصوص عین محله ده استخدا م ایدیلنلرک چوغی ،
کندی قبیله و یارداقلرینک مروج افیکاری اولویور .

یبانچی وموقع صاحبی اولان بر مأمور، اهالی ایله اختلاطی
دائرة رسمیتدن چیقاریرسه ، نامی لکد لیر . غریبدرکه ، بویه
صاحب نفوذ مأمورینه صوقولانلر ، انظار عمومیه ده کسب
اهمیت ایتک صورتیله کؤکسلرینی قبارتمغه وحتى بومأمورک
نامیله ایش بجرمه کی سعی ایدر لر ...

مجبرب الحال اولمايانلرله تحقيقاته کيريشمايمک مرتبه اولويتده در .
چونکه بين الاهالى اشاعات خود فروشانده بولونه رق بوسايده
رولار اوينانير ...

بوقيل اشخاصک صورت ظاهريده کي سیرت ملکانه لرينه
آدانان والير ، متصرفلر وقائم مقاملر تملقات صالحانه لرینک
اساسنه واقف اوله ميره رق ، صاف برقلب ايله التفات ايتديکجه ،
اهالى مردرلو ايشلری ايچين بوناره مراجعه باشلايره رق ،
شوصورتله بويوک بويوک سوء استعمالاتک لیکه لريله قارالاندقن
صوکره تعقل ايدرلر .

(نکته) ؛ انسانک صحائف حياتيه سی - اقبالده بولندوغی
مدتجه - ریا قلملريه پارلاتيلير ؛ آداتيلير . حقایق خفيه ايسه
ادبارده ويا خود نوم ابده اکلاشيلير . شو حالده بر مأمورک
ترجمه حاله يالکز کندی حرکات مستقيمانه سی ده کيل نديم لرینک
اقبالی ده يازيلير که ، اصل دوشونوله جک نقطه ده بودر .

ملحقاته قال و قيل اکسيک اولماز . چونکه ، خصميندن
هانکی طرف حقی چيقارسه ، رشوتسز برائتک عدم امکانی
افکار مفسدينک احکام متخذة ملعونانه سندن بولندوغی ايچين
بچاره مأمورلر هدف عزويات اولمقن قورتوله ماز . شو حالده ،
اولايی امور افراد معنی حقننه هرنه سويلنيرسه ديکله ملی ،
ايجه کلايوب ديکله مينجه حکم ايتک شويله طورسون فکرلرنده
برنقطه اشتباهيله بسله مامليدر . افواه ناسده نامنی دولاشدير مق
آرزو ايتين بر مأمور هيچ برايش کوره مز . مع مافيه ، استقامت

وعفتدن باشقه سنه اهميت ويرمين نيجه لرده سهل الاعتماد آمرلر
يوزندن جريانه قايلوب كيتمشدر... اخلاق نقطه سندن باشليجه
اوج صنف كوريلور :

برنجيسي — اتلييه ، سوتلييه قاريشميوب مزايای فطريه
وحيثيت نسليله لرني محافظه ايلنلر ؛ يوزده قرق .

ايكنجيسي — ضرورت فوق الغايه ايچنده يووارلانوب ،
هيچ برشيئه مداخله ايتديكلري كبي ، دائما اطاعت و محويت
داثرمنده ياشايانلر ؛ يوزده الی .

اوچنجيسي — ايشلريني ، كوجلريني براقوب افسادات
والقائات ايله اشتعال ايدنلري ؛ يوزده اون .

بوتقديرده ، اقلك سوء حالي ، مملكتك ناموس و شهرتي
اخلال ايدميه جكندن ، بزينه طرابلس غرب اهالي سنك سخا
وانسانيتندن ، حسن اخلاق و حماستندن بحث ايدرز . چونكه ،
جناب حق ايلرك قدريني بيلديرمك ايچين آره لرينه مطلقا
برقاج شرير الحاق ايدر . (لايسئل عما يفعل) !

برنجي طبقه ده بولونانلرك سفره جود و كرمي آچيقدر .
مسافره و باخصوص غربلره پك زياده حرمت و رعيت ايدرلر .
وجدانندن امين اولدوقلري مأمورين ايچين هر درلو فداكارلني
ايفا ايدرلر .

شيمدي كمال تأسفله سويلنه جك بر حقيقت واردركه ، اوده
قبائل بيتنده تصادف ايديله كلن ضديت و منافرتدر . اسبابي
تجري ايديلسه ، ديو عقور استبدادك اكديكي تخملىر جهل سندن

اولدوغی صراحةً اکلایمیر . — علی الاکثر ظهور ایدن تضاد افکارک و اخبارات انتقا بحویانه نک یا حکومتک قولالایشسز لغندن ویاخود بعض یری مأمورلرک قویدوغی یازمقدن منبعث ایدوکی تحقیقات رسمیه ایله ثابت اولمشدر .

بوکون ، برملتک موجودیتی محافظه ایدن قوتک اجزاسی ، اوملتک افرادیدر . بزداما بونقطه یی چشم تقدیره المازسحق ، وطنداشلر مزک حقوق مقدسه منی وقایه یرینه ، بربریله طوتو- شدیروب ، ازیلمه لیرینه غیرت ایدرسه ک شومادی حرکات مردوده مزک برده معوی تاثیراتی وارددرک ، اوده بیان ملک وملتک تمنای صارصه قدر! بز مأمورلر حق الانصاف دوشونملی یزک ، اکتسا واکتسابمز ایشته بواجزای مترکیه سایه سننده در . مشهور (شاول) بیله غایت منفعتپرست اولدوغی حالده ، ظلم ، منفعتی اخلال ایدم جکندن قطعاً بجانب ایدردی .

اعضا مفلوج اولونجه وجودک جوهر قابلیت اظهار ایدم مامسی مثللو ، مأمورلر ال آتندن ایش کورورسه برمتصرفک ، بر قائمه قامک ... هر درلو تشبثاتی البته عقده تعلله اوغرار . کذا ، باش اداره سننده مدبرانه حرکت ایتمزسه ، وجودک بیوده یورولمه سی طبیعی بولوندوغی کبی ، رأینده متین ومستقل آمرلره مظهر اولونه مینجه کافه امورک عدم سلامتی بدیه یلدر .

بوولایت ، سائر ممالک مزه قابل قیاس ده کیلدر . زیرا ، ضابطه سی ، عدلیه سی ، ملکیه سی ، مالیه سی یکی تشکیل ایدیلور دیمکدر . وجدانی معروف بروالی ، برمتصرف توسیع مأذونیت

صلاحیت کامله سی حائز اولمازسه ، هیچ برایش کوروله من .
 انکلتره حکومتی بیله مشروطیت دائره سنده يك قدملی بر
 اداره یه مالک اولدوغی حالده هر يك عرفان واستعدادی طارهرق ،
 اکا کوزه محیط حریتی توسیع ویا تقیید ایتمشدر . مع مافیه ،
 ترقیاتی ده کوزلری قاشدیرمقدمه بولونمشدر . بو متفیض ملتک
 حکومتی بر نمونه امثال اتحاد ایدر سهك . خط حرکتی
 دوزلتیرز . مثلاً ؛

خمس لوانسده کی او محتشم خسته خانه نك اونه سی برسی
 ییقیلوب دوکولوب دوریور ، وجودندن کوروان راستفاده یه
 اون مضرت قازیشیور . صوکره لوا مجلسی بلدییه صندیغک
 فضله سیله تعمیر ونواقصنی تدریجاً اکال ایتک ایسته یور ، ولایت
 ایسه رد ایله جواب ویریور ؛ مکتب صنایع حصه سنک بهمه
 حال ارسالی امر ایلیور . واقعا بوده بر امر خیردر . فقط
 بیکارجه لیرالره میدانه کان بر بنانک بوکون بش یوزغروشله
 تعمیری ممکن ایکن بر آی کچنجه ایکی بیک غروشله موفق
 اولونه میه جق ییقیلرینی بر اقدیروب بوسبوتون اندراسنه یدان
 ویرمک ده معقول ده کیلدر . از جمله ، بوتون لوانک بر نکهبان
 مشفق دیمک اولان بودار الخیرک وجودی هراحتیاجه مرجعدر .
 ایسته ، بش مراقوز ایریشدیرمککز دیهرک بش یوز
 کشینک قاننه کی ریورز . عجبا بومعامله تخریبیه (ترقیورلک)
 دیه جک برکسه بولونورمی ؟
 اوزاق بر قضانک قائمقامی اویقویه دالمش ، بوندن افراد

معیتی بالاستفاده ، خنجر استبداد لرخی ماتک جکر کاھنہ سالمش .
واقعا قائم مقامک استقامتنہ دیہ حک یوق ، متعلینک ، او ملت
سولوکارینک حانہ الویردیکی ایچین مداحلری ، مدافع لری
چوق . قالدیر تمق قابل اولامبور . یوزندن حاصل اولان جرائم
لا تخصی دم کیل ، کندیسنک جرم قانونیسی آرانبور . ایشته
قوجامان بر قضا ایچین یانبور .

بر حکومتک شکوہ و سطوتی تأمین و تزیید ایدہ جک
اساسلرک اقدمی عدالتدر . بدر منبر معدلت نہ قدر نشر یرتو
عظمت ایدرسہ ، ماتک دہ غیرت وقوتی او مرتبہ آرتار . چونکہ
بوکلہ بسیطہ نک بوتون مضمونی ، کافہ قلوبک بر نقطہ جاذبہ سی
حتی نظام عالمک واسطہ ثبوت موجودیتدر .

بز اسلامر حضرت فخر کائناتی کوزلر مزلاہ کورمدک ،
علی العمیادہ تصدیق ایتمبورز ؛ صدقہ دلیل اولہرق اندہ بر
قرآن کریم وار . یالکز اسلافک اعتقاداتنہ امتثال ایلمبورز ؛
باقیورزکہ ، مندر جاتی بر قانون عدالت ، تکلیفاتی شایستہ
عبودیتدر . کوریورزکہ ، انزال بیوریلان قوت ، احکام
موعودہ سنی دأما اجرا ایدیور .

دور سابقہ سالنامہ لرک باش صحیفہ لرخی تزیین ایدن قانون
اساسی دہ مشروطیتک اعلانیہ افراد ملتک ہپسنہ احسان
یوبورولدی . یعنی دیندیکہ : « ای ملت ! مژدہ لر اولسون !
آرتق دام سفالتدن قورتولدیکنز . حکومت جدیدہ . قارشیکزدہ
ذرمہ قدر دوغریلقدن انحراف ایدرسہ ، الیکزدہ کی کتاب آتشین

خطاب ایله مسؤل طوته جقسکز !
 اوخ نفر حفزا، نه حیاتجشا مواعید عادلانه، نه عالیجنابانه،
 نه وطنپرورانه معامله دلکشا !
 ماده لرینی اوقویورز، پک موافق، قانون الهییه مطابق
 اولدوغنی اکلایوب تقدیسدن صوکره سیندلمزده (حرز جان)
 کی صاقلایورز. اساساً حریتسز ترقی غیر قابل اولدوغندن وطنمزی
 آرتق عمرانیه یونه نش بولویورز، جناب حقه شکر ایدیورز.
 ناصل سونیمه ؟

بوملک موروث مشترک یاورولری اولدوغمز حالده، بروقت
 نیجه ارباب حمیت زندانلرده، منفالرده چورویوردی. حالبوکه،
 بر مجاهد حریتک بویوردینی کبی؛ وطن، سکا بکا محتاجدر.
 فی الحقیقه دریجه دوشونه لهجک اولورسه، رملتک حکومتله
 برابر موجودیتی مثلی کورولماش بویوک بر واپورک وضعیت
 وانتظامنه بکزر: سفینه سی؛ وطن، آتشی؛ قانون،
 بخاری؛ حکومت، ماکنه لری؛ ملت، اسقوری؛ سطوت،
 طوائفی؛ قوای اجرائیه، ضابطائی؛ نظار و قیودانی ده؛
 حضرت پادشاهدر. واپوره دریای سیاستده سالم برخط حرکت
 تعقیب ایتدیرن پوصله؛ حقوق دول وماکنه لری محافظه ایدن
 باغده؛ بین الافراد تأمین حقوق ایلین قوانین و نظامات موجوددر.
 واپورک روحی؛ اسقور دیمک اولدوغنه نظراً؛ سطوت
 نامی ویردیکمز بوقوت، ملتک هیئت عمومیه سندن متولد
 بر خلاصه در. ماکنه مجهزاتنک آیری، آیری وظیفه سی

اولدوغی و بربرینک لازم غیرمفارق بولدوغی کبی ، برملتک موجودیتدن سطوت بکله مک ، بلااستنا هپسنى فقط وسع و اقتدار نسبتده استخدام ایله اولور . بو مجهزاندن بری (۱۰۰۰) بیک ، دیکری (۱۰۰) یوزاوقه نقلنده ایش کورمک ایچین یاپیش ایکن . ایکنجیسی برنجیسنک یرینه قونورسه و بوخطا تعاقب و توالی ایدرسه . متأثر اوله جق اوسقوردور . — بویا کلشانی ماهر اولان چرخچیلر یاماز . لیکن ، بو صنعتدن بی خبر اولانلر تعیین ایدیا یرسه باشقهده یارارلق اومولماز :

تسبیقات قانونی ، تطبیق ایدلیکی کبی اجرا ایچین یالیدی . مبعوثلرمز ، نظارمن خانلر تلمندن دوریلسن دیمدی . اما نه فائده که . بخش اندیکی صلاحیتک هانکی وجدانلره رجوعی دوشونمیدی ! مشروطیت وادیسنده استبداد پنجه لرینک آزلی طرناقلرینه میدان ویریلدی . صایسزاهللر گوشه بطاله آیلیدی . بو ، بویله می اولمالیدی ؟

شونک بونک اشاعات ملعتکارانه سنه مستنداً تسبیقات قومیسینلرینک چیقاردیغی برطاقم مقتدر و ناموسکار مأمورلری کورنلرک چوغی کوکل صیادلغنه باشلادی . حالبوکه ، اداره مصلحت ده کیلمیدرکه ، قوجه عثمانلی ملتی بو حاله کتیردی ؟! برعسکره درت دیوار ایچندن تلفونه تعلیم قومانداسی ویرمک ، عین زماندهده ، موفقیت کامله فکر قویسنی بسله مک دوغریسی معقول عدا یدیه مز — هر بری مرآت بحلا اولوق شرطیله — ضرورت مخصوصهده ولایاتی طولاشه جق مفتشلرک راپورلری

(سیدہ ماتوغراف) الواحی کی حکومت وملتک درجہ مشی
و انتظامی کوستر ملی کہ، تصحیح جده، تدبیرده خطاوقوع بولماسین!
طرابلس غریبده محتاج اصلاح اولان؛ اهالی ده کیل،
حکومتدر. ذاتاً ملت عثمانیه، ظالم بر حکومتک سلسله شکیمه
استبدادی قیروب حق حریتی قازانمش، عالم مدینتک القشلیینه
مظہر اولمش برنسل کریمدر.

«حقیر اولدیسہ ملت شانہ نقصان کایر صائمہ»

«یرہ دوشمکله جوهر ساقط اولماز قدر و قیمتدن»

طرابلس اہالیسنک احوال اجتماعیہ سی؛ بخاندت و مخالفت،
تعبیر دیگرلہ، قدداش کی کہ چینیرکن حدت و یاخود اجداددن
منتقل اخذناز بلایہ سیلہ بر برینک قانی دو کمکدر. — بین العربان
جاری اولان بوجنایت، مقتضای شجاعت صاییلور.

حسن اثنا فلری شونکہ دہ مبرہندر کہ؛ اسلاملرک،
موسویلرک طرز حیائلری متحد و متفق و معاملہ لری اوزقر۔
داشلر بینتہ کی صمیمیت درجہ سندنہ جدیدر. بناءً علیہ،
بلا تفریق جنس و مذہب ہر عثمانلینک و ظنداشلریلہ الالہ و یرمسی
یولندہ کی نصایحہ بو ولایت اہالیسنک احتیاجی یوقدر.

اوت، مشروطیتک ما محتاج الیہی اولان اتحاد عناصریالہ
حکومتہ اطاعت، عدالتہ مقتونیت، ہوس ترقی، وطن اوغرنده
اختیار فدا کاری، آمال مفسدہ اجانبہ متعصبانہ مخالفت کی
شایستہ تجیل خصائل ایلہ مزیندرلر. بیچارہ لر، بر کر بلای
استبداد دن قور تولہرق، چشمہ عدالتدہ ریان اولمق اشتیاقی

سائرو لایتلر اها لیسندن زیاده بسله مشلر . امانه چاره که ، حکومت مشروطه ایچنده بیله متجاسر مأمورلرک معاملات کیفیه لرندن هنوز قورقوله مامشالر !

مرجه شکایت یوانی بیللمزلر ، معذوریتلرینی اکلته جق قدر دیل چویره مزلر . فرضا ؛ مرکز لوادن بش اتی کونلک مسافه ده کی ناحیه نلک مدیری یولی آلمش ، متغبلرله ایشی اویدرمش ، چیقدیغی یرده چوروین آغچلر کی ایچنده دوغدیغی بریه دن آریلایان بریچاره ناصل محافظه حقوق ایتسین ؟

عدالت ؛ هر درلو نائره مفسدت وشقاوتی سوندورور برقوه شدیددر . نیجه وقوعاته تصادف ایدیا یوزکه ، سببیت ویرن حکومتدر . چونکه ، زمام ماتی حسن اداره وظیفه سیله مکلف اولان ، ملت ده کیل حکومتدر .

محاکمه مزى بر آز توسیع ایدلم ؛

اشکال حکومت ایچنده برده ، حکومت عوام واردر که ، قانون عقل وطبیعته پک مغایر بولونان بونوع قوای سیاسیه ، ربع مسکونک حکومتلردن عبارت اولان قوای اساسیه سی میاننه داخل اولماش واوله ماز . بو ولایتده ایسه ، بعض قبائلک طرز حیاتی عین مرکزده در . زیرا ، قضا مرکز لرندن کونلرجه اوزاق بادیه لرده عسکر سز ، ژاندارمه سز بر حالده یاشایانلر ، نفوذ حکومتک خارجنده قالمش دیمکدر . وقوعاتی متغبلر حل وفصل ایدر . ایشک ایچنه بالطبع التزام وجبر کیره جکندن کوچوک بر مسئله نهایت او قادر بویورکه ، ایچندن چیقلمق قابل اوله ماز .

فی الاصل ، ماتسز بر حکومتک وجودی غیر متصور
اولدوغندن ملت ، بر ملت حاکمه صفت و وضعیتی اکتساب
اید رسیده ، خلاصه سندن یعنی ، پارلمنتوسندن چیقوب اراده
سلطانیه اقراران ایدن قانون قارشیدسند مسئولدرکه ، بوده ،
حاکمیت ملیه بی تأمین ایدر ؛ عمروی دوکن زیدک محکومیتی ،
عمروک و حقوقده مشترک بولونان بوتون عثمانلیلرک و حتی زیدک
حاکمیتی ایجاباتنددر .

برده ؛ ملت حقوقده مساوی فقط ، وظیفهده طبقاته
تابعدر ؛ حمیت بر موهبه فطریه ، حب نفسده خصیصه بشریه در ؛
بونک ایچین ، بروالی ایله برقایتجینک حمیتی بر اوله بیلیر و کذلک
هرکس طاشیدینی (انسان) نام معززیه مباحی اولدوغنی جهته
بوکا تجاوز ایدیلنجه تأثیراتی رتبهیه راجع برنسبت اوزره
ده کیلدر . فقط ، حقوقده مساوات واردر دیندرک دیرجیلکه
منحصر اولان صنعت واستعداد براتیلوبده ، بیانمین برایشه
کیریشلمک ، وظیفه ملیه بی ترک وهدر ایتمک دیمکدر .

بزی مشروطیتله ادارهیه سوق ایلین ؛ طلوعات فکریه
ده کیل . قرآن کریمک موضوعنده کی وضوح کافیدر ؛ جناب
حق (وشاورهم فی الامر) بویودقدن صوکره (وفضلنا بعضهم
علی بعض) قیدینی ده علاوه ایتمشدر .

تساوی درجاتدن سیاستک قبول ایتمدیکی بر قوت دوغارکه ،
بونی حوایدجک ینه کندیسیدر . چونکه ، انسان بعضاً فیکرنده کی
خطائی درک ایدمیه درک ، آرزوسنه موفقیت امرنده استعمال

قوته مجبور اولورکه ، ايشته بو ، درجات متساويه اورته سنده
 براستنا ميدانه که تيرمک ديمک اوله جفتدن ، طرفينک حقيقتلر
 محاکمه و بعدا تبليغ هر حالده اجرا ايتمک ايچين داهيا بويوک
 بر نفوذ احتياج طبيعيدير . بنابرین ، بر مملکت دوام موجوديت
 وقوام سلامتی قدرت حکومتله قائمدر ، بر پدرک اک بويوک
 اولادی نه يولده اطاعت ايدرسه بونک ده مادونلرندن عين
 معامله يي کوره چکی بدهته قارشى ، افراد مملکت دائما اطاعت
 متسلسله مشروعه دن عدول ايتماه سي واسطه بقای انتظامدر .
 مشاهير غريبوندن برينک افاده سنه اضافته شونی دخی
 علاوه ايدرم که ، انسان خلقة خود کامدر . بونی تفسير ايتمزم
 بيليرم که ، محترم قارنلر مزدن بر قسمی متحير قاله جق و بلکه ده
 حصه سنه مصيب بر تجاوزی هضم ايدمه يه رک مؤاخذه بويوره جقدرد .
 دوغری سوييور ، زیرا بو کون اکر هر کس حقنه راضی
 اولمق فطرتی حائز بولونسه ایدی ، قانونه و بونی اجرا ايدمه جک
 قوته لزوم قالمزدی . باشقه صورته ده اقناع ايدمه بيلرز ؛ بز
 انسانلر کند مزه عائد حقوقده تمامی نصف وعدالتی ، حتی
 صورت مفرطه ده ايستمرز . جزئی بر خطايه قارشى منفعل
 اولورز . صوکره ، اللرنده کی قازمه لرله کونشک شدت حرارتی
 اورته سنده چالیشان ، بزى ترلرينک تصلبندن متحصل دانه لرله
 طويوران محترم وطندا شلر مزدن بری ياکمه کلوب بر مرصاجته ده
 بولونسه ، انواع نازواستغنا ايله طاورانيرز ، هله بعضا وطندا شلق
 حقوق مقدسه ني بيله آياقلر آلتنه آله رق قيرارز ...

دوشونملی یز ، دائما دوشونملی یز که ، حکومت ملت
سایه سنده در . بیلملی یز ، محقق بیلملی یز که ، مأمورلرک دایه بی
ملتدر . اوتوردیغمز قولتوقلرک آلتسده کی قوتلر ، حقوقی
محافظه ایده جگمز بغری یانیق ملتک افراد نجات نژادیدر که ،
اویچارده بومیانده در .

انسان ایچون ابنای نوعه وعلی الخصوص ، ملک وملتیه
خدمت ایده بیلملک اقتداری من قبل الرحمن نه بویوک بر لطف
واحسنادر ! کندی منفعتلر مزی وطنک خرابیتتده ، فقرانک
مخونده آرامه مز ایه نتیجه اعتباریه باعث خسراندر . بناءً
علیه ، غنای مادی ومعنویک سرمایہ سی حمیت واستقامتدر .
بزی راحت یاشاتان ، عائله مسعودیتلری ایچنده بولوندوران ،
زمام حریتلری قازاندران ، سیاسی بر قوته اضافتله (ملت عثمانیه)
شرفی طاقان ، خلاصه هر درلو اسباب حضور و آرائمزی ،
وقار واحتشاملری بخش ایدن بر سوکیلی وطندر !

وطنده کندی کندیسنه ادامه حیات ایده میور ؛ روح
ایسته یور ؛ ایسته همیزک روخندن حاصل اولان یکون نه ایه
وطنکده روحی اودر . برده قوته عرض افتقار ایدیور که ،
بو دخی ، جمله مزک اتحادندن متحصل بر متاندر . شو حالده ،
منصفانه وحقیجویانه بر محاکمه نک صوکنده بوتون وطنداشلر مزک
معزز اولدوغنه بر محبت قلبیه ایله کسب قناعت ایدرز .

§ مأمورین ارقداشلر مک ، حتی همشهریلری حقدده
بعض صوؤق معاملهلرینی کورمکه متأثرم . بکا یوقاروده کی صوک

سوزلری یازدیران اساساً بوکی احوال اولدینی ایچین صافیت
ایله مختزج برقابک شو تشریحات ملیه سنه امید ایدرم که ، نظر
بی قیدی ایله باقمازلر .

*
**

بوولایتک اهالیسی لایعد قباله منقسم اولوب . هر برینک
شیخ وامامی وهیت اختیاریه سی آیریدر . دور سابقده اموال
امیریہ تحصیلاتک بونلر واسطه سیله اجرایی اصول اتخا ایدیلش
وبویوزدن خیلی سوء استعمال و وجوده کلش ایدی . مشروطیتنه
ایسه ، شو معاملہ نک وخامی آکلاشیله رق ، نظامنه توفیق
قلنمشدر . مع مافیه ، بونلرک هنوز اویانه میان اهایلی اوزرنده کی
تأثیرات مادیه و معنویه لری باقیدر !

هر قبیله نک افرادی اجدادلرینک شهرت شایعه واصلت
موروثیه سی ایله مقتخر بولوندوغندن بویولده کی مدعیات نفسانیه
علی الاکثر فکریمزی تولید ایدیور که ، کرکینلکدن باشقه
نمره سی یوقدر .

قان المی عادت قدیمه مذمومه سی جداً آجینه جق برکیفتدر .
مثلاً ؛ یوز - ایکی یوز کشیدن مرکب بر قبیله نک کافه اجرایی
بونلر میاننده قتل ایدیلنک قاننه متساویاً وارث طانندیغندن ،
قاتل جهتنک ده عین کمینده کی اشخاصی مدافعه نفس ایچین
صورت دائمه ده سلاح طاشیمغه ، راحتسز یاشامغه مجبور اولویور .
بومسئله نک بعضاً غریب تفرعانه تصادف ایدیلیور ؛ فرضاً
(زید) دیگر قبیله دن برخی اولدوردکن صوکره ، اکر خلجان

ممايدن قور تولىق ايسترسه ، (ارنا منقل شجاعت فضيلتندن
بيوايه قالمق شرطيله ؟) هنوز كهواره نشين اولان طفل معصومنى
سقوط انتقامه قربان اوله رق مقتولك عائله سنه كوندريز . آرق ،
بوياروجغزى حيا اعاده يد مروته قالير ...!

يا خود ، قاتل غير مساح اولدوغى حالده ، مقتولك چادرينه
بغته كيروب اورته يامانير . مغاسى (دخيلك !) ديمكدر .
شو حركت . محوبتى ارتكاب ديمك اوله جغندن وداها دوغر بيمى
فيما بعد طائفة نساء سويه سنده ياشامق عدايد يلد يكدن ، عفو
ايله اراز مردانكي قيلنه رق ، مصالحه شرفنه كلغتلى ضياقتلر
ويريلير . — على كلاله تقديرين مقتول طرفندن كوستريان علو
جناب ، عربلك بسالت جيليه لرني اثباته كافى دلائلندير .

تفككلى ايكي متروقدن اوزونلقده وچاقماقلىدر . قونداقلىرى
قيصه واصل قديمه اوزره در . خصيمندن برى آتديغى مرمى ني
اصابت ايتدیره مزسه ، اوزون اوزادى صيقيلامغه مساعد
زمان بوله ميه جغندن باروتك اوسته قورشونى ايندير مكله اكتفا
وبوصورتله تيكرا آتش ايدر . برده ، كوشلى طبانجه ، بويوك
روولور و قماشكلنده (مالطه معمولاتندن) كسكين و غايت
صاغلام يچاق طاشيرلر .

قيله لك شجاعت نمايشلرى هله كلين آلمه لرنده غايت
طماطراقلىدر [۱] . خالقه محارب و جسور اولان بو اهالى

[۱] كلين كه تيريليركن هر طرف دهشت ايچنده قالير ،
كوده يك اوينه بر ساعت قالير قالماز محاربه ني آكديرر سلاح

عثمانلیق حسیاتندن منبعث کوز یاشلریله تماشایه شایسته عادات
ملیه لرینی محافظه ایتمکده درلر .

طراباس اهالیسی اکر دورسابق شدید ضربه لری تحتیده
ازیله مش اولسه یدی . بوکون هرولایتمزه فائق آنارترقی کوستره

صداری باشلار . آهسته بررفتاریله یولنه دوام ایدن بر محتمم الایک
اورته سنده ایکی دوه . بونلرک اوزرنده ایکی قاشلرله مستور برر
کوچک اوطله وبش التی مترو نصف قطرنده کی محیطنده ده مسلح آتلیلر
کوروتور .

مذکور اوطله لر . دالاردن اورولاش چاردان و داهبا صریح
سویله یلم . اورته دن بولونمش شیشکین برچوال شکلنده در . برنده
کاین و دیگرنده ده والده سی اوتورور . باطبع وجودلری مشاهد
ایدیلر .

تصادف ایدیلرک مساعد برمیدانده توقله مذکور ایکی دوه
وکافه اهالی ایکی صف تشکیل ایدر . سواریلر ، اکرلری صیرمه لرله
رکابلری کوشلرله بزمنش آتلیخی برباشدن دیگرینه طوغری قوشدورورلر .
یردن چیقان شدتلی غبار آره سنده سیاله الکتریقیه کی قطع مسافه
ایدن بو بهادر ، بو آرسلان جانبی عثمانلیر کاینک حداسنه کلدکارنده
الارنده کی مرصع نقشکاری هدف موهومه چو یروب آنارلر . عین
زماننده ده . کاینک اطرافتی قوشاتان مغنیه لر غایت مؤثر و دلسوز
غمالریله او ساحة مهیبه نی پاک معنیدار برشیکله قورلر . بو صحنه نیک
قارشیسنده انسان حسیات عمیقیه طوتولور ؛ شجاعت و حماسه نیک
لغان ایتدیکی او حیدرانه یاریشلر کوه نیک قوای متحده سنی . مذوب
اولدوغی قبیله نیک صولت جنکاورانه سنی و مغنیه لرک جانخراش صداری ده
برکسیدک نظرگاه اویندن افتراقی ارئه واعلام ایدر بر پانورامادر .
دنیا نیک وسیله دوا می اولان بو وصال ، کشکره اسانی لرزه ناک
ایدن قارابیه کومبورتولریله نتیجه لندیکی کی ، غشای بکارنک . تعبیر

بیلیردی ؛ معروف ، نهلره منسوب اولان اشراف ، نجابت
خلقیه منی ، سخاوت ازشیه منی ، اخلاق حسنه منی و ملیتک
وقار و عظمتی الدن قاجیر مامش ، هر طلوعات فیکریه منی
تطبیقه تکامل ایتماش .

حکومت ظلم ایتمش ، حمیت ملیه منی ضعیفلندیرمیش .
باخصوص متدین اسلاملر (بانق دی روما) نک پای تخریبی سلاح
و طنپورانه ایله قارشیلامش !

احضاره ، کوی عصمتک حین تحقّقنده تکرار طابعه سسیله اعلان
ایدیلیر .

کرچه بو عادت ، برامر خفی مظهره سی اولق حیثیتیه نابعمل
کورولورسده ، اساساً طبیی الوقوع اولان برشیمک شیوعی تقییح
صره سنده نظر دقته آله جق نقطه ، زوجه نک اخیراً شائبه اسناددن
کلیاً تبریه سی یولنده کی تدبیر معقولدر . چونکه ، سائر حوالیده نیجه
وجدانسیز زوجلرک برایکی هفته صوکره بویولده برافترا وسیله سسیله
ییحاره مخدراتی ابدی بر حجاب معروض بر اقدینی همیزک معلومیدر .
بونک ایچون ، عربلرک شوعات قدیمه لری فی الاصل شایان تقدیردر .
کلین جمعه کونی که تیریلیر . ورودندن مقدم عمومی برضیافت
ویریلیر ، یوزلرجه فقیر طویلانیز . غیر منظم برحاله انتظار ایدرلرکن
خدمه نک برالده (بزنی) قاوناسی و دیگر ننده بر بوجوق مترو طولنده
طایانقلی خورما دکشی ایله باش کوسترمه منی متعاقب محشری احساس
ایدر برتهاجم وقوع بولور . چونکه ، طایاندن قورقان آج قالیر .
قایدشمه لر صره سنده بو برله مخلوط یاغ بله نن سیاهیلر (ورنیک)
بویاسی کی پارلامغه ، بوبرک آجسیله قاشینمغه باشلار . بواسقیداد شکم
صحنه سی ، انسان ایچون پک بویوک بر ساحة عبرتدر !
میانیه ، مدعوینه مخصوص عکسک متنوع اوقله برابر ، قهوه
جای و مشروبات سائر تکلفاتی تذکاره لایقندر .

نه بويوك براستعداد در كه ، حكومت ظالمه بومؤسسه سياسييه
 واسع مساعده لر ویرمش ايكن ، معارفدن محروم طائيديعمز
 بونجه قبائل فرصت مترقبه يي ذكای فطريليله تفرس ايتمشلر !
 اهانك - اكرت اعتباريله - مفتون حميت وشكر كذار
 انسانيتي يم . شو قدر وار كه ، بر قسمك قال و قيلی اعتياد ،
 بي اساس برشيئي وطنداشنه واز جمله برطوپراقده برابر بويون
 بر همشهريلينه اسناد ايتيمي بي يك ديلون ايتشد . چونكه
 كورديكيم فضائل كليهايله تاليف ايده ميورم . مع مافيه ، ينه انصافي
 الدن براقيم ؛ هدف مسئوليت بالخاصه حكومتدر . حكومت
 عدالتي كوستردمز ، متجاسر جزاسني چكهميه رك متعدي عنيك
 اوكننده ضرور موفقيت اظهار ايدرسه ، هر معامله ده مساوات
 اخلال ايديليرسه ، كافه تدابير رديئه به توسل چيغيرني آجان
 انتقام هوسنك تولدي طبيعيدير .
 بونصل اولويور ؟ :

يالكر خمس لواصي ، پورتكيز قراللي قسدر جسيم ايكن
 اولجه عرض ايتدبكمز وجهله قوه ضابطه نك مفقود دينه جك
 درجه ده قاتنه فارسي آنجاك معجزه آسا بر صورتده آسايشي
 محافظه ايدون اهالي يي آقيشلامه مز لازم كيرمي ؟
 چولده ، ايصسر يرلرده ، اطرافي خالي يوللرده بر مقتضاي
 بشريت بري قتل و دودوسي غصب ايديلير . فاعل معلوم . فقط ،
 برقچ كون صور كره خبر آله بيلن حكومت مظنوني دردست
 ايتسه يينه ، جرمك آناري غائب اولمش ، اورته ده تبين حقيقته

مدار بردلیل قلمامش ؛ بالطبع عدالت یرینی بوله میور .
مظن برائت ایدیور ، جزاسی مقتولک قبیله سینه عاند
بروظیفه عرفیه حکمده قالیور! حالبوکه حکومت ، ملتک کافل
سلامت وسعادتیدر . خمس مرکزنده اولجه کونده بش آلتی
مقتوله تصادف ایدیلیرکن ، شویدی سکز آی طرفنده حکومتک
کوستردیکی فعالیت ممکنه ثمرسی اوله رق ، بومقدارک شایان
تعجب برادیده نزولی مطانعاتمکز یکانه شاهد بارزیدر .

والحاصل ، حقیقه مونس وآسایشپورر اولان بواهایی بی
مواخندیه قطعاً حقمز یوقدر ؛ افیکاری تنویر ایده ملک منتظم
مکتبیار وجوده کتیرلاماش . عدلیسه ده ، مالیه ده ، ضابطه ده
عدالانه برمسالتک تعقیب ایدیلاماش ، حقوق ملت ؛ معاشسز
مستتقلر ، ذرایتسز ، وارسته مسئولیت مأمورلر یدینه تسلیم
ایدلش ...!

خلاصه مقصد

طرابلس اهالیسی - اشاعات کاذبه نک عکسی اوله رق -
چالیشقان ومشکلاته متحملدر . فقط افسوس که ، مدنیتک
ایجادات تسهیلیمندن محروم اوله لر ، فقرانک ضرورتی مندفع
ایده مامکده در ؛ (خلفه) فابریقه سنده برماکنیست مستریخانه
اوتوریسور ، یالکز اوکننده کی ایستیم چشمه سنی آره ده بر
چویریور . بالطبع (۱۵ - ۲۰) ایرا معاش آلیور . سیاهیلر
ایسه ، اون ، اون ددرت ساعت طرفنده ، ازجمله کونشک حرارتی

آلتنده تحمل بشر فوقنده چالیشیور ، کونده آنجاق اوچ دوت
غروشه نائل اوله بیلور.

اغیانك همان هپسی منطقه سنك خارجنه چیقماش اراضی بی
اصول جدیده اوزره اعمار اتمه نك یولنی بیلیمور ؛ زراعتی
قنه مغایر برقاعده عجیبه ایله اجرا ایدیور . خورمادن باشقه
بر آغاجه هوس ایتیمور. خلاصه ، هر جهتدن موازنه لی برطور غونانی
اخلال ، ثمره سی محدود یورغونانی تخفیف ایده جك بر اثر
مروت دها تجلی ایتماش !

حکومتی بوزمینده کی سؤال لر قارشیننده مدافعه ایتك
ایسته یئرلر عجبا ، شومعیشتم پر مسکنتك کندی کنديسنده کیشه جکی
امکان داخلنده می بولویورلر ؟

ترقیاتمرك اك سهل الاستیحصال مقدماتی بیله ، معارفه
توام طوتمق ایسته یورز ، بو کون المزده بولونان بر فرصتی
استعماله حاجت کوره میورز. حالبوکه ، بو برخطادر ؛ اول امرده
معارف حقنده کی تشبثات پك بطی کیدیور . غریبدرکه ،
بوننده هر سنه نك آتیسنه حصر ایدیورز. اسف انکیز بر مثال
اوله رق شونی کوسره بیلیم :

خمس لوانسك حقیقه اك اهمیتی ومستعد وعلى الخصوص
اهالیسی کثیر وقبائی طاغیق بر قضا سنده معارفك تعممنه رکز
نظر انباء ایدن اصحاب حمیت ایکی مناسب محله بر مکتب انشانی
تصور ایلدرک ، کیسه مروتلرندن اونریك غروش تعهد ایتماش
ایدی. بو غیرت ملیه شدتی آلتیشلره شایسته ایکن ، مع التأسف

حکومتیجه بر اثر تقدیر و همت کوسترمدی . کرچه ، معارفینز
تکمل اولماز . فقط ، مساعدۀ حلی بر اقوبده هر درلو مبادی
ترقیاتی استقباله یوکتیرسه که شوحر کتمز معقولاتدن صایلماز .
معارفی وسیله یکانه ترقی عدایدیورسه ق ، بوولایتده هنوز
اسکی عطالتک دوامنه قارشی قلب ملتدن قوپان فریاد دائمی
« الانصاف ! غیرتمزی قیران حکومتدر... » جاهه معصومانه سیدر .

اعتقادات دینیه

طراباس اہالیمی، معتقد و متدیندر. زوایا و تکایا و (مرباط)
تعبیر ایدیلن صلحایہ اعنا و رعایت ایدرلر. قرآن کریم؛ علی الاکثر
بویو کجه و مستطیل الشکل لوحه لراوزرینه و ایری یازیلرله محرددر.
رمضان شریفده، اک صیقینتیلی مشغولیتلر هنکامنده بیله
نقض صیام ایتمزلر. بیچاره فقرانک قوری املک قبوقلریله، صو
ایله افطار ایتدیکلربی کورمک قدر انسان ایچون موجب حمد
و شکر برلوحه عبرت اوله ماز.

ممانت دینیه لری ایجابجه، هر درلو شئوناتی تمامیلہ مقدراته
عطف ایدرک، پک بیوک آثار صبر و ممانت گوستریلر. انجاق
برقصور و ارسه اوده، اولور اولماز مسائلده قسم ایتمکدن عدم
احترازدر. بواعتیاد، شرف معارفدن محروم اولان صنفه منحصر
بولندوغندن، معذور کورولورلر. اہالینک اکثریمی (رفاعی)
طریقتمدنر؛ کیجهلری نولرک اولولرندہ قرق الی کیشی بیوک
تقلرله معنوی برعالم سرورده داخل اولورلر؛ اولاصوات عاشقانه ایله
دعالرا و قونور. تف سسلری، (الله) ندالری بوتون قلب سامعینی
جوش و خروشہ کتیرر.

صوکره، حال وجده کیرن ارباب طریقت، امارینه کچن
شیشلرله وجودلربی تربین ایدرلر و مرشد طرفندن کتیریلوب
اورتیه قونان منقالت آتشلربی آغزلرندہ سوندورورلر،

عقرب کبی زهرلی حشراتی واوزون اوزون چوبولری یوتارلر
ایچینده یئمک پیشسمکده ایکن فرونه کیروب ، ساعتلرجه
اوتوردرق ییینلر ، منقال اوزرنده ذکر ایدنلر ، قلنجی قاریندن
صوقوب ، ارقه‌دن چیقارنلر اشخاص معروفه‌دندر .

بروقت مصرده سیاحت ایدن رمؤلفه دیورکه ؛

« وقوعبولان دعوت اوزرینه براوطیه کیردک .اورتهیه »
« اوتورمش درویش‌النده کی دودوکی اوفله‌دیکی وقت دلیکیردن »
« چیقان قوجه‌مان انکیرک ییلازلری اوینامغه ، درویشک »
« بدنه دولامغه باشلادی .قورقودن چیقادیق . بونده بردسیسه »
« اوله‌بیلیر ؛ احتمالکه ، بوییلانلر کوچو کدن بسلنمش وزهرلی »
« اولان نقطه‌لری محو ایدلمش . فقط ، رفائی درویشلرینک »
« کوستردیکلری استوال غریبه‌یه بردلو عقل ایردیره‌میورم . »
« عشقه کالکیرنده .اوزونجه شیشلری وجودلرینه صوقویور »
« وقیزیل آتشلری ، جاملری ییورلردی . شیشلرک حقیقه »
« نفوذ ایتدیکی وآتشک جامک حبله‌سز اولدوغی شبه‌دن »
« وارسنه‌در . بوتقدیرده ذکر ایتدیکم عمایات عجیبه‌یه عقل
ایردیره‌میورم!..... »

بوکون نجبه ارباب فن ، انسانی حیرته‌ده برافان اویونلر
کوستریور؛ یمورطه‌لردن لیرالر ، شایقه‌لرندن قوشلر چیقاریور .
قورشونله ملوء طبانجه‌لرک هدفی اولمقدن اصلا توحش ایتیمور .
لکن ، صورت اجراسنی تدقیق وتعمیق ایدرسه‌ک ، اکلا یورزکه ،
لیرایمورطه‌دن ده کیل اولجه صاقلاشمش اولدوغی یکدن ، شایقه‌دن ،

او چو شان قوشلر ، مصنع بر صورتده يرلشد يرلمش قفسدن چيقور
وقور شون طبانجه نك ديكر كيزلي كوزنده قالير . حال بوكه ، فن
شويله طور سون ، مكتب يوزي بيله كور مامش بر منتسب طريقتك
يوقاروده كي كوستريش لر نده حقيقتدن باشقه برشي مشاهده ايد ييور .
والحاصل بوكا (دلائل صدق اسلاميت) ديمك قطعيات
رياضيه يي تصديق مرتبه سنده در .

کتاب وجدانک صحیفه لرندن

طرابلس غرب پولیسرینه نظر دین سوکره :
بوکون نظر قانونده انک اهمیتلی وسائط عدلیه ؛ تحقیقات
ابتدائیہ واوراق کشفیہ ایله متفرعاتیدر . بووظیفه ده ، مدعی
ومستظقلرک بولونه مدینگی یرلرده ووقوعات خفیفه ده پولیسلرک
ویا خودوکالت ایده جک ژاندرمه ضابطانک یدلرینه یریشیدر .
دیمک اولویورکه . بومامورلرک وظائف مرتبه لری - حقوق
عمومیه یه تعلقی حسابیله - پک آغیر ومدسدر .

بروقت غزته ایله نشر ایتدیکم اوزون بر مطالعه یی اختصار
طریقیه درج ایده ایم که ، جزئی مرتبه اوقویوب یازمه لریله اکتفا
ایدیان پولیسر یوزندن نه دهشتلی برمسئولیت ماده ومعنویه
معروض قالدینی اکلایشلسین :

شبهه سزدکه بربولیس ؛ ضابطه عدلیه ، ملکیه واداره
نامریله باشلوجه اوچ خدمتی درعهده ایده رک مسلکه داخل
اولویور . ضابطه عدلیه صفتیه کوره جکی وظیفه ، برجرمک
نبوتنه مداراولان وسائط اجرائیه وآنارینی ضبط وجع ایتک
ومدعی عمومی ایله مستظقل بولونه مدینگی زمانلرده مقتولک
وضیعتی، فعل سرقت ایسه مثلا ؛ آیاق ایزلرینی، قالان اشیاسنی
کوزلجه کشف وتحریری ایله مکمل بر ضبط ورقه سی احضارا یتکدر .

ایشی اطرافیله محاکمه ایدم:

اکثریا تصادف ایدیلدیکی وجهله ، بو ورقه نك احتیاجه
غیر صالح بر طرزده تحریر ایدیله سندن دولایي مظلون نهایت
برائت ایدوب چیقور ویا خود بر مظلوم یقالا توب سنه لرحه
توقیفدن سوکره صالینور .

ایشته بر معصومك قانی هبا اولوب کیدیور ، بر جانی یاقه نی
صیردوق جبار تنبور ، بر مظلومك عالمی پریشان بر حاله کلیور .
مع مافیله ، عین زمانده ده قانونك متكفل اولدوغی عدالت
وظیفه بی (انتقام) کسود سنه بوروندرك ، مقتولك ورثه سنه
انتقال ایدیور . حکومتك شو بجر کمز لکندن دهبا نیجملر
سوه عبرت آلیور ! شیمدی عجباً حکومت ، بو پولیسك وجودیله
افتخار می ایلور ؟ حالبوکه ، اساس دوشونوله جك اولورسه ،
بو مأموردن بکلنسان یازارلق حسن اداره طرزیه وقوعه میدان
ویرمالمکدی . چونکه ، ملتك سعادتتی ، حکومتك سیطوتتی
آرتیره حق نعمت آسایشدر . بناءً علیه ، بر پولیسك خدمتی
جداً مقدسدر ، هر وظیفه مرجعدر . فقط هیئات که ،
حکومتك عماد موجودیتی ، واسطه شوکتی دیمك اولان بویله
مهم بر مملک تنسیقات نتیجه سنده ده اصلاح ایدیله ممشدر .
کرچه شیمدیکی معاشا له دخی اوصاف مطلوبه بی حاوی طالبلر
بولوق محال ایلده ده . بنده پرورانه بر علو جنابك یادکار لینه
قارشى ینه انسان لسان اسف فشانتی طور دوره میور .

وظائف ضابطه وعدیه نك انتظامنه الك زیاده محتاج اولان

وولایتدر؛ باشقه برلرده کثرت تماس ایله کوزلرینی آچان
جهلا بیله ینه اولدوچه مغدوریتدن کندیلرینی محافظه ایدمه
بیله جک قدر برمدافعه اقتدارینی مکتسب ایسه ده، بورالرده
بیچاره فقرا حکومتک هر درلوا اجرا آنه بویون بوکمکده و تصادف
ایدیان برطابق قانونشکنانه معاملات دوغریسی داغدرون
اولمقده در.

قانونلرمن اوقدر نقصان ده کیلدر. فقط، صورت
عادلانده اجرای احکامی اقتدار و وجدانه متوقفدر. قانون،
اولور اولماز مسائلده توقیفه مساعدیه ایتیمور. لکن چه سودکه،
موجب توقیف موادی تعیین ایدمه جک پولیسلرمن پک آزبولونیور،
بوتون موجودیتله نفرت ایتدیکم بوکی معاملات؛ مشروطیتی
رخنه دار ایتمکدن، اهالی یی ازمکدن باشقه برشی ده کیلدر.

سیررسی کلش ایکن بر آزده حبسخانه لرك احوالندن علاوه
معلومات ایدیم:

خمسه یوم ورودمدنبری بی قلباً اغلاناتان بوتقظه اوزرینه
نه یولده اداره کلام ایدمه جکمی بیله میوزم. چونکه، توصیف
ایتمک ایسته دیکم محل، حبسخانه ده کیل، ورم میقرو بلرینک
برتلقیه حبسخانه سیدر؛ برمظنونک ایکی آی قالمه سیله اعدامه محکومیتی
بیننده هیچ برفرق یوقدر.

صاغلام بر بنیه ایله ادخال، قدیددن عبارت برووجود عبرت
نمون ایله اخراج ایدیلیر. اوتوردیغم یرک یانسنده کی پنجره دن

بعضاً اشاغی به باقدیغ زمان قلبه عادتاً برخنچر صاپالانیور ؛
 کونشک حرارت طاقتفراسی آلتند ، هواسزاوطه لر ایچنده
 یانوب قاوورولان وطنداشلر مزك اوند سگزی موم کبی صارارمش ،
 (غالوپان) نوعندن ورمك سرعت تأثیریه اوکسوریور ، قانله
 مخلوط مواد مستخرجه یی اطرافه صاچیور ، صوکره آرعدن
 برمدت که چیور ، (قور تولدك !) مژده سنه قارشى ذره قدر
 اثر بشاشت کوسترمیه رك ، کذرکاھنده اوتوره قالقه کیدیور .
 واه بیچاره واه ! سعادتنه سنه ده کیل ، اولاد وعیانه
 وداع ایتمه کیدیور ! ...

نجه شیمدی به قدر یازدیقلر مك اك مهمی بومعروضاتدر .
 قانون ، نفوس مانى تقلیل ایچون ده کیل ، تأدیه مدار اولمق
 اوزره وضع بویورولمشدر . نیکیم جناب حق بواساسه منی
 قصادن عفوی مرجع طوتمشدر .

بونى داهسا که نیش بر محیطده دوشونورسهك اکلارزکه ،
 برمعصومی ورم حویناتیه اشیلایوب صالیویرمك ده ،
 برجنایت متسلله در . چونکه ، عانله سیله تماس ایده جك ،
 دها بر قیاج کشینك موتنه ببیت ویره جکدر !! ..

مسئله ، حیات ایله مماسه تملق حسیه فوق الصور اهمیتی
 حائر بولندوغی ایچین اولیای امورك وبالخاصه عدلیه ناظرینك
 وجدانسه ، لسانلری بکارت جهالت ایله مستور اولان مظلوملر
 نامنه التجا ایدیورم . قوه منقده اوله جق وبوصلاحتی یلوب
 یزنده استعمال ایده جك اهالیمز بولنه مدیغندن مامورلری

مسئولیت قانونیه قارشیسندہ ییسلدیرہجق صورتده تفتیشات
متبادیه نك ایفاسی درجهٔ وجوبده در . عین موقعده یوز
کوز اولمش ، یا کلش براعتاده قاپمش آمرلرله ده کیل ، جدی
دقتشار واسطه سیله قابل الحصولدر .

برشیک وجودینی اعتراف ایتک ایچین ، آنارینی کیرمک ،
موهسنی طاتمق لازمدر . بنابرین ، ایادی تحابته صبیله کبی
مفتقر بولونان اهالمیزی مشروطیته ایصنیدیرمق توزیع عدالتله
قائمدر .

• مارفك خدمت اساسيه سي

برملتك معارفى، قوه سياسيه سنك روحى ديمكدر . چونكه
 بوقوت . افرادك سلامت فكريه وسعادت حياتيه سيله قائمدر .
 فرانسه مشاهير ادبائندن (ژول سيمون) (حریت مدينه)
 نامنده كى اثرنده ديوركه :

« قانون عين زمانده حریتك مقياسيدر . نصل كه نفوذ »
 « قانون فقدان حریت ايله عديم الامكاندر ، زيرا جوهرى »
 « نقصان اولور ، حریتده قانونسز اوله ماز ، چونكه اساس »
 « ناتمام قانير . »

« حریت ، حریت مطلقه و نامحدوده طلبيله خدمت ايتك »
 « ظنده بولونان نظربون ، مطالعه لرنده يا كيلورلر . شبهه مزدركه »
 « هر خصوصده حریت ، حریتك ، هيئت اجتماعيه نك »
 « و انسانيتك ضديدر . مع هذا حریت قوتمدن باشقه بر معياره »
 « مالك اولمازسه ، بن خياله و دنياده قوته تابع اولور . قانون »
 « قاجار ، وقاچهرق ، حریتی برابر كوتورور . »

« بواصول سياسيه يى تطبيق باخصوص عائليه متعلق مواده »
 « مهلكدر . استحصالی آرزو ايدیلن بومقصد ، مناسبات »
 « بشریه ایچنه حریتك ممكن اولدینی قسدر اك عظیم يكوتی »
 « الحاقدر . اوكا نائیت ایچون روابط عائلیه صالیوردم ، »
 « ومثلا نفوذ ابوتی اورته دن فالديره لمی ؟ هپسی معكوس . »
 « طبیعت پدره ، اولادینه حکم ایتك صلاحیتینی احسان ، »

« واولادینهده بدری طرفندن حکم ایدمک قانونی اعطاییدیور »
 « بو ، تربیه و تبعیت ایدنلره متساویاً لازم اولان برنفوذور .
 « هر اصول سیاسیه که ، حریت وسیله سیاه ، بدری موقع »
 « اقتداردن اسقاط و چوجوغنی اعتناق ایدر ، تأثیر اعتباریاه »
 « هراکیستک حریتی محو و مندرس ایلر . زیرا صلاحیت »
 « وحاشتی بونلردن قالدیرر .

« وفی الاصل جمعیت خادمیه تابع اولان جمعیت سیاسیه »
 « کبی حکومتی بیقهه دن ، قانون ؛ یعنی حریت جرح ایدیله من ،
 « و حکومتک حریتی پایدار ایدن مکننتی تربید اتمه دن عائله ،
 « قانون طبیعی اساسی اوزرنده صورت قویهده تشکیل ایدیله من .
 « بوفن سیاستک قواعد اساسیه سندندر که ، عائله ایچنه غایت
 « متناهی اقتدار ویرملی ، بواقتمدار حکومت ایچنده لازم
 « غیر مفارقدر . بونقطه نظر دن ، جمهوریتیزک انجمن کیری ، بدر
 « ووالده لک نفوذنی تقلیل اتمکده خطا ایشدر . بو خصوصیه
 « رومالیلرک نمونه سنی تعقیب ایتدیلر ، رومالیلر استعانه نی
 « سوپورلردی ؛ چوسکه قوه ابوتک افراطی روما جمعیتک
 « الی نهایته القوتلی آلاستیقیتلرندن بری اولمش ایدی .

بومطالعات حکیمانده شایان استفاده بک چوق نقطه لر واردر :
 برکره اسویچره حکومتی نظر دفته آله لم ؛ معارفک تربیه
 و تمیه ایتدیکی دماغلر بریره طوبولانمش ، اخوت حدغایه وارمش ،
 هرکس حق و حدینی بیلور ، بیهوده مدعیاتاه یوزولمقن قطعاً
 احتراز ایدیور .

وظائف ملیه استعداد کوره تقسیم ایدلش، هیچ برکسه
آخرک ایشنه قاریشه یور. قلمبرده بر خصلت جدیه وار، اغبرار
ومنافرتی داعی حرکات کور و لیور. حکومت، متادی برسکون
و آسایشک قارشیدنده یالکیز نظارت ایلیور.

عجبا بوفضائل بشریه نی طوغوران نهدر؟

معارفله دائره عرفانه داخل اولمش پدر و واندلر؛ چو حقی
دائما شفقتله تمیزج برتریه نیک آلتنده، معارفله مزین ابوینک
آغوشنده بویویور، عین اهتماماته معروض رفیقلمندن سوء عبرت
آلیور. صوکره مکتبه کیدیور، کسب کمال ایدوب چیقیور.
آرتق مسدکننده ترقی ایتک، مسعودیت حیاتیه سنی تأمین
اینگدن باشقه برشی دوشونمکه مساعد بر زمانی قلمیور.

نهایت بوده برعائله نیک صندالی ریاسته اذتورویور. ابونندن
کوردیکی حرکات و معاملات قاطعه باشلا یور!

والجاصل، قوانین مدنیله مقید اولمه سی لازم کلن حریت،
بویوکلره حرمت و رعایت، کوچوکلر حقننده علوجناب و حمایت
وبین الاقران خلوص و مودت اساسلرینک حسن محافظه سیله ادامه
موجودیت ایده بیلیر.

بناء علیه، بوبختی؛ موقع اعزازده طوتولمه لری ایجاب
ایدن سوکیلی اختیار لر مزی و (وطن قرداشلنی نقطه سندن)
علی الاطلاق ولی نعمت بابا لر مزی حریت ذریعه سیله رنجیده
ایتمک تغافلنده بوشان کنجلر مزی چشم اتباهرینه عرض ایله
ختم گفتار ایلرم.

صوکه